





Ex Bibliotheca  
majori Coll. Rom.  
Societ. Jesu

# **D I C T A T V M C H R I S T I A N V M, S I V E**

**C O M M V N E S E T A P T Æ D I S C I P V -  
 L O R V M C H R I S T I O M N I V M  
 P A R T E S,**

**E x m a g i s t r i p r æ c e p t i s & i n s t i t u t i s a d p u -  
 s i l l i g r e g i s i n s t r u c t i o n e m à c o n d i s c i p u l o  
 B E N E D I C T O A R I A M O N T A N O  
 o b s e r u a t i s & i n b r e u e m s u m m a m c o l l a t i s,**

*Contendite intrare per angustam portam.*

*Collegij Rom. Soc. Jesu Catal. inscrip. B. S.*

*Exlegato*



*Cadd. Loea*

**A N T V E R P I Æ,  
 E x o f f i c i n a C h r i s t o p h o r i P l a n t i n i,  
 A r c h i t y p o g r a p h i R e g i j.  
 M, D. LXXV.**



SUMMA PRIVILEGII.

REGIS Privilegio cautum est, ne quis alius præter Christophorum Plantinum, librum hunc, cui titulus est, *Declaratio Christianorum, &c.* intra decennium imprimat, aut alibi impressum in suas ditiones importet, venalemve habeat. qui secus faxit, poena fisco Regio exoluenda multabitur: ut latius in Regio diplomate expressum est, Dato Bruxellæ xv. Nouemb. anno M. D. LXXI. III.

Subfig.

I. de Perre.



BENED. ARIÆ  
MONTANI AD

CHRISTIANVM

lectorem

PRÆFATIO.



Vrbulentis-  
simam tempestatem  
hanc, qua totus ferè  
in orbe terrarũ Chri-  
stianus populus iacta-  
tur, neque incertis cali signis commo-  
tam, neque obscuris ex causis concita-  
tam esse manifestè ÿcognoscunt, qui  
rerum humanarum curam Deo esse,  
vel ex sanctissima sacrorum librorum  
disciplina, vel ex ipso vite rerumque  
usu intelligunt, & fatentur. Nulli  
enim horum dubium est, publicas re-  
gnorum, populorum atque civitatum

calamitates Dei scelerum vindicis  
consilio ac iudicio afferri; idque ante-  
quam accidat, piis ac delectis viris ad  
institutiæ diuinæ commendationem, at-  
que ad hominum ipsorum correctio-  
nem prædici atque indicari; sicut scri-

Amos 3. ptum est: Numquid ambulabunt duo  
„ pariter nisi conuenerit eis? Numquid  
„ rugiet leo in saltu, nisi habuerit præ-  
„ dam? Numquid dabit catulus leo-  
„ nis vocem de cubili suo, nisi aliquid  
„ apprehenderit? numquid cadet avis  
„ in laqueum terræ absque aucupe?  
„ numquid auferetur laqueus de terra  
„ antequam quid ceperit? Si clanget  
„ tuba in ciuitate, et populus non expa-  
„ nescet? si erit malum in ciuitate, quod  
„ Dominus non fecerit? Quia non fa-  
„ ciet Dominus Deus verbum, nisi re-  
„ uelauerit secretum suum ad seruos  
„ suos prophetas. Quibus verò ex caus-  
„ sis huiusmodi grauisimi rerum mo-

J

tus publicis priuatisq; rebus afferantur, eiusdem vatis responso expositum est. *Auditum facite in aedibus Azo-* cc  
*ti, & in aedibus terræ Aegypti; &* cc  
*dicite: Congregamini super montes* cc  
*Samariae, & videte insanias multas* cc  
*in medio eius, & calumniam patien-* cc  
*tes in penetralibus eius & nescierunt* cc  
*facere rectum; dicit Dominus, the-* cc  
*saurizantes iniquitatem & rapinas* cc  
*in aedibus suis. Propterea hæc dicit* cc  
*Dominus Deus, Tribulabitur & cir-* cc  
*cuietur terra, et detrahetur ex te for-* cc  
*titudo tua, & diripientur aedes tue.* cc

Certè mihi huius in nos diuinæ animaduersionis apertissima causa est publica & communis culpa; dum maximam ferè Christianorum partē in varias discissam sectas, diuersis erroribus non modò captam & ductam, sed etiam inflatam intelligam; alterā verò quæ catholicæ fidei com-

*munitionem & veritatis disciplinam*  
*profitetur, negligenter tamen colere ac*  
*perne pervertere videam: atque ita*  
*dum aliorum deprauatas mentes, a-*  
*liorum corruptos mores atque utri-*  
*usque partis dissidia, dissensiones,*  
*grauissimasq; inimicitias, & omnino*  
*peruersa studia contemplor, illud assi-*  
*duè mecum repeto: Dominus de celo*  
*" prospexit super filios hominum, ut*  
*" videat, si est intelligens aut requirens*  
*" Deum: Omnes declinauerunt, simul*  
*" inutiles facti sunt: non est qui fa-*  
*ciat bonum, non est usque ad unum.*

*Quamquam verò nec propheta*  
*ipse, nec prophetae sim filius; tamen*  
*maiores grauioresq; nobis procellas*  
*impendere, nisi prouideatur, prædica-*  
*re ausim: satis enim mihi ad hoc af-*  
*firmandum est, ea in terris videre ex-*  
*empla, quæ se Deus non absque vltio-*  
*ne laturum certissimis oraculis est*

*comminatus. nam si leo rugit, quis  
 non timebit? si Dominus locutus est,  
 quis non prophetabit? Itaque licet  
 etiam de futuris quoq. incommodis-  
 simis turbinibus vaticinari ei, qui  
 causas manifestas conspiciat, ex qui-  
 bus temporum calamitates atque dif-  
 ficultates ortum iri Deus ipse celum  
 atque terram obtestatus prædixit.  
 quas autem causas ego animaduerte-  
 rim, nemini obscuras esse arbitror,  
 nimirum contumaciam insolentiamq.  
 nostram, atque prave sententiæ im-  
 probandâ obstinationem; quandâmq.  
 velut contentionē aduersus Deum in  
 nos animaduertentē; quam Isaias in  
 populo notandam indicabat, Super quo  
 percutiam vos, ultra addentes præua-  
 ricationem? omne caput languidum,  
 omne cor marens, à planta pedis usq.  
 ad caput non est in eo sanitas: vulnus  
 & liuor & plaga tumens, non est*

Isai. 1.

Deut. 32

Isai. 1.

„circumligata, nec curata medicamine, nec fota oleo.

Atque utinam in hac mundi iactatione, rei familiaris ac dignitatis, splendoris & honorum mundi huius, quæ tamen pretiosa habentur, iactura solam fieret, quæ meritò ferèda esset, atque adeò etiam fortassis optanda, cùm huiusmodi impedimenta & pòdera prosperi cursus usum non raro auferant: sed illud maximum longèque grauissimum est, quòd cùm vnus animula periculum omnium in nauis mercium & commeatum, aliarumque quæcumq. vehūtur, rerum damnis redimendum iure sit; tamen in huiusmodi miserrimis naufragiis innumerabiles animæ demergi profundoꝝ absorberi conspiciantur, quæ miseriarum omnium humanarum maxima miseria est. Cùm verò rectorum gubernatorumqꝫ munus & officium sit

*fit iactata navis saluti consulere ope-  
 ramque dare, atque in eam rem per-  
 multos ex iis quorum interest, incū-  
 bentes observem; quamquam ipse ne-  
 que eam auctoritatem neque faculta-  
 tem habeam, ut inter eos qui navem  
 curant, præstare quicquam aliud pos-  
 sim, tamē ut unus ex iis, quos in com-  
 muni discrimine, non otiosos specta-  
 tores, verū sedulos subleuatores,  
 vel saltem studiosos deprecatores sese  
 præbere oportet, cognita mali huius  
 publici causse unde remedium peti,  
 quæve potissimum ratione quæri,  
 quoq. modo adhiberi posse crederem,  
 pro persona, quam in catholica Dei  
 Ecclesia libenter gero, humilitate &  
 verecundia exponere, mearum par-  
 tium esse existimaui, maximè cum  
 opera nostra ad eos monendos iuvan-  
 dosq. conferatur, qui maiora cum in-  
 telligere non facile possint, commo-*

diora atq. aptiora omnibus et in universum necessaria ac peropportuna minus fortasse frequenter docentur; quæ tamen si ignorauerint, neque salutem obtinere, neque ea quæ altiora augustioraque habentur, assequi comprehendereq. poterunt. Neque verò vocem orationemque nostram maioribus, doctioribus & præstantioribus in instituenda humana vite arte viris aut importunam aut superuacaneam visum iri metuimus, immo potius confidimus, mentem studiumq. nostrum a quo animo attendentibus probatam iri, & si quid ad eorum munus promouendum rectè à nobis fuerit indicatum, boni consulendum atque gratè excipiendū esse speramus. Summi enim gubernatores in magnis tempestatibus nonnumquam à rectoribus quos audire non piget, utiliter admoneri solent. Quantum itaque



ex disciplina sacra cognitione intelleximus, ad animorum salutem ac publicam tranquillitatem à Deo impetrandam, duplicem rationem ineundam esse arbitramur; alteramque esse existimamus fidei integerrimæ ac simplicissimæ communem cum catholica Ecclesia professionem; alteram verò vitæ atque morum correctionem & compositionem; iuxta magistri nostri præcepta & instituta, quam perpetua periculorum animi deprecatio & æternæ felicitatis postulatio comitetur. Hæc si purè, sanctè ac legitimè ineantur, diuinam nobis clementiam, benignitatem, misericordiam atque magnam gratiam ex promissis ipsius per Christum Dominum præstandis reconciliatura esse, spiritus sanctus per sacrum vatem pollicetur; sicut scriptum est: *Consecrantur Domino opera eius, & mirabilia eius filiis hominū.*

*Qui*

„ Qui descendunt mare in nauibus,  
 „ facientes operationem in aquis mul-  
 „ tis : Ipsi viderunt opera Domini, &  
 Psal. 106 „ mirabilia eius in profundo. Dixit, &  
 „ stetit spiritus procella & exaltati  
 „ sunt fluctus eius. Ascendunt vsque  
 „ ad celos, & descendunt vsque ad a-  
 „ byssos ; anima eorū in malis tabesce-  
 „ bat. Turbati sunt, & moti sunt sicut  
 „ ebrius, & omnis sapientia eorum de-  
 „ uorata est. Et clamauerunt ad Domi-  
 „ nū cū tribularentur, & de necessi-  
 „ tatibus eorum eduxit eos. Et statuit  
 „ procellā eius in aurā, & siluerunt flit-  
 „ ctus eius, et letati sunt quia siluerūt :  
 „ & deduxit eos in portum voluntatis  
 „ eorū. Confiteantur Domino miseri-  
 „ cordia eius, et mirabilia eius filiis ho-  
 „ minū, et exaltet eū in Ecclesia plebis,  
 „ & in cathedra seniorū laudent eum.

Quis sapiens, & custodiet hæc, &  
 intelliget in misericordias Domini ?

DICTA-

13

DICTATVM CHRI-  
STIANVM.

**P**HILOSOPHORVM CAP. II.  
omnium qui de homi-  
nis natura, ingenio, &  
moribus disseruere, vi-  
tæque humanæ præcepta tradi-  
dere, propositum institutumque  
fuisse videtur, summum & perfe-  
ctissimum locum inuestigare ac  
demonstrare; ad quem qui perue-  
nisset homo, nihil ulterius quod  
desideraret, habere posset: sed  
optimo & præstantissimo expe-  
ctandarum rerum genere vsus, per-  
petua atque suauissima tranquil-  
litate frueretur; cui conditioni  
felicitatis siue beatitudinis nomē  
impositum est. Assiduus enim ex-  
perimentis perpetuoque vsu ex-  
ploratum erat, eam viuendi con-  
ditio-

Beatitu-  
do hu-  
mana.

Vulgaris  
viuendi  
cōditio.

ditionem, qua homines plerumque vterentur, variis curis, sollicitudinibus, laboribus atq. doloribus, animorumque perturbationibus obnoxiam, à naturæ humanæ perfectione, quiete atq. tranquillitate longè abesse; neque vilo discrimine referre quinam, qualésve essent homines, qui in hoc vitæ genere versarētur, summo an infimo ordine conscripti; reges, principes, magistratus, an plebei; diuites an pauperes; valentes an infirmiores: omnes enim æstuarè & laborare, atque suæ singulos sortis poenitere manifestum erat. Quamobrem varij varia inquirere, disquirere, tētare & experiri cœperunt, vt hâc summam, puram, & communem humanis animis tranquillitatem inuenirent: verùm alij alijs studiis

diis & cogitationibus affecti & perturbati, quamplurimum à scopo deducti, à via etiam veri inueniendi boni aberrauerunt: ut hi corporis voluptatum ac deliciarum, hi ciuiliū honorum vsum, alij diuitiarum cumulum, alij dolorum, nonnulli affectuum omnium carentiam summum bonum esse dicerent. atque ad suum quisque assequendum propositum & studiis & actionibus institutis sese comparauerunt; atque alios libris conscribēdis praeceptisq̃ tradendis ad idem arripiendum iter magnis promissis & suasionibus hortati induxerūt.

Verū enim uerò eorum, qui in corporis deliciis, voluptatibus, ac turpi luxu humanæ vitæ finem & summum bonum statuere; sapientiori hominum iudicio  
explosa

explosa sententia fuit atq. damnata; quippe quæ non modò voluptatum atque deliciarum vsu, verumetiam ipso conquirendi studio hominũ naturam belluis inferiorem, atque adeò infeliciorem, constitueret.

Aliorum autem qui humanæ vitæ perfectionem ad animorum sanitatem & virtutem præcipuè reuocarunt; quamquam in vniuersum probata summa ratio fuit; ipsa tamen rerum constituendarum distinctio, atq. viarum ad optimum consequendum finem instructio, variis errorum atque difficultatum vitiis notatæ, ac tandem inuenti veri oppositione & collatione improbatæ sunt. Siquidem nonnulli cum humanorum animorum certam originem ignorarent, Deumque au-

ctorem

ctorem non cognoscerent; exco-  
gitatam quandam virtutis perfe-  
ctionem sibi confinxerunt, cuius  
non tantum sacraria ipsi non pe-  
netrarunt, sed neque limina, vel  
illi vel illorum discipuli salutarunt:  
Quidam verò quamquā Deum  
humanæ naturæ summum ve-  
rumque auctorem cognouissent,  
non tamē certum finem & sum-  
mum hominis bonum ipsum ef-  
se agnouerunt; & si maximè a-  
gnoscerent, quemadmodum peti  
oporteret, quemadmodum ha-  
beri cōtingeret, intelligere exactè  
citra ipsius Dei doctrinam non  
poterant: neque etiam intelle-  
ctam & cognitam sine numine  
atque gratia eiusdem rectè obire  
atque consequi valebant: oportuit igitur ipsum cognitum in  
primis Deum fide adire atque

B.

petere,

petere, doctoremq. præcipuum  
& maximū sequi, qui sese suam-  
que doctrinam, quibus ille po-  
test & solet, arcanis diuinisq.  
rationibus insinuaret & ostende-  
ret: sine fide enim impossibile est  
” placere Deo. contrā verò ab istis  
actum institutumque fuit, aliis  
tantum humani ingenij sagacita-  
ti & industriæ arrogantibus, ut  
nihil à Deo petendum putaretur,  
existimantibus minimè esse ele-  
gantis & diligentis philosophi ad  
diuinam voluntatem animos re-  
uocare, desidiosæque id magis  
quàm acutę & indagatricis atque  
naturæ rerum contēplatricis mē-  
tis opus esse. Possē verò atque de-  
bere hominem sua sponte eximię  
virtutis conditionem inquirere,  
inquisitam studiosè expetere, at-  
que omni conatu, studio & exer-  
citatione



citatione adire & obtinere; ob-  
 tam verò sibi conseruare & con-  
 firmare: id quod tamen quam-  
 quam & sibi promisissent, & pro-  
 missum inquisissent; quoniam  
 neque in fide fundamentum ie-  
 cerant, neque diuinæ gratiæ fa-  
 cultatem optauerant & postula-  
 uerant; cùm numquā nusquā-  
 ve inuenissent; & se ipsos & eos  
 qui se sequerentur discipulos mi-  
 serè illuserunt: demumque non  
 modò non obtento, sed nec iam  
 sperato illo felicitatis vsu ad de-  
 terrimum & impurissimum vitæ  
 genus traducti sunt. quod Spiri-  
 tus sanctus ita factum testatur &  
 damnat. Hoc igitur dico & testi-  
 ficor in Domino, vt iam non am- Ephes. 4  
 buletis sicut & gentes ambulant  
 in vanitate sensus sui, tenebris ob-  
 scuratum habentes intellectum,  
 alienati

alienati à vita Dei per ignorantia  
quæ est in illis, propter cæcitatem  
cordis ipsorû; qui desperantes, se-  
metipsos tradiderû impudiciæ,  
in operatione immûditia omnis,  
in auaritiâ. Rursus verò ij qui no-  
titia & cognitione Dei non care-  
bât, verâ & certâ ratione habere  
noluerunt; sed ingenio suo indul-  
gere magis quàm veri simplicitati  
obtemperare studentes, vanissimas  
de diuinæ naturæ præstantia opi-  
niones, atq. de eiusdē imitatione  
falsissimas & pestiferas persuasio-  
nes disseminauere; atque vnâ secû  
maximâ hominum partē in frau-  
dem atque errorem primû, de-  
inde verò in exitium detruferû;  
Rom. 1. sicut scriptum est: Reuelatur ira  
„ Dei de cælo super omnem im-  
„ pietatem & iniustitiam hominû  
„ eorum, qui veritatem Dei in in-  
iustitia

iustitia detinent. Quia quod no-  
 rum est Dei manifestum est in il-  
 lis, Deus enim illis manifestavit.  
 Inuisibilia enim ipsius à creatura  
 mundi per ea quæ facta sunt, in-  
 tellecta conspiciuntur: sempiter-  
 na quoque eius virtus & diuini-  
 tas, ita ut sint inexcusabiles. Quia  
 cum cognouissent Deum, non  
 sicut Deum glorificauerunt, aut  
 gratias egerunt, sed euauerunt  
 in cogitationibus suis, & obscu-  
 ratum est insipiens cor eorum. Dicentes  
 enim se esse sapientes, stulti facti  
 sunt. Et mutauerunt gloriam in-  
 corruptibilis Dei in similitudinē  
 imaginis corruptibilis hominis, &  
 volucrum, & quadrupedum, & serpē-  
 tiū. (Propter quod tradidit illos  
 Deus in desideria cordis eorum, in  
 immunditiā, ut cōtumeliis afficiāt  
 corpora sua in semetipsis.) Qui



„ cōmutauerunt gloriā Dei in mē-  
„ daciū, & coluerunt & seruierunt  
„ creaturæ potius quā creatori, qui  
est benedictus in sæcula. Igitur  
hominum doctrina quę cum Dei  
fide nihil commune habuit, vel  
quæ à Dei notitiā in vanitates &  
infanias falsas degenerauit, hu-  
manam beatitudinem neque re-  
ctè definire, neque aptè indicare,  
neque dèum exhibere & tra-  
dere potuit. Sola verò ea quæ ex  
Dei consilio atque verbo exposi-  
ta ac tradita doctrina est, id quod  
est pollicita, ipsius auctoris bene-  
ficio efficere valuit atque præsta-  
re iis, qui se veros & legitimos ei  
discipulos præberent. Quamob-  
rem scriptum est: Narrauerunt  
*Isa. 58* mihi iniqui fabulationes, sed non  
ut lex tua; omnia mandata tua  
æquitas.

Mani-

Manifestum autem & quàm plurimis testimoniis comprobatum est, eam doctrinam, quæ verbo Dei constat, suis veris & studiosis discipulis atque cultoribus id præstitisse & exhibuisse quod promiserat, & præstituram sese prædixerat; idemque perpetuò præstare posse, atque adeò re ipsa præstare iis, qui sese dignos probandosque discipulos ipsi præbuerint. Pollicita autem fuerat doctrina hæc animorum salutem atque felicitatem summam, regnique cælestis hereditatem per filium Dei in terras mittendum efficiendam, expediendam, atque impertiendam cum certo Spiritus sancti pignore, qui in animos discipulorum illapsus, & tãquam hereditatis arrhabonem sese insinuaret & præberet, benedictionumque

numque cælestium, atque diuinorum donorum vsum admirabili beneficio exhiberet; id quod factum præstitumque à Deo, atque ab ipsis obtentum discipulis, idem Spiritus sanctus asseuerat.

2. Pet. 1. Simon Petrus seruus & Aposto-  
» lus Iesu Christi iis qui coæqualē  
» nobiscum fortiti sunt fidem in  
» iustitia Dei nostri & saluatoris  
» Iesu Christi: Gratia vobis & pax  
» adimpleatur in cognitione Dei &  
» Christi Iesu Domini nostri: quo-  
» modo omnia nobis diuinæ virtu-  
» tis suæ, quæ ad vitam & pietatem  
» donata sunt, per cognitionem e-  
» ius, qui vocauit nos propria glo-  
» ria & virtute: per quem maxima  
» & pretiosa nobis promissa dona-  
» uit, vt per hæc efficiamini diuinæ  
» confortes naturæ, fugientes eius,  
» quæ in mundo est, concupiscen-  
tia

tiæ corruptionem. Idem etiam  
 Apostolus Paulus exhibitum &  
 præstitum testatur, eodem loco,  
 in quo de doctrinæ gentium va-  
 nitate, atque de Christianæ disci-  
 plinæ veritate, & fructu differit.  
 Vos autē non ita didicistis Chri- <sup>Ephes. 4.</sup>  
 stum, si tamen illum audistis, & “  
 in ipso edocti estis, sicut est veri- “  
 tas in Iesu, deponere vos secun- “  
 dum pristinam conuersationem “  
 veterem hominem, qui corrup- “  
 pitur secundum desideria erroris. “  
 Renouamini autem spiritu men- “  
 tis vestræ, & induite nouum ho- “  
 minem, qui secundum Deum “  
 creatus est in iustitia & sanctitate “  
 veritatis. Vos estis filij propheta- <sup>AA. 3.</sup>  
 rum & testamenti, quod dispo- “  
 suit Deus ad patres nostros, dicēs “  
 ad Abraham: Et in semine tuo “  
 benedicentur omnes familie ter- “

„ ræ. vobis primum Deus suscitans  
 „ filium suum misit eum benedi-  
 „ centem vobis, vt conuertat se v-  
 „ nusquisque à nequitia sua:

Atque conditio illa, quam ve-  
 ri & studiosi Christianæ doctrinæ  
 discipuli Dei munere atque do-  
 no assequuntur; longè dignior,  
 illustrior, amplior, opulentior, lō-  
 gè denique beatior est, quàm vel  
 humano ingenio, atque philoso-  
 phico iudicio, aut etiam morta-  
 lis cuiuspiam studio definiri, atq.  
 adeò quàm cognosci aut capi pos-  
 sit, nisi ab iis quibus ex diuino be-  
 neficio contigerit; s. s. E. Neque

Isai. 64.

1. Cor. 2.

oculus vidit, neque auris audiuit,  
 „ neque in cor hominis ascendit,  
 „ quæ præparauit Deus iis qui dili-  
 „ gunt illum. Nobis autem reuela-  
 uit Deus per spiritum suum. Spi-  
 ritus enim omnia scrutatur, etiā

pro-



profunda Dei. Quis enim hominū scit, quæ sunt hominis, nisi spiritus hominis, qui in ipso est; ita & quæ Dei sunt, nemo cognouit nisi spiritus Dei. Potest quidē cōditio hæc aliquo modo vel verbis, vel scripto depingi, siue describi: id quod à nobis opportuno loco ac tēpore Deo suggerēte præstabitur. verū eiusmodi pictura atq. descriptio umbræ cuiusdam magis, quàm viue & expressæ imaginis vsum præbere poterit; neque enim omnis omnino huius maximi solidissimiq. boni mensura communibus & hominum sermone vulgatis verbis æquari potest, neque animis etiam teneri, nisi iis qui spiritu ipso sancto aucti, promoti, & amplificati, atque ad hanc cognoscendam continendamq. rem habiles fuerint.

rint effecti. Huius rei gratia, in-  
Ephes. 3 quit Apostolus , flecto genua  
” mea ad patrem Domini nostri  
” Iesu Christi, ex quo omnis pater-  
” nitas in cælo & in terra nomina-  
” tur, vt det vobis secundum diui-  
” tias gloriæ suæ virtute corro-  
” borari per spiritum eius in inte-  
” riori homine, Christum habitare  
” per fidem in cordibus vestris , in  
” charitate radicati & fundati , vt  
” possitis comprehendere cum o-  
” mnibus sanctis , quæ sit latitudo  
” & longitudo , & sublimitas &  
” profundum. Scire etiam supere-  
” minentem scientiæ charitatem  
” Christi , vt impleamini in om-  
” nem plénitudinem Dei.

Quamquam verò Christianæ  
huius doctrinæ discipulus cogno-  
scere initio atque percipere non  
possit quanta sit promissæ sibi  
fortis

fortis magnitudo atque præstantia, donec eam diuino dono ac beneficio obtinuerit; non ideo tamen ipsius doni atque beneficij dignitas & amplitudo minor est, aut erit, vel defraudatione aliqua deteretur; quippe huius doctrinæ auctor veracissimus, id quod pollicitus est, quamquam discipulis initio ignotum, plenissimè & cumulativè præstabit, omnibusque numeris & partibus absolutum præbebit, utpote qui vltro libens benigneque promiserit, & alienorum bonorum minimè egeat, neque suis impertiendis donis pauperior fiat; sed quo magis miseretur, pluraque impartitur, eò se ditiores & locupletiores ostendat, misericordięque suæ copiam numquam exhaustiendam demonstret. s. s. E.

Idem

Rom. 10 Idem Dominus omnium, diues  
 in omnes qui inuocant illū. Siue  
 igitur diuinæ disciplinæ præmiū  
 discipulis ipsis plenè notum sit,  
 siue minus apertè cognoscatur;  
 non ideò tamen iis qui legitimè,  
 purè, & sanctè quæsierint, vel  
 opportuno tempore negabitur,  
 vel minus amplum & plenum  
 quàm ipsius rei diuina ratio, &  
 promittentis maiestas, auctori-  
 tas, & liberalitas postulat, contin-  
 get. s. s. e. Quia sicut exaltantur  
 „ cæli à terra, sic exaltatæ sunt viæ  
 „ meæ à viis vestris, & cogitationes  
 „ meæ à cogitationibus vestris: &  
 „ quomodo descendit imber & ros  
 „ de cælo, & illuc vltra non reuer-  
 „ titur, sed inebriat terram, & in-  
 „ fundit eam, & germinare eam fa-  
 „ cit, & dat semen ferenti, & pa-  
 „ nem comedenti: Sic erit verbum  
 meum.

meum quod egreditur de ore  
 meo, non reuertetur ad me va-  
 cuum, sed faciet quęcumque vo-  
 lui, & prosperabitur in iis ad quę  
 misi illud. Quia in lætitia egre-  
 diemini, & in pace deducemini:  
 montes & colles cantabunt co-  
 ram vobis laudem, & omnia lig-  
 na regionis plaudent manu. Pro  
 faliunca ascendet abies, & pro vr-  
 tica crescet myrtus, & erit Domi-  
 nus nominatus in signum æter-  
 num, quod non auferetur. Hu-  
 ius rei argumentum manifestissi-  
 mum cōstat in Abrahamo, quem  
 quondam Deus à gentium do-  
 ctina & moribus separatū &  
 selectū, eorum, qui veram hanc  
 disciplinam accipere & colere  
 voluerint, exemplum probatissi-  
 mum statuit; is autē cū terre-  
 nę hereditatis promissum à Deo  
 factum

factum firma fide accepisset, non protinus quantum terre spatium sibi promitteretur cognouit; atque id ut cognosceret, non tam ad se quàm ad promittentem Deum pertinere existimauit: satis autem sibi esse duxit promissis pendere eius qui ditissimus esset, & quæ vltro polliceretur, optimè posset, benignissimeque præstare vellet. ille ergo audito promisso fidem habens, præcepto sibi proposito paruit, & disciplinæ legibus obtemperauit. s. s. E.

Gen. 12. Dixit autem Dominus ad Abraham: Egredere de terra tua, & de cognatione tua, & de domo patris tui; & veni in terram quam monstraueo tibi. Faciamque te in gentem magnam, & benedicam tibi, & magnificabo nomen tuum, erisque benedictus: benedicam

dicam benedicētib; tibi, & ma-  
 ledicam maledicentib; tibi; at-  
 que in te benedicētur vniuersæ  
 cognationes terræ. Egressus est  
 itaque Abraham, sicut præcepe-  
 rat ei Dominus, quamquam nec  
 locum quò tēderet nouisset, nec  
 quàm amplum possessurus esset,  
 intelligeret. id quod obseruans  
 Apostolus declarauit: Fide qui  
 vocatur Abraham, obediuit in <sup>Heb. 12.</sup>  
 locum exire quem accepturus e-  
 rat in hereditatem, & exiit ne-  
 sciens quò iret: fīsus maximè  
 promittētis verbo qui plura præ-  
 stare posset & vellet, quàm vel  
 ipse petere vel intelligere valeret:  
 tantumque suarum partium esse  
 existimauit parere & obedire ei,  
 cui se discipulum tradiderat, pro-  
 mittenti hereditatem opportuno  
 tempore sibi indicandam, & am-  
 plissimam

plissimam ostendendam: id quod  
euentus ipse demonstravit. Nam  
postquam Abraham in suscepta  
disciplina profectum non medio-  
crem fecerat, à Deo, cui sese in-  
stituendum tradiderat, voca-  
tus, & terrenæ hereditatis am-  
plitudinem, & cælestium dono-  
rum, quæ illa imagine significa-  
bantur, admirabilem rationem  
edoctus est; sicut scriptum est:

Gen. 13. Dixitque Dominus ad Abra-  
ham, postquam diuisus est ab eo  
Lot: Leua oculos tuos in dire-  
ctum; & vide à loco in quo nunc  
es ad Aquilonem & Meridiem,  
ad Orientem & Occidentem.  
Omnem terram quam conspi-  
cis, tibi dabo, & semini tuo us-  
que in sempiternum; faciamque  
semen tuum sicut pulverem ter-  
ræ.



ræ. Si quis potest hominum nu-  
 merare pulverem terræ, semen  
 quoque tuum numerare pote-  
 rit. Surge ergo, & perambula  
 terram in longitudine & in lati-  
 tudine sua, quia tibi daturus sum  
 eam.

Quamobrem cum nemini  
 dubium esse possit, quin ea  
 quæ promissa à Deo sunt, ple-  
 niùs & cumulatiùs quàm is qui  
 accepturus est cogitare aut o-  
 ptare possit, præstentur; disci-  
 puli boni atque probandi offi-  
 cium erit, impositas sibi partes  
 studiose suscipere & diligenter  
 agere, & donorum atque be-  
 neficiorum ipsorum æstimatio-  
 nem ei cui instituendum & gu-  
 bernandum sese tradidit, relin-  
 quere, Deo optimo maximo, effi-

Heb. 1.

cacissimo & misericordiarum ditissimo cælesti patri, qui pluit super iustos & iniustos, qui spiritum bonum se petentibus daturum sese recepit verbis filij sui, in quo locutus est nobis, & maxima nobis promissa obtulit. Nam si ea quæ multifariam multisque modis olim ille patribus in prophetis locutus atque pollicitus est, benignissime præstitit; & qui per Angelos dictus est sermo factus est firmus; quomodo nobis quidquam subducetur aut negabitur ex iis quæ per hunc voluntatis sue interpretem & expeditorem, atque misericordiæ & gratiæ dispensatorem benignissimum promissa sunt, sicut vnus ex illis probatissimis discipulis suo & aliorum experimento & vsu agnitum; Deo quæ acceptum referens testatus est:

Quid

Quid ergo dicemus ad hæc, Si  
Deus pro nobis, quis contra nos?  
qui etiam proprio filio suo nõ pe-  
percit, sed pro nobis omnibus tra-  
didit illũ: quomodo nõ etiã cum  
illo omnia donauit? itaq. quod ad  
promittentẽ attinet, nihil omni-  
no dubitationis est, nihil impedi-  
mẽti, quo minus ea quæ promissa  
sunt cumulatius præstentur: Mẽ-  
surã bonã & confertã & cõagita-  
tã & superfluentẽ dabunt in sinũ  
vestrũ. atque hæc Christianæ do-  
ctrinæ veritatis assertio ex parte  
ipsius doctrinæ perpetuò consta-  
bit secundum fidem electorum  
Dei & agnitionem veritatis, quæ  
secundum pietatem est, in ipem  
vitæ æternæ, quam promisit qui  
non mentitur Deus, ante tempo-  
ra sæcularia; manifestauit autem  
temporibus suis. Abrahæ namq. Heb. 6.

„ promittens Deus , quoniam ne-  
„ minem habuit per quem iuraret  
„ maiorem; iurauit per semetipsum  
„ dicens: Nisi benedicens benedi-  
„ cam te, & multiplicans multipli-  
„ cabo te. Et sic longanimiter ferēs  
„ adeptus est repromissionem. Ho-  
„ mines enim per maiorem sui iu-  
„ rant; & omnis controuersiae co-  
„ rum finis ad confirmationem est  
„ iuramentum, in quo abundan-  
„ tius volens Deus ostendere polli-  
„ citationis heredibus immobilita-  
„ tem consilij sui, interposuit iusiur-  
„ randum, vt per duas res immo-  
„ biles, quibus impossibile est men-  
„ tiri Deum, fortissimum solatium  
„ habeamus, qui confugimus ad  
„ tenendam propositam spē, quam  
„ sicut anchoram habemus animæ  
„ tutam ac firmam, & incedentem  
„ vsque ad interiora velaminis, vbi  
præcur-

præcurſor pro nobis introiit Ieſus, „  
ſecundum ordinẽ Melchife dec „  
pontifex factus in æternum. „

Superẽſt igitur, id quod noſtri  
in hoc opuſculo inſtituti eſt , vt  
partes ipſas diſcipulis ſumendas  
& agendas doceamus, eaſque præ-  
cipuè, quas omniũ ordinũ & æta-  
tũ, omniũ cõditionũ cõmunes eſ-  
ſe intellexerimus , & ſine quibus  
probãda diſciplinæ & diſcipulorũ  
ratio cõſtare nõ poteſt. Siue igitur  
rex, ſiue ſacerdos, ſiue princeps, ſi-  
ue miniſter, ſiue priuatus, ſiue di-  
ues, ſiue pauper, ſiue ſeruus , ſiue  
liber, ſiue pater, ſiue filius, ſiue vir,  
ſiue femina , ſiue iuuenis , ſiue  
adulta ætate, ſiue ſenex, ſiue mer-  
cator, ſiue artifex, ſiue miles , ſiue  
agricola, ſiue doctus, ſiue indoctus  
ſit , modò diſcipulum ſeſe proſi-  
teatur & eſſe velit doctrinæ huius

Christianæ, modò in Ecclesiam catholicam, extra quam non est salus, nomen suum dederit, quānam discipuli nomine personam sustineat, & quemadmodum tenere, gerere, & tueri debeat, ex ipsius magistri Spiritus sancti præceptis & institutis discat, nobis referentibus, qui, cū in eadem schola versemur, ea quæ à præceptore dictata sunt, non tamquam magistri, sed tamquam condiscipuli, reddimus, & assidentium adstantiumque præsentī coronæ recitamus; bonique consulat, si quid forsitan retulerimus quod pro sæculi nostri moribus & opinionibus durius videatur, neque in priuati cuiuspiam capitis reprehensionem quidquam à nobis dictum interpretetur; sed fidelis esse existimet famuli atque ministri

ministri officium, Domini voluntatem propria ipsius oratione conferuis suis declarare & exponere: quā quicumque propter conscientiam aut timorem, aut veri inscientiam premi sibi ipsi videatur, is non doctrinæ & præceptis, quæ æquissima sanctissimaque sunt, non referenti conseruo, sed sibi ipsi irascatur oportet; quippe qui hanc disciplinam cum professus fuerit, non iis legibus & cōditionibus suscepit, quæ constantes, æternæ, communelque sunt; neque ad hoc latæ & editæ, ut pro singulorum consilio, studio, libidine, aut voto mutantur, sed ad sui obseruationem & cultum; omnia quibus hoc impediri potest, consilia, studia, vota, acta atque facta mutari iubeant; s. s. e. Nolite putare, quoniam veni soluere Matth. 5

C 5      legem

„ legem aut prophetas : non veni  
„ soluere , sed adimplere. Hoc est  
„ efficere , vt qui mihi credunt ,  
„ purè , sanctè atque legitimè ob-  
„ seruantes adimpleant. Amen qui p-  
„ pe dico vobis, donec transeat cæ-  
„ lum & terra, iota vnum aut vnus  
„ apex non præteribit de lege , do-  
„ nec omnia fiant. Qui ergo solu-  
„ rit vnum de mandatis his mini-  
„ mis , & docuerit sic homines ; mi-  
„ nimus vocabitur in regno cælo-  
„ rum : qui autem fecerit & docue-  
„ rit , hic magnus vocabitur in re-  
„ gno cælorum. Dico enim vobis,  
„ Nisi abundauerit iustitia vestra  
„ plusquàm Scribarũ & Pharisæo-  
„ rum , non intrabitis in regnum  
„ cælorum. Quòd si cælorum ad-  
„ itus negatus est iis, quorum iusti-  
„ tia atque legis præceptorum Dei  
„ obseruatio præstantior non fuerit  
quàm



quàm Scribarum & Pharifæorū,  
 non malorum & hypocritarum,  
 fed bonorum Scribarum & Pha-  
 rifæorum, qui legis custodiendæ  
 studio magis excellere videban-  
 tur; quid fiet ei qui iustitiæ ratio-  
 nes conseruis & condiscipulis suis  
 expositurus hominum vel odio  
 vel gratia interuerterit, mītaue-  
 rit, celauerit, vel dissimulauerit,  
 vel alio modo soluerit, & docue-  
 rit sic? nimirum minimus voca-  
 bitur in regno cælorum, & indi-  
 gnus qui in illam societatem &  
 cōmunionem admittatur regni,  
 in quo omnes qui sunt, reges &  
 magni appellantur. esse autem  
 regem, & esse minimum, alterum  
 cum altero pugnat; vnde conse-  
 quitur idem esse in regno cælorū  
 minimum atque nullum; nullus  
 enim mandatorum Dei solutor,  
 &

& qui solui mandata docuerit,  
in regnum cælorum intrabit;  
sed ij tantum intrabunt, quo-  
rum iustitia plusquam Scriba-  
rum & Phariseorum abundaue-  
rit. & alio in loco: Non audito-  
res tantum, sed factores legis  
iustificabuntur apud Deum.  
Igitur quidquid in disciplinæ no-  
bis traditæ præceptis & institutis  
atque sententiis referendis angu-  
stius cuipiam visum fuerit, quam  
ut salua propria ipsius sententiæ  
vel cupiditatis vel opinionis ma-  
gnitudine subiri possit, idem si ve-  
lit ad vitam ingredi, sibi persua-  
deat, neque viâ à Deo semel iam  
munitam mutandam, dilatan-  
damve esse, neque portam illam  
angustam priuata cuiusquâ causâ  
fore amplificandam; oportereq.  
se tenuem, humilem, pauperem-  
que

que spiritu præbere, & contendere intrare per angustam portam, atque ingredi per arctam viam; cuius difficultas omnis duabus rebus superabitur, verò doctrinæ amore, & diuini auxilij gratia exoptata & postulata, quæ nemini deerit volenti hanc disciplinam legitimè atque studiosè subire.

Propè enim est Dominus omni- Psal. 144.  
 bus inuocantibus eum, omnibus  
 inuocantibus eum in veritate. “

Voluntatem timentium se faciet, “  
 & deprecationem eorum exau- “

diet; vt saluos faciat eos, intelligatque dulcissimas & latissimas videri vias Domini iis, qui tamquam aduenæ & peregrini à carnalibus desideriis, quæ militant aduersus animam, abstinentes, & abalienati, & spiritu pauperes effecti, sanctum hoc iter suscipiunt

&

Psal. 118 & ingrediuntur; s. s. e. Et ambu-  
 „ labam in latitudinem, quia man-  
 „ data exquisiui, & loquebar de te-  
 „ stimoniis tuis in cōspectu regum,  
 „ & non confundebar: & medita-  
 „ bar in mandatis tuis, quæ dilexi.  
 „ Et leuaui manus meas ad man-  
 „ data tua, quæ dilexi; & exercebor  
 „ in iustificationibus tuis.

Scimus pios & sanæ mentis ho-  
 mines condiscipulum suum libé-  
 ter audituros, rationemque ha-  
 bituros non orationis vel scientiæ  
 dicentis, sed sententiarum ex ore  
 Dei viuentis profectarum, qua-  
 rum certam, constantem, ratam,  
 sanctam, atque maximam aucto-  
 ritatem esse Ecclesia omnis asse-  
 uerat, communem etiam & pu-  
 blicam, ad omnesque pertinen-  
 tem agnoscit; atque æquo animo  
 laturos confidimus, quidquid à  
 nobis

nobis dicatur quod nostrorum  
temporum mores notare fortasse  
possit ; illud sibi persuadentes,  
pietatem, simplicitatemq. Chri-  
stianam, virtutem & probitatem  
semper valere, ab omni que repre-  
hensione exceptam esse tum suo  
ipsarum virtutū iure, tum etiam  
consilio institutoq. nostro; quip-  
pe qui pios omnes & probos etiā  
ignotos vehementer amemus;  
neque vllum etiam eorum oderi-  
mus, qui à veritate atque virtute  
Christiana desciverint, aut dege-  
nerauerint, sed omnes resipiscere,  
& in Christo Iesu seruari cupia-  
mus: atque ideò certi ac recti ad-  
monemus officij; eos verò qui  
sapientiores sunt atq. nobis mo-  
nitoribus non egent, benignè in-  
dultos nostro erga publicam &  
communem hominum salutem  
studio

studio atque officio; qui, cùm insipientes simus, & sapientibus nihil conferre ad ipsorum informationem valeamus, tamen insipientioribus atque nostrę fortis hominibus, quidquid vtilis ministerij præstare possumus, debeamus. Constabit autem omnis admonitionis nostrę ratio sacrorum vtriusque testamenti oraculorum apertis sententiis, quorum tantum pondus est, vt neque humana scientia depelli, neque aduersarij ingenij arte & calliditate eleuari possit; atque hoc pacto & iis prodesse poterimus, qui nihil nisi ex sacris libris productum in disputationem adferri patiuntur; & iis adiumento erimus, qui veritatem vndique collatam, amplectendam rectè censent: vtrisque enim studio officioque nostro inservire

seruire volumus , non ea afferentes omnia quæ possemus , sed ea tantùm quæ omnibus prodesse , & nemini obesse posse existimabimus.

Duo igitur in vniuersum , præcipua Christianæ disciplinæ capita sunt , quæ vnumquemque discipulum tenere , atq. certo officio præstare exercercq. oporteat. Alterum est diuinis effatis atque promissis credere , quorum auctoritas certis signis & apertis testimoniis constat. Signa autem neque hoc tempore necessaria sunt , neque etiam exiguntur , neque exigi decet ; vtpote quæ iam olim visâ , probata , identidemq. repetita & confirmata , atque ab vniuersali Dei ecclesia excepta fuerunt : de his enim scriptũ est : Deut. 32  
Memento dierum antiquorum ,  
D cogita

” cogita generationes singulas ; in-  
” terroga patrem tuum, & annun-  
” tiabit tibi ; maiores tuos, & dicēt  
” tibi. Quamobrem neque dubi-  
tandum iam neque ambigendū,  
quid nam aut quatenus credere  
diuinis effatis oporteat ; id enim  
totum in certa capita , quæ arti-  
culi vocantur , redactum ab Ec-  
clesia, discendum ediscendumq.  
proponitur , & ad Apostolorum  
symbolum refertur ; in quo diui-  
na effata atq. promissa mira bre-  
uitate continentur ; & à sanctis,  
piis, ac sapientibus viris exposita  
variis libris & voluminibus quā-  
plurimis constant ; eorumque ex-  
positio Tridentini concilij aucto-  
ritate, atque ecclesiasticorum mi-  
nistrorum præstanti opera in bre-  
ue atque perspicuum compen-  
dium doctissimè redacta est. Ne-  
que



que verò hoc loco nobis ad eos qui non credunt, sermo est; sed ad eos qui credunt, vel qui credere sese profitentur verbis & ef-  
fatis atque promissis Dei in suam ipsorum salutem, neque miraculis indigere se fatentur, neque dubitatione aliqua detineri salutis à Deo in terras missæ, atque per Ie-<sup>Heb. 2.</sup>  
sum Christum expeditæ ac præ-  
stitæ; quæ cum initium accepisset, “  
enarrari per Dominum ab eis qui “  
audierunt in nos confirmata est, “  
ait Apostolus, contestante Deo “  
signis & portentis & variis virtu-  
tibus & Spiritus sancti distribu-  
tionibus secundum suam volun-  
tatem.

Alterum verò doctrinæ caput pietatis notitia exercitatioq. est, de qua noster hoc loco institutus est sermo. Pietatem autem pro

initæ expositionis ratione vocamus id omne quod in vniuersum fideles Christi discipulos , atque doctrinæ Christianæ promissis credētes, cognoscere, tenere, præstareque oportet, nemine excepto ex iis qui per mentis ac rationis facultatem atq. vsum cognoscere & præstare possunt; quippe quibus necessariū ad hæc cognoscēda & præstanda diuinæ gratiæ auxiliū , vt paullo antea affirmabamus, studiosè & opportunè petētibus nō defuturū aut negādū, aut inuidēdū , immo potius liberalissimè à patre luminū suppeditādū esse cōstet; vtpote qui omnes

1. Tim. 2 homines saluos fieri , & ad agnitionē veritatis peruenire vult, etiā  
» eos qui alieni à veritatis cognitione sunt, nedū eos qui veritatē cognitā amplectuntur, ac tenere colereque

lereq. studuerint. Dicimus autē  
 cognoscere oportere discipulum  
 doctrinæ pietatis, quā profitetur,  
 præcepta & instituta summa: quā-  
 quam enim minutissima cogno-  
 scere neque omnium sit, neq. ab  
 omnibus exigatur; ea tamen, quæ  
 ad omnes in vniuersum discipu-  
 los pertinent, ignorāda non sunt.  
 Quonam enim iure discipulum  
 sese profiteri & appellare audeat  
 is, qui summa disciplinæ, quam  
 colit colereq. debet, capita non  
 teneat? quo iure se discipulum à  
 præceptore agnoscere postulet, quī  
 præceptoris instituta & mandata  
 non agnoscat? atque de hac re ab  
 vno ex discipulis ad condiscipu-  
 los scriptum est: Si quis videtur, Ti. 4.  
 propheta esse aut spiritualis, co-  
 gnoscat quæ scribo vobis; quia  
 Domini sunt mandata. Si quis

autem ignorat, ignorabitur. Si quis, inquit, ignorat quæ nã Dei mandata sunt, ignorabitur à pteceptore, qui dicet: Nescio vos. idemque dixit: Habenti dabitur, & ei qui non habet, & quod habet, auferetur ab eo. idemque alio loco discrimen constituens inter eos qui fide præditi sunt, notitiamque Dei voluntatis habent, & eos qui non habent, aiebat: Ille autem seruus qui cognouit voluntatẽ domini sui, & non se præparauit, & non fecit secundum voluntatem eius; vapulabit multis: qui autem non cognouit, & fecit digna plagis, vapulabit paucis. iis itaque relictis qui non cognoscunt voluntatem Domini; quales sunt ij ad quos Euangelij notitia nondum peruenit; cum iis agimus, qui cognouerunt, aut  
saltem

saltem se cognoscere dixerunt  
 voluntatem Domini, quos oportet  
 sese preparare & facere secundum  
 voluntatem eius; quibus Apostolus ait: Scitis enim quæ præ-<sup>1. Thess.</sup>  
 cepta dederimus per Christum<sup>†</sup>  
 Iesum. Hæc est enim voluntas<sup>ce</sup>  
 Dei, sanctificatio vestra, ad quam<sup>ce</sup>  
 sese preparare oportet. prepara-  
 ri autem nemo potest, si ignoret  
 quibus modis atque actionibus  
 præparatio hæc incatur & expe-  
 diatur; quamquam enim aliquis  
 sibi ipse summo studio magnoq.  
 molimine præparationem extre-  
 mam indicat & ineat, nisi diuinæ  
 voluntatis regulis & institutis ad-  
 aptatam comprobet, inutilem  
 tandē experietur. id quod Deus  
 ipse aperte declarat iis, qui pio  
 quidem studio ac zelo moti, tamē  
 alias vias sibi munierunt ab ipsius

consilio & præceptis diuersas.

Mal. 48. Hæc dicit Dominus redemptor  
» tuus sanctus Israël : Ego Domi-  
» nus Deus tuus , docens te uti-  
» lia , gubernans te in via qua am-  
» bulas ; utinam attendisses man-  
» data mea ; facta fuisset sicut flu-  
» men pax tua , & iustitia tua sicut  
» gurgites maris. Quibus ex sentē-  
tiis & oraculis illud deducitur,  
cognoscere oportere vnūquemq.  
discipulum disciplinæ sibi sub-  
eundæ saltē summam rationem,  
eam videlicet, quæ & sciri, teneri,  
exerceri quæ à singulis possit , nec  
magnum laborem , exquisitissi-  
mum quæ studium, aut profundū  
ingenium , vel diuturnum tem-  
pus, aut longum iter ad sui co-  
Deut. 30 gnitionem postulet; s. s. e. Man-  
» datum hoc quod ego præcipio ti-  
» bi hodie, non supra te est , neque  
procul

procul positum; neque in cælo situm, vt possis dicere: Quis nostrum valet ad cælum ascendere, vt deferat illud ad nos, vt audiamus, atque opere compleamus? neque trans mare positum, vt causseris & dicas: Quis è nobis poterit transfretare mare, & illud ad nos vsque deferre, vt possimus audire & facere quod præceptum est? Sed iuxtà est sermo valdè in ore tuo, & in corde tuo, vt facias illum.

Huius igitur nobis indicatæ & cognoscendæ atque exercendæ pietatis summa in tres partes diuiditur: Timorem, Pœnitentiâ, & charitatem cum præceptorum Dei exercitatione. quas quicumque purè atque rectè edoctus tenuerit & obseruauerit, conciliatam sibi Dei gratiam & miseri-

D 5 cordiam

cordiam ex eiusdem Dei benignissimo promisso atq. pacto confirmatiorem auctioremque in salutem suam obtinebit, ac tandem regni caelestis hereditate potitus firmabit. est enim ea his tribus partibus siue eas virtutes appellare libeat, vis & efficientia ex Dei consilio, liberalitate atque voluntate concessa, ut diuinam iram atque sententiam horrendam declinare, & misericordiam in oculis Dei inuenire is possit, cuius animus his virtutibus praeditus instructusque fuerit.

Principio itaque pietatem exercere volentibus, animus diuino timore imbuendus est: id est reuerentia & obseruatione studiosa earum rerum, quas Deo vel ingratas vel gratas esse constiterit, illas ut penitus detestatus fugiat, oderit



oderit & horreat, has vt diligenti cura expetat & sequatur. Namque ille affectus, quo animus ita Deum reueretur, vt nihil velit quod immensam illâ bonitatem offendat, nihilq. nolit quod Deû velle intelligat; ille, inquam, Timor Domini appellatur, atque totius veræ sapientiæ initium esse fertur, idemque alio nomine à Latinis religio dicitur. Philosophi hunc in seruilem & filialem timorem partiti sunt; eamque partitionem Christianorum schola admisit, & seruilem ea parte cõmendauit, qua aditum quendam ad filialem esse intellexit: verùm nos, quia non tam hæc subtiliter disputare, quàm ad communem captum accõmodare studemus, atque ad sacrorum oraculorum normam sermonem temperare

con-

contēdimus, definitionem à Spiritu sancto pronuntiatam obseruantes; Timorem hunc Domini, religionem siue reuerentiam appellamus, qua pij hominis affectus animus ea quæ Deo probata esse nouit, obseruat & curat: contrà verò ea reiicit & auersatur, quæ Deo improbari cognouit. Quamobrem hic animorū pius affectus sic à Sapientia definitur:  
„ Timor Domini est religiositas scientiæ, id est religio & obseruatio erga ea quæ vel expetenda vel fugienda esse ex sciētia compertum fuerit. Scientiam autem hoc loco interpretamur diuinæ voluntatis notitiam, siue ea pronuntiatis verbis, siue scriptis, siue traditionibus, siue reuelatis rationibus & normis contingat.  
„ Diuinus hic timor eum quem informat

informat hominē ad veram pœnitentiam ineundam & exercendam impellit, & ad præceptorum diuinorum studium, curam, & obseruantiam inducit; atque ad vtriusque partis diligentem cognitionem incitat. Nam cùm primum sibi in animum induxerit homo ea venerari atque obseruare quæ Deo placere intellexerit, eaquæ auersari & fugere quæ eidem displicere cognouerit; statim omni cura quid Deus probet, quidquæ improbet, edoceri studet; edoctus verò diuina postulata gratia diligenter obseruat, ante actæque non rectè vitæ pœnitentia ductus, præceptorū Dei viam sibi proponit, quam ingressus accuratè tenet & prosequitur; prosecutus verò cœlestium promissorum ex diuino consilio & pacto

pacto compos efficitur , atque benedictionis illius communione potitur , quam Dei pater-  
nus amor omnibus credentibus & obedientibus sibi pollicitus præstare exhibereque potest & vult , atque reapse præstitit iis qui iustissimæ atque sanctissimæ ipsius voluntati obtempera-  
runt.

Quamobrem diuina sapien-  
tia, quæ maximos fructus ex di-  
uini timoris radicibus procreari  
ac tandem edi cognouerat ; vt  
homines à præceptorum Dei vio-  
latione, & horrendæ iræ atque in-  
dignationis periculo auersos ad  
gratiæ ineundæ conciliandæque  
vsum induceret , Salomonis præ-  
conio in hanc sententiam pronū-  
tiauit : Plenitudo, corona & disci-  
plina sapientiæ est, timere Domi-  
num.

*Eccli. 1.*

num . id quod, vt apertius expli-  
 caret & efficacius commendaret,  
 breuissima, sed significantissima  
 expositione promouit; Timor,  
 inquiens, Domini est fons vitæ:  
 Fons atque initium vitæ Dei ti-  
 mor ideo appellatur, quòd is ho-  
 minem à diuinæ legis violatione  
 auocatum, ad veramque pœni-  
 tentiam inductum, atque ad præ-  
 ceptorum obseruantiam anima-  
 tum & exercitum, ad obtinen-  
 dam gratiam & misericordiam  
 Dei deducit, qua obtenta ex be-  
 nignissimo pacto filius Dei, atque  
 vitæ æternæ compos & particeps  
 efficitur, benignissimo, inquam,  
 pacto Dei, qui sponte atque vltro  
 in se recepit curam, promotionē,  
 amplificationem, atque sanctifi-  
 cationem eorum qui sibi fide &  
 vera obedientia adherere stude-  
 rint;

Psal. 144 rint; quamobrem diuinus Psalter  
„canebat: Voluntatem timentium  
„se faciet, & deprecationem eo-  
„rū exaudiet, vt saluos faciat eos.

Psal. 102 idem etiam dicebat: Quantum  
„distat cælum à terra, tantum mi-  
„rificauit misericordiam suam su-  
„per timentes eum: & quomodo  
„miseretur pater filiorum, ita mi-  
„seretur Dominus super timentes  
„eum. Et iterum canebat: Misc-  
„ricordia Domini ab æterno vsque  
„in æternum super timentes eum.  
„quibus sententiis omnibus illud  
docemur, infinitam atque æter-  
nam esse numquam desinentem  
Dei misericordiam erga eos, qui  
diuino timore affecti atque ani-  
mati pietatis viam sequuntur:  
quem timorem religiositatē sci-  
entiæ esse diximus, hoc est reuc-  
rentiam & curam diuinæ offen-  
sionis

fionis vitandæ, atque voluntatis  
 obseruandæ, maiestatisque colen-  
 dæ. quamobrem illa sanctissima  
 veritatis mater aiebat : Et miseri-<sup>Lucæ 1.</sup>  
 cordia eius à progenie in proge-<sup>“</sup>  
 nies, timentibus cum. nullis in-<sup>“</sup>  
 quit sæculis desideratam fuisse,<sup>“</sup>  
 nullis generationibus defuturam.  
 diuinam illam & inexhaustam.  
 misericordiam erga eos qui se ti-  
 muerint, timentesque religiosè ac  
 piè coluerint. Amplissimam pro-  
 fectò diuini timoris dignitatem  
 esse plurimis ac frequentibus te-  
 stimoniis, atq. omnium prophe-  
 tarum & sanctorum ore redditis  
 responsis diuina sapientia confir-  
 mat; ex quibus illud apud Salo-<sup>Ecclesiæ 15.</sup>  
 monem : Quàm magnus est qui<sup>“</sup>  
 inuenit sapientiam & scientiam,<sup>“</sup>  
 sed non est super timentem Do-<sup>“</sup>  
 minum. Quippe sapientia & sci-<sup>“</sup>

E                      entia

entia animum illustrent quidem  
atque instruunt, verum Dei ti-  
mor ille sanctus cor in Deum effi-  
caci motu conuertit, atque ad  
præceptorum legis diuinæ obser-  
uantiam inducit. id quod ita fieri  
eadem sapientia apertè indicat:

**Eccli. 2.** Fili, accedens ad seruitutem Dei,  
„ sta in iustitia & in timore, & præ-  
„ para animam tuam ad tentatio-  
„ nem. Deprime cor tuum & su-  
„ stine: inclina aurem tuam, & sus-  
„ cipe verba intellectus; & ne fe-  
„ stines in tempore obductionis.  
„ Sustine sustentationes Dei; con-  
„ iungere Deo, & sustine, vt crescat  
„ in nouissimo vita tua. Omne  
„ quod tibi applicitum fuerit acci-  
„ pe, & in dolore sustine, & in hu-  
„ militate tua patientiâ habe, quo-  
„ niam in igne probatur aurum &  
„ argentum; homines verò recepti-  
biles



biles in camino humiliationis. "   
 Crede Deo, & recuperabit te, & "   
 dirige viam tuam, & spera in illū. "   
 SERVA timorem illius, & in illo "   
 veterasce. Metuētes Dominum, "   
 sustinete misericordiam eius; & "   
 non deflectatis ab illo, ne cada- "   
 tis. Qui timetis Dominum, cre- "   
 dite illi; & non euacuabitur mer- "   
 ces vestra. Qui timetis Dominū, "   
 sperate in illum, & in oblectatio- "   
 nem veniet vobis misericordia. "   
 Qui timetis Dominum, diligite "   
 illum, & illuminabuntur corda "   
 vestra. Respicite filij nationes ho- "   
 minum; & scitote quia nullus "   
 sperauit in Domino, & confusus "   
 est. Quis enim permansit in mā- "   
 datis eius, & derelictus est? aut "   
 quis inuocauit eum, & despexit "   
 illum? Quoniam pius, & miseri- "   
 cors est Deus, & remittet in die "

» tribulationis peccata : & prote-  
» ctor est omnibus exquirentibus  
» se in veritate. Væ duplici corde &  
» labiis scelestis, & manibus male-  
» facientibus, & peccatori terram  
» ingredienti duabus viis. Væ dis-  
» solutis corde, qui non credunt  
» Deo, & ideo non protegentur  
» ab eo. væ iis qui perdiderunt su-  
» stinentiam, & qui dereliquerunt  
» vias rectas, & diuerterunt in vias  
» prauas. Et quid facient, cum in-  
» spicere cœperit Dominus? Qui  
» timent Dominum, non erunt in-  
» credibiles verbo illius, & qui dili-  
» gunt illum, conseruabunt viam  
» illius. Qui timent Dominum, in-  
» quirent quæ beneplacita sunt ei;  
» & qui diligunt eum, replebuntur  
» lege ipsius. Qui timent Dominum,  
» præparabunt corda sua, & in con-  
» spectu illius sanctificabunt animas  
» suas.

suas. Qui timent Dominum, cu-  
 stodiunt mandata illius, & patiē-  
 tiam habebunt vsque ad inspe-  
 ctionem illius; dicentes: Si pœni-  
 tentiā non egerimus, incidemus  
 in manus Domini, & non in ma-  
 nus hominum. Secundum enim  
 magnitudinem ipsius, sic & mi-  
 sericordia illius cum ipso est. Ne-  
 que verò solum præstantem, vti-  
 lem, & ad salutis instituendū ne-  
 gotium efficacem Dei timorem,  
 sed prorsus necessarium esse diui-  
 næ litteræ affirmant, atque hoc  
 secluso seruari quemquam posse Eccli. 1.  
 negant. Nam qui sine timore est,  
 non poterit iustificari, inquit Sa-  
 piētia; quippe his qui hac reli-  
 gione, huiusmodique diuino ti-  
 more imbutus nō fuerit, nec pœ-  
 nitentiæ rationes rectè inibit, ani-  
 moque fideli atque constanti sus-

cipiet; neque præcepta Dei sanctè obseruabit, ita vt oportet eos, qui sese Deo probare atque ad iustificationis sanctificationisq̃ue Christianæ accipiendum beneficium cōparare student. Quamobrem diuino consilio decretum atq. curatum fuit, vt aduētantis orbi terrarum salutis nuntius & index prælegaretur, qui pœnitentiam ac diuinæ legis obseruatiā hominibus commendaret, atque hoc pacto aduenienti Christianæ iustitiæ viam muniret & necessariam & opportunitam. Fuit enim

Matth. 3  
,, Ioānes in deserto baptizās & præ-  
,, dicans baptismum pœnitentiæ in  
,, remissionem peccatorum; sicut  
,, scriptum est: Ecce ego mitto an-  
,, gelum meum ante faciem tuam,  
,, qui præparabit viam tuam. Vox  
,, clamantis in deserto, parate vias  
Domini,

Domini, rectas facite semitas eius. <sup>“</sup>  
 eodem etiam cōsilio, ab huius sa-  
 lutis procuratore, auctore & Pon-  
 tifice Christo Iesu missi Apostoli  
 sunt, qui necessariam hanc pœni-  
 tentiam indicarent & publicè in-  
 dicerent: quam obrem Euangeli- <sup>Matth. 6</sup>  
 sta scripsit: Exeūtes Apostoli prę- <sup>“</sup>  
 dicabant vt pœnitentiam agerēt. <sup>“</sup>  
 Neminem enim eorū qui se au- <sup>“</sup>  
 dirent, salutemq. sibi nuntiatam  
 optarent & cuperēt, à pœnitentie  
 cura & studio excipiebant Apo-  
 stoli, sed vt pœnitētiam agerent.  
 Idem etiam munus iniunctū sibi  
 erga Iudæos & gētes nullo discri-  
 mine, idem officium factum, A-  
 postolus Paulus apud Agrippam <sup>Acto. 16</sup>  
 regē profitebatur. Iudęis & genti- <sup>“</sup>  
 bus prędicabam, vt pœnitentiam <sup>“</sup>  
 agerent, & conuerterētur ad Do- <sup>“</sup>  
 minum, digna pœnitentię opera <sup>“</sup>

facientes. Consulentibus autem Ierosolymitanis & Ierosolymen-  
sibus hominibus, quid agendum  
curandumq. esset iis qui salutem  
Aaor. 1. obtinere cuperent, D. Petrus re-  
spondit: Pœnitentiã agite, & ba-  
ptizetur vnusquisq. vestrũ in no-  
mine Iesu Christi in remissionem  
peccatorũ, & accipietis donũ Spi-  
ritus sancti: vobis enim est repro-  
missio, & filiis vestris, & omnibus  
qui longè sunt, quoscumq. aduo-  
cauerit Dominus Deus noster.  
Sexcenta & amplius diuinarum  
vtriusq. testamēti scripturarũ te-  
stimonia adduci possent, quibus  
apertè confirmaretur, sine Dei ti-  
more & pœnitentia, quę secundũ  
huius præparationis caput, de quo  
iã agimus, est, atque sine diuinorũ  
præceptorũ custodia & obseruãtia,  
nec redẽptionẽ illã Christianam,  
nec

nec cælestis patriæ cõmunionẽ & possessionẽ obtineri posse adultis hominibus, & qui Dei notitia, ac boni & mali cognitione non sunt destituti. id quod Seruator ipse paternæ volûtatís cognitor maximus protestatus prædicebat: Nisi Lucæ 3.  
 pœnitentiã egeritis, omnes simul Matth. 5  
 peribitis: & nisi abundauerit iu-  
 stitia vestra plusquã Scribarum et  
 Phariseorũ, nõ intrabitis in regnũ  
 cælorũ. Cũ autẽ hoc in libello  
 pœnitentiæ nomen sæpissimẽ re-  
 petendũ nobis sit, vt apertẽ quid  
 dicamus cõstet, animaduertendũ  
 est, Pœnitentiã duo in se cõtinere;  
 malæ vitę, atq. vitiorũ detestatio-  
 nem & fugã, & probandorũ mo-  
 rum, virtutũ atq. operũ, actorum  
 ac factorũ, quæ Deo placere de-  
 claratũ fuerit, magnũ & contentũ  
 studiũ cum opportuna & assidua

Pœnitē-  
tiæ sacra-  
mentū.

Pœnitē-  
tia vir-  
tus.

exercitatione coniunctum. Atq.  
ad priorē partem , hoc est, ad de-  
testationē & fugam vitiorū præ-  
cipuè ea pœnitentiæ ratio spectat,  
quæ in Christianis & Ecclesiasti-  
cis sacramentis numeratur; cuius  
membra recensentur, cordis con-  
tritio, oris confessio, atq. operis sa-  
tisfactio; vt consuetis doctorum  
verbis, neq. à sermone & vfu cō-  
muni alienis vtamur: atq. hæc ra-  
tio omnis, quòd multorū auctorū  
editis voluminibus explicata &  
tradita est, ex illorum libris petē-  
da & cognoscenda à nobis reser-  
uatur; tantū hoc in opere de pœ-  
nitentia virtute acturis quæ illius  
alterius partis finis est & comple-  
mentum: neq. enim satis est præ-  
terita malè plāgerē, vti dici solet;  
& confiteri peccata, atq. plangen-  
da iterum non committere; nisi

&



& ceteri pœnitentiæ digni fructus fiant ab iis à quibus fieri possunt. Atque hæc pars, quæ correctæ ac iustæ vitæ virtutumque cultura & exercitatione præstatur, aliàs pœnitentia virtus nominata, hæc, inquam, ea est de qua nobis hoc loco differtur.

Hanc igitur pœnitentiam virtutē diuinæ sapientiæ ratio sacris libris exposita in eo cōsistere maximè docet, vt homo cupiditatibus suis bellum indicat & inferat, fortissimeque se ipsum vincat, atque à mundanis & carnalibus actionibus operibusque contineat, & iis quæ à Deo præcipiuntur, cōmendantur & probantur studiis & actionibus, curā operamque adhibeat. Hæc enim lex primo hominum parenti im-

posita

Pœnitentia.

Gen. 3.

posita est illo arcano ac diuino responso, quod sub terræ imagine ac nomine redditum fuit. Maledicta terra in opere tuo; in labore comedes ex ea omnibus diebus vitæ tuæ. Spinæ & tribulos germinabit tibi, & comedes herbam terræ; in sudore vultus tui vesceris pane tuo. Illam terram humanam Adama dictam, unde ipsi factum fuerat nomen Adam, in opere ipsius, id est in illa diuini præcepti transgressione maledictam & contumacem redditam esse, Deus homini declarauit, eidemque prædixit, fructus in labore esse percipiendos ex terra illa quæ ex maledictio non quidem sterilis omnino esset effecta, ut nullum probandum fructum ederet, sed edere posset fructus bonos & vsui aptos, verum

verùm multo labore excolendos.  
quippe cùm terra illa sua sponte  
propter maledictionem germina-  
tura esset spinas & tribulos, id est  
varias difficultates ex cupiditate  
& superbia producendas, quas re-  
mouere oporteret volentem pa-  
ne vesci atque fructu vti proban-  
do & generoso; ideoque opus esse  
magno & cõtento labore qui su-  
dorem vultus exprimeret, hoc est  
qui voluntatem & cupiditatem  
fortiter exerceret, atque hoc mo-  
do consequi posset panem illum  
cēlestem, qui à Deo ipso promif-  
sus plenissimè impertiendus erat  
iis qui ita laborarent in ipsorum  
salutem. id autem est, quod sæ-  
pe aliàs diuinis oraculis & pro-  
missis explicatur & confirmatur.  
Qui vicerit, & custodierit ope- Apoc. 3.  
ra mea vsque in finem, dabo illi  
stellam

„stellam matutinam, & vestimētis  
„albis induetur; & non delebo no-  
„mē eius de libro vitæ, sed faciam  
„eum columnam in templo Dei  
„mei, & foras non egredietur am-  
„plius; & scribam super illum no-  
„men Dei mei, & nomen ciuitatis  
„Dei mei nouæ Ierusalem, & no-  
„men meum nouum; & faciam il-  
„lum sedere mecum in throno  
„meo; & dabo illi manna abscon-  
„ditum, & calculum candidum, &  
„in calculo nomē nouum scriptū,  
„quod nemo scit, nisi qui accipit.  
„Qui vicerit, possidebit hæc: & ego  
„ero illi Deus, & ipse erit mihi fi-  
„lius. Timidis autem, incredulis, &  
„execratis, & homicidis, & fornica-  
„toribus, & veneficis, & idololatriis,  
„& omnibus mendacibus, pars eo-  
„rum erit in stagno ardenti igne &  
„sulphure, quod est mors secunda.

! Huius

Huius rei admonendæ atque indicandæ, ad nostramque salutem exponendæ causa peccatores singulos diuina bonitas benignissimè monens ait: Suadeo tibi <sup>APOC. 3.</sup> emere à me aurum ignitum probatum, ut locuples fias, & vestimentis albis induaris, ut non appareat ultra confusio nuditatis tuæ. æmulare igitur, & age poenitentiam. Ecce enim ego sto ad ostium & pulso, si quis audierit vocem meam, & aperuerit mihi ostium, intrabo ad eum, & cœnabo cum illo, & ille cœnabit mecum. Ultra atque benignissimè Dominus ad cœnæ suæ gaudia inuitat omnes eos, qui decenter culti, instructi atq. vestiti, illius præstantissimi conuiuij lætitiā expectantes optauerint & expectauerint, quam ex ipsius inuitantis libera-

liberalitate & beneficio oblatam  
demum percipient, atque vnà  
cum illo gaudebunt compotès &  
participes facti maximorum pro-  
missorum: Verùm enimuerò a-  
perto exemplo videmus illum  
qui ad diuinum conuiuium in-  
trare ausus est, non instructus ve-  
ste nuptiali, quam veram pœni-  
tentiam & Christi præceptorum  
obseruationem interpretamur, à  
supremo rege irato atque indi-  
gnante audiisse: Amice, quomo-  
do huc intraſti non habēs vestem  
nuptialem? deinde ministris à  
rege esse dictum: Ligatis mani-  
bus & pedibus eiicite eum in te-  
nebras exteriores; ibi erit fletus &  
stridor dentium. Postulat igitur  
Euangelij doctrina non solùm fi-  
dem, sed obedientiã etiam, quam  
necessariam esse confirmat ei, qui  
salutis.

Matth.  
22.

salutis promissæ heres esse studet:  
 atque obedientia hæc à pœniten-  
 tia incipit, & in pœnitentiæ veræ  
 seria exercitatione spectatur; ea-  
 demq. doctrina grauissimas pœ-  
 nas ex Dei iudicio minatur iis, qui  
 Euangelij legi nõ parent. Legem  
 autem Euangelij hoc loco dici-  
 mus conditiones illas postulas  
 ab iis qui læti huius nuntij re ipsa  
 & veritate atque vñu participes  
 esse cupierint; aliàs enim sine pœ-  
 nitentia & præceptorum Dei ob-  
 seruantia non modò diuina pro-  
 missa obtineri non possunt, sed  
 indignatio, ira, & ultio Dei certif-  
 simè expectanda est. In flamma 2. Thes. 1.  
 ignis dantis vindictam iis qui non  
 nouerunt Deum, & qui nõ obe-  
 diunt Euangelio Domini nostri  
 Iesu Christi, qui pœnas dabunt in  
 interitu æternas à facie Domini

„ & à gloria virtutis eius , cùm ve-  
 „ nerit, glorificari in sanctis suis , &  
 „ admirabilis fieri in omnibus qui  
 „ crediderunt.

Nuptia-  
 lis vestis.

Constat itaq. eam nuptialem  
 vestem quam vnumquemque ad  
 nuptias vocatum, & in sacrum il-  
 lud conuiuium admitti ac recipi  
 cupientem, indutum esse deceat  
 & oporteat, pœnitentia & diui-  
 norum præceptorum obseruantia  
 definiri; eamque iam indicatam  
 declaratamque esse à rege ipso,  
 conuiuiique domino ac magi-  
 stro, qui, ministris suis ad inuitan-  
 dos conuiuias missis, id explican-  
 dum & prædicendum mandabat,

Math.  
 23.

dicens: Euntes ergo docete om-  
 „ nes gentes, baptizantes eos in no-  
 „ mine patris & filij & Spiritus san-  
 „ cti: docentes eos seruare omnia  
 „ quæcumque mandavi vobis: id  
 est



est pœnitentiam, & diuinorum præceptorum studium & obseruantiam; quod ipsius magistri expositione apertissimè declaratum est, qui cùm Euangelistæ munus obiret & exerceret, publicè prædicabat: Quoniam impletum est <sup>Marc. 1.</sup> tempus, & appropinquauit regnū<sup>c</sup> Dei; Pœnite mini & credite Euangelio.

Huius rei exemplum in Abraham apertissimū spectatur, quem Deus tamquam exemplar quoddam statuit electionis à se benignissimè ac liberalissimè factæ, atque sensibilibus ac terrenarum rerum imagine totius huius maximī mysterij rationem summam exposuit. ita autem egit, vt quæ illi verè atque certo vñu contigere, eadē illorum, quæ ad nos pertinerent, spiritualium bonorum

umbram quandam atque imitationem exhiberent; s. s. e. Omnia in figura contingebant illis: scripta autem sunt propter nos, ad quos fines sæculorum devenire.

Abraham primum vocatus vocanti sese, atque promittenti; Et faciam te in gentem magnam; credidit Deo, inquam, qui vocat ea quæ non sunt, tamquam ea quæ sunt: atque electioni huic divinæ de se factæ fidem habuit, intelligens gratissimum fore Deo obsequium, si quis electionem illius libenter studiosèque sequatur, disciplinamque sine dubitatione salutarem subeat, utpote profectam ab eo; qui cum summum bonum maximumque sit, sua sponte sese suaque dona iis donare velit, qui ipsi crediderint & obedierint: cum autem ab eodem,

dem, à quo promissum acceperat, iussus etiam esset egredi- de terra sua & de cognatione sua, & de domo patris sui; obediuit, egressusque est; atque eas commoditates reliquit, quæ ab iis qui mundi huius mores sequuntur, in patria cognatione atque paterna domo parantur; siquidem patria consuetudinem & audaciam, paterna domus, diuitias familiarem ceteram, cognatio verò opes suppeditat iis, qui ad cupiditatis & ambitionis leges & normas vivere instituunt. Egressus itaque Abraham, sicut præceperat ei Dominus, patriam, cognationem, & patris sui domum reliquit, atque peregrinus & hospes in terra aliena esse optauit vocantis Dei iussu secutus. Scimus autem aduenis & peregrinis neque eam mentem

esse, neq. eam facultatem & copiam, neque audaciam, vt in deliciis atque ambitione versentur interim, dum aduenarum & peregrinorum rationes cogitant & seruant; hoc est, dum intelligunt, sibiq. illud statuunt, non esse eam sibi patriam vel quæietis sedē, sed breuis temporis hospitium sibi relinquendum, in aliū locum tendentibus commodiorem futurum, vbi obtineri contigerit. Atqui Abraham vocatus & iussus ē patria exire, & in terram sibi monstrandam concedere, non tantum fide vsus est, sed etiam vera obedientia, atque actione & opere: verē enim reliquit patriā, cognationem & paternam domum, non solum bona voluntate, aut sermone & oratione; nec enim dixit, faciā, aut facere cupio, &

& non fecit; sed reapse fecit quod iussus erat: & hoc modo credidit Abraham Deo, & reputatum est Heb. rñ. illi ad iustitiam; non solum quod credidit, sed quod credens obediuit in locum exire quem accepturus erat in hereditatem: & exiit nesciens quò iret. Et quod fide demoratus est in terra re promissionis, tamquam in aliena in casulis habitando cum Isaac & Jacob coheredibus re promissionis eiusdem. Hoc autem exemplo quicumq. ad cælestium promissorum dona & beneficia vocatus est, atque promittenti credens placere vult, rataque sibi promissa cupit, non solum fide, voluntate & voto, sed facto etiam & studio omni mundanæ corruptioni, deliciis, ambitioni, cupiditatibus, & vitiis ceteris nuntium

remittere, atq. id quod cūm baptizaretur in se recepit, coramq. sanctissima Trinitate, in quam sese credere confessus est, promissit, & sacerdote, testibus, ac fidei iussoribus presentibus affirmavit, præstare debet gratia præeunte vocantis cui sese tradidit, in cuiusque nomine baptizatus est, hoc est in nomine patris & filij & Spiritus sancti; quam gratiam purè & sanctè postulatam & petitā, nemini ex parte donantis defuturam esse, iam ostendimus: Ignem  
” veni mittere in terram; & quid  
” volo nisi ut ardeat? Affirmauerat autem se abrenuntiare Satanæ & omnibus pompis eius, & omnibus operibus eius. Opera autem & pompas Satanæ esse ambitionem, avaritiam, siue cupiditatē, & carnis delicias atque voluptates,

tes, hoc est, mundi mores & corruptiones, ex quibus vitia omnia & peccata nascuntur, fouentur, & crescunt, Apostolica doctrina exponit. qua de re scriptum est: Nolite diligere mundum, neque <sup>1. Ioan. 2</sup> ea quæ in mundo sunt. Si quis diligit mundum, non est charitas patris in eo. Quoniã omne quod est in mundo, concupiscẽtia carnis est, & concupiscentia oculorum, & superbia vitæ, quæ non est ex patre, sed ex mundo est. Et <sup>Iacobi 4.</sup> Iacobus Apostolus: Adulteri, inquit, nescitis quia amicitia huius mundi inimica est Dei? Qui cumq. ergo voluerit amicus esse sæculi huius, inimicus Dei constituitur. An putatis quia inaniter dicat scriptura: Ad inuidiam concupiscit spiritus qui habitat in vobis? Hoc igitur pacto, hoc est

non solum fide & sermonibus,  
sed etiam actionibus atque studiis  
& factis renuntiare oportet am-  
bitioni, cupiditati atque deliciis:  
neque enim virtus verba sunt, sed  
facta. quamobrem ait Paulus:  
Si quis emundauerit se ab istis,  
erit vas in honorem utile Domi-  
no, & ad omne opus bonum pa-  
ratum. Atq. D. Petrus ad Abra-  
hami imaginem sermonem refe-  
rens monebat: Charissimi, obse-  
cro vos tamquam aduenas & pe-  
grinos abstinere vos à carnali-  
bus desideriis quæ militant ad-  
uersus animam, conuersationem  
vestram inter gentes habentes bo-  
nam; ut in eo quod detrectant de  
vobis tamquam de malefactori-  
bus, ex bonis operibus vos confi-  
derantes, glorificent Deum in  
die visitationis. Itaq. fides illa quæ  
in

1. Pet. 1.



in Abrahamo laudatur & commendatur, non fuit otiosa aut mortua, sed viua fides, charitati coniuncta, & obedientia exercitataque probatissima; ideoque reputatum est illi ad iustitiam, quia verè exiit de terracognitioneque sua, & de domo paterna, vereque obediuit in locum exire: atque poenitentiae viuum exemplum in figura illa statuit. quod etiam Moyses imitatus grandior factus, recusauit dici filius filiae Pharaonis, <sup>Heb. 11</sup> magis eligens affligi cum populo Dei, quam tēporalis peccati habere iucunditatem, maiores delicias aestimans thesauro Ægyptiorum improperium Christi. Fide reliquit Ægyptum, non veritus animositatē regis; inuisibile enim tamquam videns sustinuit. Factis itaque & non dictis tantum, aut  
otiosa

otiosa fidei iactatione exhibere  
seſe Deo obtemperantem vnum-  
quemque oportet, & pœnitentiæ  
fructus ſeriò facere atque præſta-  
re: id quod in baptiſmo ſacro pro-  
miſſum eſt. id autem quomodo  
præſtatur ab iis qui numquam à  
peccato diſcedunt? aut ſi diſce-  
dunt, ad tempus per ſacramentũ  
pœnitentiæ ad id diſcedunt, vt  
rurſus iisdem aut pcioribus flagi-  
tiis & vitiis implicentur, cùm ta-  
men in pœnitentiæ ſacramento  
& ſatisfactionem & vitæ corre-  
ctionem toties promittant; quam  
ſi aliquando incipiunt, breui de-  
ſerunt, & ad mores natura recur-  
rit dānatos fixa & mutari neſcia,  
„ vt ille aiebat. Non qui inceperit,  
„ ſed qui perſeuerauerit vſque in  
Ifai. i. finem, hic ſaluus erit. Væ duplici  
„ corde, & ingredienti terram dua-  
bus

bus viis. Lauamini, mundi estote, aufer-  
 te malum cogitationum vestrarum ab oculis meis : quiescite  
 peruersè agere, discite benefacere. Subuenite oppresso, iudicate  
 pupillo, defendite viduam: & uenite, & arguite me, dicit Domi-  
 nus. Si fuerint peccata vestra ut coccinum, quasi nix dealbabun-  
 tur: & si fuerint rubra sicut vermiculus, quasi lana alba erunt.  
 Quiescite peruersè agere, discite benefacere, inquit Deus, qui  
 Christianę simplicitatis & sanctitatis, atque pietatis initia illa illu-  
 strissima cum progressu & corruptione morum, ac totius virtutis  
 ac pœnitentię, virtutis inquam pœnitentię defectu conferens,  
 sub imagine antiqui illius populi deplorans, aiebat: Quomodo fa-  
 cta est meretrix ciuitas fidelis,  
 plena

„ plena iudicij, iustitia habitavit in  
„ ea, nunc autem homicidæ. Ar-  
„ gentum tuum versum est in sco-  
„ riam, vinum tuum mixtum est  
„ aqua. Principes tui infideles, socij  
„ furum, omnes diligunt munera,  
„ sequuntur retributiones, pupillo  
non iudicant, causa viduæ non  
descendit ad eos. atque huiusmo-  
di fides cum obedientia & pœni-  
tentia coniuncta, illa fides est per  
quam homines Dei promissa be-  
neficia benignè præstita obtinēt:  
fides inquam non otiosa & mor-  
tua, sed quæ per dilectionem ope-  
ratur, & iis quæ à Deo dicta sunt  
verbis credit & obtemperat, fa-  
cessitq. quidquid est imperatum,  
nullaq. rerum aut actionum dif-  
ficultate absterretur, immo he-  
roicas actiones obit cum iussa est,  
& conficit atque expedit; s. s. E.

Fide

Fide transierunt mare rubrum ꝛ  
 tamquam per aridā terram; quod ꝛ  
 experti Ægyptij deuorati sunt. ꝛ  
 Fide muri Iericho corruerunt ꝛ  
 circuitu dierum septem. Fide ꝛ  
 Rahab meretrix non periit cum ꝛ  
 incredulis excipiens exploratores ꝛ  
 cum pace. Et quid adhuc dicam? ꝛ  
 deficiet me tempus enarrantem ꝛ  
 de Gedeon, Barac, Samson, Ieph- ꝛ  
 the, Dauid, Samuel, & prophetis, ꝛ  
 qui per fidem deuicerunt regna, ꝛ  
 operati sunt iustitiam, adepti sunt ꝛ  
 repromissiones, obturauerunt ora ꝛ  
 leonum, extinxerunt impetum ꝛ  
 ignis, effugauerunt aciem gladij, ꝛ  
 conualuerunt de infirmitate, for- ꝛ  
 tes facti sunt in bello, castra ver- ꝛ  
 terunt exterorum. Acceperunt ꝛ  
 mulieres de resurrectione mor- ꝛ  
 tuos suos. Atque ita omnium ho- ꝛ  
 rum viua fides testimoniis ma- ꝛ  
 gnorum ꝛ

gnorum operum ostensa est, utpote quorum cura studiumque erat non fidei otiosæ professione tantum, sed viuentis & operantis fidei obedientia atque exercitatione sese à Deo probare, nihilq. prætermittere quod pietatis causâ facere iuberentur, nihilq. rursus admittere quod pietatis obedientiæque nomine vitare & cauere docerentur, potiusque omnia incommoda atque damna ad necem & ignominiam vsq. pati, quàm ea violare, quæ sibi obseruanda diuino consilio atque verbo decreta vel tradita essent. Itaque hi etiam pœnitentiæ virtutis exercitandæ imaginem suis exemplis ad posteritatem transmiserunt, sicut scriptum est: Alij autem dissentienti sunt, non suscipientes redemptionem, ut meliorem inuenirent

nirent resurrectionem. Alij verò, ludibria & verbera experti, infu-  
per & vincula & carceres, lapida-  
ti sunt, secti sunt, tentati sunt, in  
occisione gladij mortui sunt, cir-  
cuierunt in melotis & in pellibus  
caprinis, egentes, angustiat, affli-  
cti, quibus dignus non erat mun-  
dus: in solitudinibus errantes, in  
speluncis & in cauernis terræ. Et  
hi omnes testimonio fidei proba-  
ti, non acceperunt repromissio-  
nem Deo pro nobis melius ali-  
quid prouidente, vt non sine no-  
bis consummarentur. Testimo-  
nium fidei vocat Apostolus opera  
à sanctis facta atque obedientiæ  
exercitationem, tum iis subeun-  
dis, quæ adiri, subiri atque agi  
iuberentur, tum iis declinandis  
& fugiendis, quæ fieri prohibe-  
rentur; & tamē nō adeptos fuisse

G

repro-

Matth.  
20.

repromissionem , hoc est non ingressos fuisse regnum cælorum quod ante mortem & resurrectionem Iesu Christi nondum erat apertum ; vt non consummarentur sine nobis qui venimus ad undecimam horam, cùm illi aliis atque aliis horis ante nos venissent, & diei atque æstus, pondus portassent, operasque suas in vinea diligenter posuissent. & tamẽ nobis, quibus undecima hora in vineam Domini vocatis, merces primum exoluenda destinata est, otiosis & negligentibus numerabitur ? minimẽ profectò : namq. nõ vt otiosi essent operarij illi vocati sunt, immo potius reprehensi, quòd totã ferẽ diẽ otiosam & inertẽ trãsegissent. Quid, inquit paterfamiliãs, statis hic tota die otiosi ? otiosi autẽ dicuntur qui



qui nihil operis, nihil negotij habent : atque verbum Græcum ab Evangelista vsurpatum ἀργοί, rem hanc apertè declarat.

Igitur non ad otiosam tantum fidem vocati sunt ij qui ad undecimam delecti in vineam mittebantur, sed ad exercendam viuam fidem in obedientia vocantis, ponendamq. in vinea operam non secus atque ij qui ante ipsos vocati fuerant, quorum fides variis operis & laboribus exercita & cōprobata fuit. id quod ipsorum, qui primi venerant, testimonio in illustrissima illa parabola edito constat ; qui nouissimos illos vna hora fecisse affirmabant. non dicebant illa hora vocatos in vinea otiosos transegisse, sed fecisse : satis autem magnæ gratiæ & benignitatis fuit à patrefamiliâs illis

exhibitæ, vt minori & leuiori labore dici & æstus pondere portando excepti, primi omnium mercedem tulerint eximio Domini beneficio nouissimis sicut & primis dare volentis.

Igitur ex his quæ iam exposuimus, manifestum fit, fidem imputatiuam tantum & promissa Dei apprehendentem atque alias otiosam non esse eam, quâ Deus exigat ab iis, quos ad cælorum regni communionem atque promissæ hereditatis possessionem vocat, sed fidem viuam & fideles ipsos exercentem in obedientia atque obseruatione eorum quæ à vocante præcipiuntur. vt enim non satis est apprehendere promissa ipsa per solam fidem, nisi re & usu possideantur; sic non satis est vocationi per solam fidem respondere,

spondere, nisi etiam vocanti pareatur. Quis enim dicat satis sibi esse fide, hoc est credendo, ingredi in regnum Dei, quamquam nunquam re ipsa possessione & usu regno Dei frui contingat? An ne ita cum Israëlitis & cum posteritate Abrahę actum est, ut promissa per fidem ipsis apprehensa nunquam tamē fuerint præstita? minime. immo verè promissa terrena præstita sunt, ab illisquę possessa Dei beneficio, cui credentes obedierant. verè enim Abraham factus est in gentem magnam, atque ex vno Isāac, in quo semen illi vocari Deus voluit, tātus propagatus est populus, ut Moyses confessus fuerit: Non possum so-<sup>Deut. 1.</sup>cc  
lus sustinere vos, quia Dominus<sup>cc</sup>  
Deus vester multiplicauit vos, &<sup>cc</sup>  
estis hodie sicut stellę cęli, plu-<sup>cc</sup>  
rim.

» rimi. Dominus Deus patrum ve-  
» strorum addat ad hūc numerum  
» multa millia, & benedicat vobis  
» sicut locutus est. Verè populus ex  
» Ægypto eductus, qui fidem atq.  
» obediētiam sanctam obseruauit,  
» promissam Chanaanæorum terrā  
» obtinuit & possedit; sicut scriptū  
*Iosue 1.* est: Surge & transi Iordanē istum  
» tu & omnis populus tecum in  
» terram quā ego dabo filiis Israēl.  
» Omnem locum quem calcauerit  
» vestigium pedis vestri, vobis tra-  
» dam, sicut locutus sum Moyfi, à  
» deserto & Libano vsque ad flu-  
» uium magnum Euphrātem; om-  
» nis terra Hethæorum vsque ad  
» mare magnum contra Solis occa-  
» sum erit terminus vester. Hæc  
» omnia non multo pòst tempore  
» concessa & tradita illis confirma-  
» bat Deus. Dedi vobis terram in  
» qua

qua non laborastis, & vrbes quas  
 non ædificastis, vt habitaretis in  
 eis; vineas & oliueta quæ non  
 plantastis. Verè etiam David re-  
 gni obtinendi promisso fidem  
 habens difficillima tempora peri-  
 culaque & subiuit & superauit,  
 tandemque regnum adeptus ce-  
 cinit: Credidi propter quod locu-  
 tus sum; ego autem humiliatus  
 sum nimis. Ego dixi in excessu  
 meo, omnis homo mēdax. Quid  
 retribuam Domino pro omnibus  
 quæ retribuit mihi, &c. Itaque  
 illi antiqui omnes terrena pro-  
 missa non tantum apprehende-  
 runt credentes, sed reuera conse-  
 cuti sunt ex Dei promittentis be-  
 neficio, qui credentibus & obe-  
 dientibus præstiturum sese fuerat  
 pollicitus: atque ideò etiam non  
 tantum fide, atque sermone, ver-

Psal. 125

bisque obedierunt præcipienti,  
sed præcepta & mandata sibi om-  
ni cura, studio & officio, & sum-  
ma pietatis exercitatione fecerunt;  
neque ullus ex illis qui promissa  
obtinere optabat atque studebat,  
fatis sibi esse vel dixit vel duxit,  
quod patres ipsius vel maiores vel  
amici obediissent mandatis ac ius-  
sis Dei, nisi & ipse etiam suum of-  
ficiū faceret, atque pensum suū  
in legis ac mandatorum obser-  
uantia expediret. Abraham ipse  
vocatus exiuit. David in regem  
vinctus, promissoque regni obti-  
nendi instructus fidem habens o-  
mnia illa egit, fecit & pertulit,  
quæ admirantes legimus. Sic etiā  
ut ad nostras redeamus partes, &  
nos, si promissorum spiritualium  
verè atque re ipsa & possessione  
compotes esse optamus, ut optare  
debemus,

debemus, si nos verè amamus, beatitudinemque summam expetimus; debemus non fidem tantummodo promissis, sed obsequium atque pietatem officiis quæ nobis imposita sunt; faciendis præstare: neque satis esse putare, ut credamus Christum pro nobis legem expleuisse omnem; nisi credentes in Christum nos etiam eam legis partem, quæ ad nos pertinet, subeamus, præceptorum videlicet & mandatorum in decalogo, in quo diuinæ voluntatis ac naturæ legis summa est, & quidquid ex hac summa deducitur & rectè exponitur; atque ita legem observare, ut non auditores tantum, aut lectores, non interpretes & explicatores, sed potius factores dicamur, atque illis persimiles efficiamur, de quibus

G 5 scriptum

**LUCÆ 1.** scriptum est: Erant autem iusti  
” ambo ante Deum, incedentes  
” in omnibus mandatis, & iusti-  
” ficationibus legis sine querela.  
**ROM. 2.** Non enim auditores legis iusti  
” sunt apud Deum, sed factores  
” legis iustificabuntur. Igitur qui-  
” cumque ad filij Dei nuptias vo-  
catus, vocanti fidem habens,  
probare sese cupierit, & conui-  
uij particeps esse voluerit; intel-  
ligat primum oportet, nihil il-  
lum latere qui occulta cordis &  
renum nouit, cogitationesque  
hominum à longè cognouit. quã-  
obrem veræ atque legitimæ pœ-  
nitentiæ studium induat, & an-  
tè actæ vitæ malæ, atque om-  
nium vitiorum pertæsus, con-  
trito & humiliato corde pœni-  
tentiæ primum sacramētum pu-  
rè sancteque ineat, atque Deo  
sele



seſe reum ſtatuens , coram Ec-  
 cleſia , miniſtris inquam Eccle-  
 ſiæ ex more atque præcepto ſua  
 vitia ſaſſus , conſiliis , monitis &  
 præceptis , quibus piè inſtrue-  
 tur , pareat, vitiorum atque ſcele-  
 rum fugam, quam Deo Deiſque  
 miniſtro teſti, atque in terris Ec-  
 cleſiaſtico iudici pollicetur , præ-  
 ſtet ; abſolutione item eccleſiaſti-  
 ca potitus, ſeriò omni conſilio, co-  
 natu, ſtudio ab illa turpi & iniqua  
 vitæ conuerſatione , ab impuris  
 cogitationibus, ab omni malitiæ  
 conſuetudine, à prauis & impro-  
 bandis moribus (ſi bene pœnitet)  
 auertatur; atque deinceps poſtha-  
 bita, neglecta, victaſque omni am-  
 bitionis, auaritiæ, cupiditatis, vo-  
 luptatum, atque deliciarum ter-  
 renarum, quæcumque à Deo a-  
 uertere poſſunt & ſolent, cogita-  
 tione

tione rectum iter ingressus constanter teneat, Deumque frequentibus precibus oret, appellet, atque sibi propitium, benignum, faustumque postulet; habiturus & experturus misericordem & providentissimum erga se, si pure, sancte, & studiosè postularit: hæc enim ab eodem dictata, exposita & promissa sunt peccatoribus cunctis, quorum non mortem, sed poenitentiam & vitam ille

Hier. 3. vult & optat. Conuertimini filij

reuerentes, & sanabo auersiones vestras. &: Si reuerteris Israël, ait

Domine, ad me revertere: si abstuleris offendicula tua à facie

Hier. 29 mea, non commoueberis. Laua à malitia cor tuum Ierusalem, ut

salua fias: usquequò morabuntur

in te cogitationes noxiæ? Ego scio

cogitationes quas ego cogito super

per

per vos, ait Dominus; cogitatio-  
 nes pacis, & non afflictionis, vt  
 dem vobis finem & patientiam.  
 Et inuocabitis me, & ibitis, & o-  
 rabitis me; & ego exaudiam vos.  
 Quæretis me, & inuenietis; cum  
 quæsieritis me in toto corde ve-  
 stro, & inueniar à vobis, ait Do-  
 minus. Idem etiam apud alium  
 prophetam ait: Conuertimini ad <sup>Ioelis 2.</sup>  
 me in toto corde vestro, in iei-  
 nio, & in fletu, & in planctu. Et  
 scindite corda vestra, & non ve-  
 stimenta vestra; & conuertimini  
 ad Dominum Deum vestrum,  
 quia benignus & misericors est,  
 patiens & multæ misericordiæ, &  
 præstabilis super malitia. Verum  
 enimuero illud semper memi-  
 nisse oportet, atque valde obser-  
 uare, attenteque agere, ne ante-  
 cedentis veniæ fide securi, &  
 semper

semper expositæ misericordiæ diuinæ expectatione importuna fidentes, numquam quiescamus peruersè agere, nec benefacere discamus. Non enim huiusmodi diuinæ clementiæ ac misericordiæ vsus, sed abusus hominibus vocabitur. Est quidem æterna ac perpetua Dei misericordia à generatione in generationes; verum super timentes eum. Et

*psal. 25.* audiam, inquit vates, quid loquatur in me Dominus Deus, quoniam loquetur pacem in plebem suam, & super sanctos suos, & in eos qui conuertuntur ad

*Isai. 30.* cor. Et Isaias, Propterea, inquit, expectat Dominus, vt misereatur vestri. vt misereatur ait expectare Dominum, non autem vt ij qui expectantur, peccata peccatis cumulent, & ad vomitum

tum subinde redeant ; sed quia pollicitus est misericordiam iis qui ex corde ad se ita conuersi fuerint , vt illum amplius offendere vehementer horreant , & studiosissimè caueant : aliàs verò , vt idem Isaias ait , Ideo exaltabitur parens vobis ; quia Deus iudicij Dominus Deus iudicij est , qui promissam misericordiā nulli opportunè quærenti negat , sed & iis , qui nec recto nec firmo erga ipsum corde sunt , constitutas pœnas nō in æternum prorogat , sed certo tempore irrogat. Nullū apud Deum vacuū misericordia tēpus est erga eos qui misericordiam non impediunt ; impediūt autem , qui secundum duritiam suam & impœnitens cor thesaurizant sibi iram in die iræ. Ad quem respiciam , dicit Dominus , nisi

Rom. 2.

Isai. 6.

nisi

„ nisi ad pauperculum & contri-  
„ tum spiritu, & tementem ser-  
„ mones meos? ex cæteris enim  
qui verè pauperculi, spiritu con-  
triti, & sermonum Dei tremen-  
tes observatores non sunt, sic pro-  
nuntiauit:

„ Qui immolat bouem, quasi  
„ qui interficiat virum: qui ma-  
„ ctat pecus, quasi qui excerebrat  
„ canem: qui offert oblationem,  
„ quasi qui sanguinem suillum of-  
„ ferat: qui recordatur thuris, qua-  
„ si qui benedicat idolo. Hæc om-  
„ nia elegerunt in viis suis, & in  
„ abominationibus suis anima eo-  
„ rum delectata est. oportet itaque  
eos, qui sese peccatis alligaue-  
runt (Non est enim homo qui  
non peccet, ait Salomon) initam  
pœnitentiæ viam constanter te-  
nere, atque semetipsos abnegan-  
tes,

tes, eum audire & sequi, qui dixit: Non qui inceperit, sed qui “ persequeretur usque in finem, “ hic saluus erit. oportet verè & ex “ animo in toto corde abrenuntia- “ tionem Satanæ, & omnibus operibus eius, & omnibus pompis eius factam obseruare: aliàs enim, Hæc dicit Dominus; Numquid, Iere. 8. qui cadit, non resurget? & qui auersus est, non reuertetur? Quare ergo auersus est populus iste in Ierusalem auersione contentiosa? Auersionem contentiosam eam dicit Deus, qua homines improbam vitæ consuetudinem quamquam verbo aut cogitatione dannauerint, tamen moribus retinent & vrgent, atque pœnitentiam falso professi, oreque iactantes, virtute & officio non præstant, sibi ipsi mentiti, seque

H ipsos

ipſos fallentes, non Deum, non  
Dei miniſtrum ſacerdotem, cui  
vitæ correctionem ſeriò incun-  
dam promiſerunt: hoc eſt quod  
per eundem prophetam Deus in-  
ſimulat. Apprehenderunt men-  
daciū, & noluerunt reuerti.  
Attendi & auſcultauī; nemo  
quod bonum eſt loquitur, nul-  
lus eſt qui agat pœnitentiam ſu-  
per peccato ſuo, dicens: quid  
feci? Omnes conuerſi ſunt ad  
curſum, quaſi equus impetu  
vadens ad prælium. Expectat  
quidem Dominus vt miſereatur  
noſtri, & patienter agit, nolens  
aliquem perire, ſed omnes ad  
pœnitentiam reuerti. ad pœni-  
tentiam reuerti ait Apoſtolus, vt  
qui ſcīret pœnitentiam peccato-  
ribus neceſſariam eſſe ad Dei  
iram placandam, & miſericor-  
diam



diam conciliandam. Non esse autem infinitam Dei expectationem, quamquam illius misericordiam infinitam credamus & confiteamur, manifestè nobis Spiritus sanctus ostendit. Deus <sup>Psal. 7.</sup> iudex iustus, fortis, & patiens; numquid irascitur per singulos dies? Nisi conuersi fueritis, gladium suum vibrauit, arcum suum tetendit, & parauit illum. Et in eo parauit vasa mortis, sagittas suas ardentibus effecit. Originali mundo propter peccatum vastando ac perdendo certum ad poenitentiam tempus Deus præscripsit; s. s. e. Non permanebit <sup>Gen. 6.</sup> spiritus meus in homine in æternum, quia caro est: eruntque dies illius centum viginti annorum. quibus peractis vniuersum hominum genus diluuiò obru-

tum periit , vna excepta Noë familia, qui Dei iudicio illa ætate iustus inuentus est. Niniuitis dierum quadraginta tempus sibi indicatum perituris & subuerten-  
dis pœnitentia non ad vltimum diem dilata , sed ipso auditæ cō-  
minationis initio instituta , to-  
tum , inquam , illud tempus in  
diuina ira ieiuniis, precationibus,  
& supplicibus votis placanda, mi-  
sericordia imploranda, vita deinceps corrigenda, positum impen-  
sumque fuit; s. s. E. Et cœpit Io-  
nas introire ciuitatem itinere diei  
vnius , & clamauit , & dixit: Ad-  
huc quadraginta dies , & Nini-  
ue subuertetur. Et crediderunt  
viri Niniuitæ in Deum , & præ-  
dicauerunt ieiunium , & vestiti  
sunt saccis à maiori vsque ad mi-  
norem : & peruenit verbum ad  
regem

regem Niniue, & surrexit de so-  
 lio suo, & abiecit vestimentum  
 suum à se, & induituss est sacco,  
 & sedit in cinere. Et clamauit  
 & dixit in Niniue ex ore Regis  
 & principum eius, dicens: Ho-  
 mines & iumenta & boues &  
 pecora non gustent quidquam,  
 nec pascantur, & aquam non  
 bibant: & operiantur saccis ho-  
 mines & iumenta, & clament  
 ad Dominum in fortitudine, &  
 conuertatur vir à via sua mala,  
 & ab iniquitate quæ est in ma-  
 nibus eorum. Quis scit si con-  
 uertatur & ignoscat Deus, &  
 reuertatur à furore iræ suæ, &  
 non peribimus? Et vidit Deus  
 opera eorum, quia conuersi sunt  
 de via sua mala, & misertus est  
 Deus super malitia, quâ locutus  
 fuerat vt faceret eis, & non fecit.

Viri Niniuitæ exurgent in iudicio contra eos qui non semel, sed sæpius admoniti à via sua mala conuersi non fuerint; vel qui pœnitentiæ seriæ negotium ad finem vsque vitæ suæ distulerint, interimque prauè & peruersè vixerint, mundi cupiditatibus, pompis, ambitionibus & vitiis operam dantes: cum nemo tamen sit qui sibi ad extremum vsque vitæ diem pœnitentiæ exercitationem prorogata esse dicere verè possit; sed eodem die quo vocantur & admonentur, verè & seriò ad Deum conuersi singuli iubeantur. Hodie, inquit Spiritus sanctus, si vocem eius audieritis, nolite obdurare corda vestra. Timeamus ergo, inquit Apostolus, ne forte relicta pollicitatione intro-

Heb 4.  
22

cundi

eundi in requiem eius, existi-  
 metur aliquis ex nobis deesse.  
 Etenim & nobis nuntiatum est,  
 quemadmodum & illis. Festine-  
 mus ergo ingredi in illam requiē:  
 non ingredietur autem qui non  
 obedierit vocanti; neq. coronabi-  
 tur nisi qui legitimè certauerit.  
 Scitis, inquit Paulus, quòd ij qui  
 in agone contendunt, omnes qui-  
 dem currunt, sed vnus accipit  
 brauium: sic currite, vt compre-  
 hendatis, currendum esse, non re-  
 trocedendum; currendum esse  
 non manendum, ait Apostolus;  
 currendum autem non lentè, sed  
 legitimè, tantoque maiori studio,  
 diligentia & cura, tanto maiore  
 obseruantia, quanto præmiū no-  
 bis propositum præmio illi piscæ,  
 oliuæ, siue apij, siue quercinæ co-  
 ronæ præferendum anteponen-

H 4 dumque

dumque est. quanto autem studio, quantoque labore exercentur illi qui in stadio currunt, ut neque luxu diffluant, neque segnitie torpescant, ipsi qui de hac re scripserunt, edocent.

*Qui cupit optatam cursu contingere  
metam,*

*Multa tulit, fecitque puer, sudavit  
& alfit,*

*Abstinet Venere & vino, &c.*

„ Et hi quidem ut corruptibili-  
„ lem coronam accipiant (ait Paulus) ab omnibus abstinent: nos  
„ autem incorruptam. Manifestum est autem diuinam expectationem singulorum ad poenitentiam certis terminis esse circumscriptam. Nemo enim est cui post mortem reditus ad poenitentiam pateat, quamobrem  
ante

ante mortem vt pœnitentia fiat oportet. Atqui vitam breuem esse ipsa experientia docet, præterquam quod diuina sapientia admonet sæpissimè: Breues dies <sup>Iob 14.</sup> hominis sunt, & numerus mensuræ eius apud te est. Vnde fit, vt diuina expectatio non ultra vitæ huius limites extendatur. Periculosa verò admodum spes est, & quæ quamplurimos fefellerit eorum qui ad postremum vitæ tempus pœnitentiæ serio exercendæ cogitationem differunt. Quippe cum vitæ vsus hominis arbitrio & consilio permissus sit atque concessus, mortis verò deligendæ optio non sit hominibus tradita; duplex enim vitæ ratio est, duplexque viuendi via; altera lata, angusta altera: vtram magis quis velit deligere

Hic per-

permittitur, & ut meliorem tutioremque eligat non modò admonetur, sed etiam iubetur;

Deut. 30. sicut scriptum est : Considera  
 „ quòd hodie proposuerim in con-  
 „ spectu tuo vitam & bonum, &  
 „ econtrario mortem & malum :  
 „ ut diligas Dominum Deum tuum,  
 „ & ambules in viis eius, & cu-  
 „ stodias mandata illius & cęrimo-  
 „ nias atque iudicia, & viuas, &c.  
 „ Elige ergo vitam, ut tu viuas &  
 „ semen tuum, & diligas Domi-  
 „ num Deum tuum, atque obe-  
 „ dias voci eius, & illi adhæreas.  
 „ ipse enim vita tua & longitudo  
 „ dierum tuorum.

Hic nu-  
 mer' ob-  
 seruatut.  
 ex inter-  
 pretatio-  
 ne ver-  
 tus in  
 psalmo;

At verò ex nongentis ac se-  
 ptem mortis generibus quæ se-  
 clusa violentia accidere homi-  
 nibus obseruata sunt; quod po-  
 tissimū quis experiri velit optare

non



non hominis cuiusque consilio datum, sed Dei prouidentiae destinare vel permittere est reseruatum. Magna verò amentia, stultitia ingens, periculosaque infania est, relictis iis quæ nobis integra, certa & exposita, breuissimoque numero contenta, eademque præsentia atque in conspectu proposita sunt; ad ea animum appellere, quæ longè semota, aliena, incerta, numero plurima & varia, eademque difficillima sunt. Deinde etiam quis non intelligit, quàm improbum sit postulare, ut totius vitæ optatum & affectatum dispendium vnius horulæ aut etiam breuiori compendio postulato sarcatur? velle etiam cursus certaminis & stadij præmio atque honore donari eum, qui  
neque

Et Do-  
mini Do-  
mini exi-  
tus mor-  
tis.

neque certarit neque cucurrerit, cum tamen id facere & potuerit & debuerit? Denique cuiusmodi consilij, qualisque iudicij sit cupere improbè ac negliger viuere, & sanctè mori? Nos quidem quemadmodum alij de hac re sentiant, non laboramus: periculosissimam tamen huiusmodi aleam esse sentimus & censemus, eamque quamplurimos fefellisse arbitramur. Si quis nobis vel peccatricis illius feminae, vel latronis alterius exemplum opponat; idem ipsum nos ad verum confirmandum & libenter excipiemus, & rectissimè retorquebimus. Siquidem mulier illa, quæ in ciuitate peccatrix fuit, postquam Christum Iesum semel adiit atque misericordem experta est, per-

perpetua deinceps pœnitentiæ  
exercitatione ac vitæ sanctitate  
propitium sibi fauentemque re-  
tinuit : tantum abest , vt nouis  
subinde peccatis atque impro-  
bitatibus abalienarit. Latro au-  
tem ille eodem tempore quo  
Christi veritatem edoctus est,  
pœnitentiam inchoauit seriam,  
quam ad vltimum vsque spiri-  
tum perseveranti animo atque  
studio produxit; producturus diu-  
tissimè ( vti arbitramur ) si vel  
mortem illo die euasisset , vel  
diutiùs in cruce viuens pepen-  
disset: quem neque supplicij cru-  
ciatus ille communis , neque  
cruribus suffractis etiam auctior,  
à salutis suæ cogitatione , atque  
à Christi contemplatione abstra-  
xit. Ille autem ( vti existima-  
mus ) si antea Christi virtutem

& veritatem cognouisset, relicta improbæ vitæ consuetudine totum se pœnitentiæ ferio agendæ tradidisset. Denique quidquid dicatur, illud certum compertumque est, latronem cum Christi cognitione fidem concepisse maximam, culpam suam grauissimam agnouisse, antè actam vitam omnino fuisse detestatum, totum se ad salutis auctorem conuertisse, atque grauissimum cruciatum & mortem non solum patienti, sed æquissimo animo tolerasse, iustitiamque laudasse diuinam, atque misericordiam constanter implorasse, promissam sibi firma spe atque perseueranti studio prosecutum, ac demum Christi promittentis beneficio fuisse assecutum. Huius latronis exemplum quisquis

quisquis ad suam vtilitatem rectè citare cogitarit, exactè imitari atque sequi debebit, vt certum sibi tandem atque efficax experiatur; simul atque cognouerit Iesum Christum agnum innocentissimum, peccata mundi tollentem, Dei filium morte grauissima & ignominiosissima pro mundi sceleribus ac debitis damnatum & affectum, seque dignum qui ob sua scelera in eadem damnatione mortis esset, atque gehennæ ignis adiudicaretur. ita antè actam vitam mille vitiis & flagitiis corruptam detestari debet, poenitentiaque rectissima ductus confiteri peccata sua, misericordiamque implorare diuinam, atque ita cogitatione atque studio sese comparare, ac si eodem ipse die, quo

hæc

hæc cogitat, moriturus esset, ut  
ab eo qui verè inuocatus num-  
quam defuit, audiat: Amen di-  
co tibi, hodie mecum eris in pa-  
radiso: huiusmodique concep-  
tam cum fide spem atque voca-  
tionem per bona opera certam  
sibi ex diuino beneficio faciat.  
Numquid latro postquam pro-  
missum illud accepit, si viuus  
relictus fuisset & curatus, tan-  
ti beneficij atque suæ ipsius sa-  
lutis prorsus immemor, ad con-  
sueti latrocinia rediret? vel opi-  
nione forsan concepta effusissi-  
mæ facilitatis Iesu Christi sibi  
quotidie ad vomitum reuertere-  
tur, ac deinde ad extremū diem,  
quo iterum captus, damnatus,  
& cruci suffixus moriturus neces-  
sariò esset, suam illam pœniten-  
tiam demum repetendam reser-  
uaret?

uaret? Esto, facillimus constitua-  
tur Christus, vt re vera est (non  
tamen iis qui illudunt magis  
quàm seriò conuertantur) adeò  
autem facillimus, vt septuagies  
septies ipse homini peccatori ig-  
noscat sese in veritate adeunti;  
qui discipulo suo idem vt face-  
ret præcipiebat: quis tamen af-  
firmet, sibi quoties peccauerit,  
toties nouæ atque veræ pœniten-  
tiæ expectationem pro animi sen-  
tentia longam constare? Quis  
hoc à Deo postulare audeat, vt li-  
ceat sibi quoad vixerit, corruptè  
& improbè agere; nec tamẽ iam-  
iam morituro, cùm necessitas  
moriendi accesserit, horulæ v-  
nius spatium ad pœnitentiam  
desit? Sed quid aliud optare vi-  
detur, qui serios pœnitentiæ fru-  
ctus, hoc est verum vitiorum

cum fuga odium , legitimum & efficax virtutum studium ad extremum vitæ relegat diem ? Estne hoc latronem imitari , aut peccatricem illam Mariam, aut Petrum ? qui postquam in sese rediens peccatum suum agnouit , turbam illam fugiens , cuius consortio & sermonibus in crimen inductus ac pæne impulsus fuerat , egressus foras fleuit amarè , neque amplius ad eos rediit qui peccandi ansam sibi præbuerant , neque à condiscipulorum consortio separatus est, quos & exemplo suo & sermone in resurrectionis magistri sui spe confirmavit: id videlicet agens quod à præceptore iussus fuerat: Et tu  
” aliquando conuersus , confirma  
” fratres tuos.

Huiusmodi sunt pœnitentiæ  
Deo



Deo gratissimæ, & hominibus vtilissimæ exempla, quæ qui verè & seriò ad suam salutem imitari voluerit, mundo atque mundi corruptelis & pompis, sibiq. ipsi, hoc est concupiscentiis suis, renuntiare debet, aliamque vitam, alios mores Deo probandos inire, exercere, vrgere; crucemq. sua sublata, Christum summa fide ac diligenti obedientia sequi, impedimenta omnia remouere, quæ iter facientem auertere aut retardare possint: perpetuoque illud cogitare, quod seriò agendum Dominus commendauit: Qui vult venire post me, *cc* abneget semetipsum, & tollat *cc* crucem suam, & sequatur me. *cc* Et non qui inceperit tantum, sed *cc* qui perseuerauerit vsque in finem, *cc* hic saluus erit. Et nemo *cc*

mittens manum ad aratrum, & aspiciens retrorsum, aptus est regno Dei. Qui habet aures audiendi, audiat; Deus neminem fallit. caueat igitur vnusquisque ne seipsum fallat, néve ab alio falli se sinat. Hæc via certa, regia atque tuta est; quæque boni euentus promissum habet; Pœnitentiam videlicet, quã primùm inire, initam sedulò agere, agendo ad finem vsque tenere ac persequi. Hæc numquam fefellit via; quam quicumque legitimè tenuerit, salute obtenta certissimam esse comprobabit; s. s. E.

*Psal. 68.* Quærite Dominum, & viuet a-

*Psal. 104.* nima vestra. Quærite Dominũ,

„ & confirmamini; quærite faciem

„ eius semper. Qui semper fa-

ciem eius quæserit, quocumque

modo, quocumque exitu vitam

hanc

hanc mortalem clauferit, tamen anima eius viuet: Quia non dereliquisti quærentes te Domine. Ignobilis & obscura oculis hominum fuit Lazari mors, diuitis verò & mors non fuit obscura; & funus vita functo paratum celebre fuisse Christus testatur: Mortuus est & diues, & sepultus est: at verò illius anima in Abrahamæ sinum recepta, huius verò in infernum detrusa est. Quamobrem ij qui pœnitentiæ rectè ineundæ curam vel nunquam suscipiunt, vel ad extremam mortis horam relegant, vel sæpe in vita initam per læpe deserunt; videant quò consilio, quo iudicio id faciant, quo diuino promisso nitantur; namque huiusmodi votum nos ipsis non mandamus, & an à Deo sibi ex animi

*Psal. 118* sententia concedendum sit dubitamus; s. s. E. Spreuisti omnes discedentes à iudiciis tuis, quia „ iniusta cogitatio eorum. Præuaricantes reputaui omnes peccatores terræ. Nulla in sacra, quam „ profitemur, disciplina certa hactenus nobis constitit sententia, quæ vel vitæ studiorum correctionem ad extremum vsque diem differendâ docuerit, vel differentibus bonum & certum successum promiserit; immo de huiusmodi poenitentiae seriae ad mortis diem dilatoribus Augustinus dubitare sese ait, & nos maxime cum Augustino dubitamus. Væ „ peccatoribus & ingredientibus „ terram duplici via. væ multis quibus concessa & oblata est oportunitas & commoditas corrigendæ vitæ, & integra facultas uiuentibus

uentibus constitit, quibusque à Deo expectatis, & tamen propositum malum vrgentibus cum postea poenitentiae sera voluntas accesserit, irrita ob ipsorum culpam erit. Per multa quotidie huius generis eduntur exempla improborum hominum, qui sine poenitentia moriuntur; alij repentina morte sublati, alij occisi, alij in mari submersi, alij in bellis trucidati, alij caelo tacti, alij aliis modis extincti: quibus fortasse si diuturnior vita esset concessa, poenitentiae studium sedulo susciperetur; sed aliud Dei iudicio visum & decretum est, qui cum ad reuocandos peccatores quod satis est fecerit semper, id quod est super, non solet semper addere. Tyrum & Sidonem si Deus tot signis & virtutibus pro-

Matth.  
11.

uocasset, quot Corozaim & Beth-  
saïda prouocauit; in cilicio & ci-  
nere poenitentiam acturas scie-  
bat. Sodomorum terram etiam  
propter poenitentię studium per-  
mansuram nouerat, si pares iis  
quas Capharnaum spectauit, spe-  
ctare etiam virtutes contingeret.  
verum id quod satis esset cum  
præstitisset locis illis Deus, id  
quod vltcrius ac plusquam satis  
foret, iustissimo iudicio cumulare  
noluit. Quotus autem quisque  
fuit ex iis quos improbam vitam  
viuere & vrgere iuuerit, cui quã-  
uis bonam voluntatem bonum-  
que rectè moriendi propositum  
professo mortis optatus modus  
contigerit, & vitæ finis beatissi-  
mus ac felicissimus fuerit? non  
humani optati, sed diuini con-  
siliij est, quali quisque exitu vi-  
tam

tam claudat; s. s. e. Deus no-  
 ster Deus saluos faciendi, & Do-<sup>psal. 69.</sup>  
 mini Domini exitus mortis. Ve-  
 rumtamen Deus confringet ca-  
 pita inimicorum suorum, verti-  
 cem capilli perambulantium in  
 delictis suis. Illud verò certissi-  
 mum valdeque horrendum est,  
 quod diuino oraculo pronuntia-  
 tum legimus: Mors peccatorum  
 pessima, & qui oderunt iustum,<sup>psal. 33.</sup>  
 delinquent. Illud etiam ma-  
 gnæ promissionis atque spei ple-  
 nissimum, memoria perpetuo te-  
 nendum, atque summo studio  
 curandum, quod rursus de iis  
 scriptum legimus quibus pietas  
 cordi est, & pœnitentis vitæ exer-  
 citatio placet. Redimet Domi-  
 nus animas seruorum suorum, &  
 non delinquent omnes qui spe-  
 rant in eum. Verùm age videamus

mus, quonam consilio homines à  
pœnitentiæ fructibus edendis, ad  
rusticum illū & incultum vitio-  
rum vsum desciscunt; & tamen  
sibi bonum tandem finem con-  
tingere optant & postulant? ni-  
mirum aurum, gemmas, & pre-  
tiosissima omnia turpissimis &  
fœdissimis rebus commutant,  
regnum & libertatem seruituti  
postponunt: Veram voluptatem  
dolori ac fastidio posthabent,  
honorem verum, certum & per-  
petuum ignominia, probri ac  
turpitudinis; diuitias veras tur-  
pissimæ egestatis; veritatem de-  
nique ipsam vanitatis causa rei-  
ciunt. qui huiusmodi iudiciis at-  
que consiliis imbuti & præditi,  
atque adeò constanter instructi  
sunt, cuiusnam notæ apud Deum  
erunt? certè apud sapientes ho-  
mines



mines stultissimi & corruptissimi iure habentur. Quanto illud & sapientiùs cogitatur, & rectiùs in-  
itur, & meliùs agitur, & faciliùs ac certiùs ex Dei beneficio obti-  
netur, & vtiliùs absoluitur; vt vi-  
delicet eo modo quis viuat, quo  
mori optaret & vellet! Nos sæ-  
pissimè à cōdiscipulis rogati, quā-  
nam rationem inēundam existi-  
maremus ad bene moriendum;  
illud semper résponsi in promptu  
habuimus, vt bene moriamur,  
rectè esse viuendum. Oportet  
autem tot iam lectis & conspe-  
ctis hominum, qui sine pœni-  
tentia decesserunt, exemplis vti  
atque siui eos, qui sibi ad salutem  
optimè consultum volunt. nam-  
que ipsa rerum sapiens existima-  
tio & cogitatio vitæ probitatem,  
sanctitatem & innocentiam ho-  
mine,

mine , qua homo , quaque ratio-  
nis capax , diuiniq̃ue luminis par-  
ticeps est , dignissimam esse de-  
monstrat ; contrà verò turpitudi-  
nem , ambitionem , luxuriam , ce-  
terasq̃ue actionum improbitates  
indignissimas ostendit : nedum  
Christianos hæc ratio omnis ma-  
ximè spectet , quos præter ceteros  
mortales humanarum diuina-  
rumq̃ue rerum , atque verè homi-  
num beatitatis cognitione auctos  
Deus esse voluit , & verbi sui  
manifestis præceptis & institutis  
instruxit , ita vt non fecerit taliter  
omni nationi , & iudicia sua non  
manifestauerit eis . qui si minus  
hanc maximam & præcipuam  
rationem sequantur , at illam sal-  
tem sequi debebunt , vt alienis  
periculis sapiant , intelligantq̃ue  
multorum sine pœnitentia per-  
euntium

euntium exempla ad se pertinere, quos Deus noster totius misericordiæ pater, huiusmodi exemplis admoneri, sibi que cauere uoluerit; s. s. e. Aderant autem <sup>Luc. 13.</sup> quidam ipso tempore nuntiantes illi de Galilæis, quorum sanguinem Pilatus miscuit cum sacrificiis eorum. Et respondens dixit illis: Putatis quod hi Galilæi præ omnibus Galilæis peccatores fuerint, quia talia passi sunt? Non, dico vobis; sed nisi poenitentiam habueritis, omnes similiter peribitis. Sicut & illi decem & octo supra quos cecidit turris in Siloe, & occidit eos: putatis quia & ipsi debitores fuerint præter omnes homines habitantes in Ierusalē? Non; dico vobis: sed si poenitentiam non habueritis, omnes similiter peribitis.

Quod

Abrahæ  
exem-  
plum.

Quòd si ad exemplum illud ,  
quod fidelibus omnibus propo-  
situm esse Deus voluit , oculos  
mentemque conuertamus , ma-  
nifestè etiam cognoscemus, Abra-  
hamum post patriam , cognatio-  
nem domumque paternam reli-  
ctam, numquam iterum in Chal-  
dæam aut Mesopotamiam fuisse  
reuerfum, sed perpetuò per varia  
loca Dei voluntatem , iussa & o-  
racula sequutum fuisse , peregri-  
natum , totamque vitam in Dei  
obsequiis impendisse ad mortem  
vsque , noluisseque alibi aut mo-  
ri aut sepeliri, quàm ubi promif-  
sa acceperat : neque pedem vm-  
quam retulisse ab iis locis, in qui-  
bus agere aut commorari diuini-  
tùs monebatur . Quamobrem  
scriptura sacra eos qui verè filij  
Abrahæ esse cupiunt, hoc est spi-  
rituales

rituales filij illius qui multarum gentium pater vocatus est, officij sui, hoc est paterni exempli admonens, ait : Audite me qui sequimini quod iustum est, & quaeritis Dominum : attendite ad petram vnde excisi estis ; & ad cavernam laci de qua præcisi estis. Attendite ad Abraham patrem vestrum, & ad Saram quæ peperit vos. Quia vnum vocavi eum, & benedixi ei, & multiplicaui eum, utpote virum qui Deo vocanti & firmiter crediderit & diligenter obedierit. atque ita ij qui ex fide viua sunt, & Abrahami exemplum imitantur, benedicentur cum fidei Abraham. Isaie 51.

Itaque condiscipuli clarissimi his omnibus Dei patris atq. Iesu Christi doctoris nostri præceptis & institutis, probatissimorumq. disci-

discipulorum exemplis instructi  
hoc primum diligentissime cu-  
remus, vt non peccemus. Hoc  
enim & optimum & præstantis-  
simum est: sed quia rarissimi ex  
Adæ filiis inueniuntur qui non  
peccauerint, idque singulari Dei  
beneficio tribuitur, si quis num-  
quam peccauerit, proximè sa-  
piētissimum & Deo gratissimum  
consilium erit, vt qui peccauerit,  
toto sese corde totoque animo ad

1. Ioan. 2. Deum conuertat. Aduocatum e-  
nim habemus apud patrē Iesum  
Christum iustum, & ipse est pro-  
pitiatio pro peccatis nostris: non  
pro nostris autem tantum, sed  
pro totius mundi. Si modò con-  
trito & humiliato corde à nobis  
fuerit quæsitus: id quod ab ipso  
eodem Domino declaratum est:  
Ad quem respiciam, nisi super  
humilem

humilem & contritum cor-  
 de , & timentem sermones  
 meos ? Quamobrem ab eo-  
 dem Apostolo , qui nobis cer-  
 tum in Iesu Christi tutela præ-  
 sidium pollicebatur , mone-  
 mur: Charissimi, si cor nostrum <sup>1. Ióh. 3</sup>  
 non reprehenderit nos , fidu-  
 ciam habemus ad Deum : &  
 quidquid petierimus , accipie-  
 mus ab eo , quoniam manda-  
 ta eius custodimus ; & ea quæ  
 sunt placita coram eo facimus.  
 Manifestè affirmat Ioánes nos  
 ea quæ in nostram salutem pe-  
 tierimus , accepturos à Deo ;  
 qui spiritum bonum petenti-  
 bus se dabit , si cor nostrum  
 non reprehendat nos : id au-  
 tem ex eo probari posse ait , si  
 mandata eius custodimus , &

„ea quæ sunt placita coram eo  
„facimus. hoc etiam noster præ-  
joan. 14. cipit magister : Si diligitis me,  
„præcepta mea seruate, & ego  
„rogabo patrem meum, & a-  
„lium paracletum dabit vobis,  
„vt maneat vobiscum in æter-  
„num, spiritum veritatis, quem  
„mundus non potest accipere;  
vtpote à mundi concupiscen-  
tia, superbia, atque omni pom-  
pa & inani gloria, omni de-  
nique vitio abhorrentem : qui-  
1. Tim. 2. cumque autem emundauerit  
„se ab istis, erit vas in hono-  
„rem sanctificatum & vtile Do-  
„mino, ad omne opus bonum  
„paratum.

Summa igitur omnium à  
nobis antea relatorum capitū  
illa breuissima est, vt quicum-  
que



que diuinis promissis in suam salutem rectè, purè ac sanctè crediderit, mundi huius pompis, ambitioni, cupiditatibus, & omnicarnis atque vitæ corruptioni quàm studiosissimè renuntiet, pœnitentiæque professionem diligenti vitiorum & peccatorum fuga, honestorumque morum ac diuinorum præceptorum feruenti atque perpetua cura prosequatur; de qua cura paulo post agemus, illud prius admonentes & repentes, diuinum spiritum in homine vitiis & voluptatibus aliisque concupiscentiis contaminato non permanfurum, spiritum inquam sanctificationis, quo qui aguntur, filij Dei sunt. Sic enim, vti iam citauimus,

& sæpiùs citare expediet , præ-  
cisa Dei sententia pronuntiata  
„ est : Non permanebit spiritus  
*Gen. 6.* meus in homine , quia caro  
„ est. Hoc est quamdiu homo  
caro fuerit , & carnis atque co-  
gitationum voluntatem fece-  
rit , spiritus mei particeps non  
erit . Atque hanc sententiam  
Deus eo tempore pronuntia-  
uit , quo Dei filij cum filiabus  
hominum commixti virtutis  
atque pietatis rationes omnes  
peruerterunt , probitatemque  
improbitate commutarunt. Hi  
enim qui diuinis promissis cõ-  
muni omnium parenti Adamo  
factis credebant , atque hac fi-  
de instructi sese in studiis pie-  
tatis exercebant ; filij Dei in  
sacra historia appellantur : apud  
illos

illos enim redemptionis & salutis hominum per sanctum mulieris semen expediendæ notitia perseueravit: cuius salutis promissæ fide atq. spe imbuti, mundanam ambitionem & corruptelam omnem auersabantur, vitamque traducebant, neque magnificam, neque splendidam, neque iis gloriæ atque deliciarum partibus, quas homines admirantur, instructam, sed tenuem, modestam & pudentem, exiguis casulis, tentoriis & tuguriis, antris, & huiusmodi locis humilibus habitantes, sobria paupertate contenti ad communium illorum parentum Adami & Heuæ instar, quos Deus pelliceis tantum vestibus à se

munitos, contentos viuere iussit; & id agere atque curare voluit, vt qui mundi principatu sua ipsorum culpa abdicati fuerant, tamquam aduenæ & peregrini in mundo degerent. Hoc exemplum filij Dei secuti obseruabant. Contrà verò hominum filij, qui vel diuinis promissis non credebant, vel impurè, superbè, ambitiosè, lautè & splendidè vivebant, delicias & voluptates cōsequebantur: gloriam & mundanum splendorem aucupabātur, magnificentissimas aedes sibi & vrbes & arces construebant: atque ad hanc viuendi formam seminarum etiam ingenio & consilio promouebantur; quarum blāditiis & consuetudine paula-

paulatim allekti, deinde verò  
prorsus inducti filij Dei acce-  
perunt vxores ex omnibus quas  
elegerant : Hoc est, cùm vide-  
rent filij Dei tantum delicia-  
rum atque voluptatum splen-  
dorisq̃ue vsum apud homines  
esse, quem humana ipsa con-  
cupiscentia asperitati atque  
austeritati frugalitatiq̃ue ante-  
ferret, maximè verò femina-  
rum aspectu allekti, apud quas  
ille tum in victu, tum in cul-  
tu luxus maximè splendebat,  
à labore & austeriori vita atque  
à continentia & paupertate, ad  
diuitias, opes; delicias & lu-  
xus sese traduxerunt; coniu-  
giaq̃ue cum filiabus hominum  
ineuntes, pietatem atque vir-  
tutem illam priscam peruer-

têre & prodidere. Quamobrem illa diuina sententia pronuntiata fuit : Non permanebit spiritus meus in homine, quia caro est : eo quòd ex filiis Dei non solùm filiis hominum similes euaserint, sed proles genuerint longè corruptiores, maioriq̃ue licentia vitiis voluptatibulq̃ue indulgentes, atque in omne iniuriarum, feritatis, & crudelitatis genus prouentes. Hi sunt Gigantes qui erant super terram, in diebus illis. Postquam enim ingressi sunt filij Dei ad filias hominum, illæq̃ue genuerunt : isti sunt potentes à sæculo viri famosi. Videns autem Deus, quòd multa malitia hominum esset in terra, & cuncta cogitatio

tatio cordis intēta esset ad ma-  
lum omni tempore; pœnituit  
eum quòd hominem fecisset  
in terra. Adeò enim solutæ vi-  
tæ hominum licentia & mali-  
tia Deum offendi sacra oracu-  
la nobis indicant, vt pœnite-  
re etiam hominum à se factorum  
affirment; atq. consilium  
inire & exequi perdendi vni-  
uersos, iis tantum exceptis,  
qui in filiorum Dei disciplina  
& officio permanserint, quam-  
uis numero paucissimis; sicut  
scriptum est: Noë verò inue-  
nit gratiam coram Domino, eo-  
quòd iustus esset; non solùm  
illa fide filiorum Dei imbu-  
tus, sed pœnitentiæ exercita-  
tus virtute, atque obedientia  
mandatorum Dei probatus:

K s      vtpote

utpote qui iussus arcam tot annis construxerit, atque assiduis habitis sermonibus, ætatis illius homines instantis iræ Dei admonens, ad pœnitentiam & ad bonâ frugem reuocare studuerit. quamobrem iustitiæ præconis titulum nomenque obtinuit.

De charitate pars quarta.

Obedientia.

Atque hanc, quam discipulis Christi necessariam diximus pœnitentiæ exercitationem, studium illud vitæ in melius promouendæ, atque honestatis colendæ comitatur: cui declarationis causa nomen obedientiæ adscribemus; obedientiamque definiemus esse actionum omnium vitæ temperamentum & institutionem iuxta Dei consilium & voluntatem. Hæc autem



tem præceptorum Dei cognitione, diligentique exercitatione præstatur. neque enim satis fuerit Christianæ disciplinæ præcepta & instituta cognosci, aut eleganti oratione referri, & commendari, nisi eadem omni studio atque officio exerceantur & obseruentur: id quod magister noster expressè docens aiebat: Non omnis qui dicit mihi Domine, Domine, intrabit in regnum cælorum; sed qui facit voluntatem patris mei qui in cælis est, ipse intrabit in regnum cælorum. Multi dicent mihi in illa die: Domine, Domine, nonne in nomine tuo prophetauimus; & in nomine tuo dæmonia eiecimus? & in nomine tuo

„tuas virtutes multas fecimus ?  
„Et tunc confitebor illis : Quia  
„numquam noui vos ; discedi-  
„te à me qui operamini iniqui-  
„tatem . Omnis ergo qui au-  
„dit verba mea hæc , & facit ea ,  
„assimilabitur viro sapienti , qui  
„ædificauit domum suam su-  
„per petram , & descendit plu-  
„uia , & venerunt flumina , &  
„flauerunt venti , & irruerunt  
„in domum illam , & non ce-  
„cidit : Fundata enim erat su-  
per petram . Oportet igitur hoc  
salutis nostræ ædificium super  
hanc veræ obedientiæ petram  
fundandum curare , ne post-  
quam aliàs multum diuque  
ædificauerimus , aliquo aduer-  
sario impetu tētatum corruat .  
Atqui obedientia hæc patris  
cælestis

cælestis obseruanda voluntate præstatur , sicut idem modò magister docebat: Qui facit, in-  
 quiens, voluntatem patris mei qui est in cælis. At verò suam voluntatem pater ipse in filij sui gratissimi & sapientissimi doctrina cognoscenda, tenenda, atque omni studio exercitanda constare declarauit. Hic <sup>Matth. 17.</sup>  
 est filius meus dilectus, in quo mihi bene complacui, ipsum audite. Hunc igitur voluntatis suæ interpretem certissimum, sapientissimum & gratissimum nobis à patre propositum, atque præsentibus grauissimis testibus duobus ex antiquo, tribus verò ex nouo testamento confirmatum, si studiosè petentes quidnam ad nostram salutem

lutem , quam ille affert , nobis agendum sit , consulamus, ita respondentem atque do-

Joan. 15. centem audiemus : Si præcepta mea seruaueritis , manebitis in dilectione mea , sicut & ego patris præcepta seruaui , & maneo in eius dilectione.

Joan. 14. Qui habet mandata mea. & seruat ea , ille est qui diligit me : qui autem diligit me , diligetur à patre meo , & ego diligam eum , & manifestabo ei meipsum. Idem verò eandem rem confirmans , alio in loco Joan. 15. aiebat : Vos amici mei estis ,

si feceritis quæ ego præcipio vobis. Tollite iugum meum super vos , & discite à me , quia mitis sum , & humilis corde ; & inuenietis requiem animabus

bus vestris: iugum enim meum  
suaue est, & onus meum leue. “

Quibus verbis manifestè do-  
cemur, requiem illam anima-  
bus nostris quæsitam inueniri  
non posse, nisi ab iis qui pa-  
tris voluntatem fecerint. Hanc  
verò voluntatem ad filij sui  
auscultationem pater ipse re-  
tulit: filius autem patris sui  
consilium esse, vt iugum ipsius  
ij subeant, qui animabus suis  
requiem inuenire student. iu-  
gum autem neque graue, ne-  
que durum, sed suaue esse; &  
onus, hoc est doctrinæ legis at-  
que præceptionum suarū sum-  
mam leue onus esse affirmat.  
Et quidem ita esse res ipsa de-  
clarat, & multorum, qui iu-  
gum hoc subiere, illustrissima

exem-

exempla confirmant. Quippe iugum hoc fraternus ille atque sincerus amor est, quem alio nomine charitatem dicere solemus: idque ita à magistro ipso expositum atque repetitum sepius accepimus. Hoc est præceptum meum, ut diligatis inuicem, sicut dilexi vos: Hæc mando vobis, ut diligatis inuicem. Adeo verò hoc certum, constans atque proprium præceptum suum esse confirmat, ut hoc suorum discipulorum atque comitum manifestum signum esse velit. Mandatum nouum do vobis, ut diligatis inuicem, sicut dilexi vos; & ut vos diligatis inuicem: In hoc cognoscet omnes quia mei discipuli estis, si dilectionem habueritis ad inuicem. quam  
rem

rem Iohannes magnus huius  
 præceptionis testis atque disci-  
 pulus, iterum atque iterum re-  
 ferens, scriptum reliquit: Cha-<sup>1. Ioan. 3</sup>  
 rissimi, si cor nostrum non re-<sup>“</sup>  
 prehenderit nos, fiduciam ha-<sup>“</sup>  
 beamus ad Deum; & quidquid<sup>“</sup>  
 petierimus, accipiemus ab eo;<sup>“</sup>  
 quoniam mandata eius custo-<sup>“</sup>  
 dimus, & ea quæ sunt placita<sup>“</sup>  
 coram eo, facimus. Et hoc est  
 mandatum eius, ut credamus  
 in nomine filij eius Iesu Christi,  
 & diligamus alterutrum, sicut  
 dedit mandatum nobis. quàm  
 verò necessaria huius mandati  
 observatio sit, apertè nobis Apo-  
 stolus idem demonstrat: Qui  
 non diligit fratrem suum, in te-<sup>Ioan. 2</sup>  
 nebris est, & in tenebris ambu-<sup>“</sup>  
 lat, & nescit quò eat; quia te-<sup>“</sup>

L. nebræ.

nebræ obcæcauerunt oculos eius. adeoque hoc verum atque in Christiana disciplina exploratum est, ut illustris ille diuinorum eloquiorum commentator hanc dilectionem ceteris humani animi virtutibus, studiis, actionibus & ornamentis anteponere non dubitauerit. Si linguis hominum  
„ loquar, & angelorum, chari-  
„ tatem autem non habeam, fa-  
„ ctus sum velut æs sonans, aut  
„ cymbalum tinniens. Et si ha-  
„ buero prophetiam, & noue-  
„ rim mysteria omnia, & om-  
„ nem scientiam; & si habue-  
„ ro omnem fidem, ita ut mon-  
„ tes transferam, charitatem au-  
„ tem non habuero, nihil sum.  
„ Et si distribuero in cibos pau-  
perum,



perum omnes facultates meas, <sup>6</sup>  
 & si tradidero corpus meum <sup>6</sup>  
 ita vt ardeam, charitatem au- <sup>6</sup>  
 tem non habuero, nihil mihi  
 prodest. adeoque ab hoc Apo- <sup>Colos. 3.</sup>  
 stolo charitas cõmmendatur,  
 vt perfectionis vinculum ap-  
 pelletur.

Quod si adeò necessaria  
 charitas est, vt hac vna dem-  
 pta, cetera omnia ad salutem  
 inutilia reddi. affirmet Aposto-  
 lus; quàm longè à salute is  
 aberit, qui fratrem suum non  
 modò non amat, sed etiam  
 odio habet & prosequitur? Si  
 qui non amat, charitatem e-  
 tiam Dei à se abigit: qui ode-  
 rit fratrem, quonam loco apud  
 Deum habebitur, quove no-  
 mine censebitur? nimirum ho-

L. 2.      micidæ

mici dæ nomen & crimen huiusmodi hominibus diuini verbi sententia adscribit: Om-

1. Ioan. 1

nis qui odit fratrem suum, homicida est. spiritu & affectu qui primum Deo iudicatur, homicida habetur qui fratrem suum non diligit. & scitis, ait, quoniam omnis homicida non habet vitam æternam in semetipso manentem?

1. Ioan. 2

& alibi: Qui odit fratrem suum, in tenebris ambulat. Quamobrem diuus Iacobus Christianos admonet, ne huiusmodi vitio, quod aliqua specie irrepere in animos atque penetrare solet, corrupti, pietatis nomen atque professionem eludant, seque metipsum aut alios hoc modo fallant.

Quòd

Quòd si zelum amarum <sup>Iacobi 3.</sup>  
 habetis, & contentiones sunt in  
 cordibus vestris, nolite gloriari  
 aduersus veritatem [Christia-  
 nos vos appellantes & esse ia-  
 ctantes.] Non est enim ista  
 sapientia desursum descendēs,  
 sed terrena, animalis, diaboli-  
 ca. Vbi enim zelus & con-  
 tentio, ibi inconstantia & om-  
 ne opus prauum. Quæ au-  
 tem desursum est sapientia,  
 primum quidem pudica est,  
 deinde pacifica, modesta, sua-  
 dibilis, bonis consentiens, ple-  
 na misericordia & fructibus  
 bonis, non iudicans, sine si-  
 mulatione. Apertè verò at-  
 que diffusè à præceptore ipso  
 docemur, quàm graue odij vi-  
 tium sit, quantumque ad sa-

Matth.  
18.

lutis viam persequendam impedimentorum afferat, non solum maleficiis proditum, sed etiam malis cogitationibus in animo conceptum. Ego dico  
” vobis, quia omnis qui irasci-  
” tur fratri suo, reus erit iudi-  
” cio: Qui autem dixerit fratri  
” suo Racha, reus erit concilio.  
” Qui autem dixerit fatue [ira  
” videlicet ac lædendi studio cõ-  
” motus,] reus erit gehennæ  
” ignis. Quamobrem ipsa diui-  
na magistri nostri sapientia, ut  
ostenderet quantum expediat  
huiusmodi vitio animique per-  
turbatione penitus carere, di-  
scipulis suis apertè vetat, eum,  
qui huic charitatis præcepto  
primùm non satisfecerit, quo-  
cùmque obsequij aut sacrificij  
munere

munere existimare sibi Deum  
 propitium fore. Si ergo of-  
 fers munus tuum ante altare,  
 & ibi recordatus fueris quòd  
 frater tuus habet aliquid ad-  
 uersum te, relinque ibi munus  
 tuum ante altare, & vade  
 prius reconciliari fratri tuo, &  
 tunc veniens offeres munus  
 tuum. Idem etiam multis a-  
 liis in locis & sermonibus ha-  
 bitis confirmavit, dicens: Esto-  
 te misericordes, sicut pater ve-  
 ster cælestis misericors est. Di-  
 mittite, & dimittimini: da-  
 te, & dabitur vobis. Beati  
 misericordes, quoniam ipsi  
 misericordiam consequentur.  
 Maximè enim commendatur  
 charitas à magistro nostro, ea-  
 demque non vulgaris aut fri-

gida , sed ardens , feruens , at-  
que ad beneficentiam prom-  
pta , qua similes Deo nos red-  
di ipse iubet , qui solem suum  
oriri facit super bonos & ma-  
los , & pluit super iustos & in-  
iustos . & cùm idem præcep-  
tor discipulos suos orare doce-  
ret , in hoc charitatis , miseri-  
cordiæ ac beneficentiæ argu-  
mento explicando sermonem  
amplius etiam quàm in aliis  
dilatavit : utpote in genere in-  
ter cetera pietatis argumenta  
præcipuo & expedientissimo ;  
quod etiam ab Apostolo per-  
fectionis vinculum appellatur :  
quippe facilè mandata & offi-  
cia omnia quæcumque in le-  
ge sunt præstantur & obser-  
vantur ab iis , quos charitas ita  
anima-

animarum, ut non tam sua quam  
 quæ aliorum sunt quærant; si-  
 cut scriptum est: Charitas pa-<sup>1. Cor. 13</sup>  
 tiens est, benigna est, chari-  
 tas non æmulatur, non agit  
 perperam, non inflatur, non  
 est ambitiosa, non quærit quæ  
 sua sunt, non irritatur, non  
 cogitat malum, non gaudet  
 super iniquitate; congauget  
 autem veritati: omnia suffert,  
 omnia credit, omnia sperat,  
 omnia sustinet. Qui odit fra-<sup>1. Ioan. 1</sup>  
 trem suum, in tenebris est,  
 & in tenebris ambulat, & ne-  
 scit quæ eat, quia tenebræ ob-  
 cæcauerunt oculos eius.

Hæc igitur omnium quæ  
 Christi discipulum cognosce-  
 re, tenere, meditari atque ex-  
 exercere oportet, summa ratio  
 L S est

Dictat  
 omnib.  
 cōmunis  
 summa.

est tribus his capitibus breuissimè contenta , quæ timore Domini , pœnitentia & charitatis obseruantia definiuntur.

Charitas autem non solum erga Deum , quem maximè & super omnia amare oportet , sed erga homines exercenda  
*1. Ioan.* spectatur. In hoc cognouimus  
» charitatem Dei , quoniam il-  
» le animam suam pro nobis po-  
» suit , & nos debemus pro fra-  
» tribus animas ponere. Qui  
» habuerit substantiam mundi ,  
» & viderit fratrem suum ne-  
» cesse habere , & clauferit vi-  
» scera sua ab eo ; quomodo  
» charitas Dei manet in eo ? Fi-  
» lioli mei , non diligamus ver-  
» bo neque lingua , sed opere  
» & vera te : in hoc cognosci-  
mus



mus quoniam ex veritate su-  
 mus, & in conspectu eius sua-  
 debimus corda nostra. Nos er-  
 go diligamus Deum, quoniam  
 Deus prior dilexit nos. Si quis  
 dixerit quoniam diligo Deum  
 & fratrem suum oderit, men-  
 dax est. Qui enim non dili-  
 git fratrem suum quem videt,  
 Deum quem non videt, quo-  
 modo potest diligere? Et hoc  
 mandatum habemus à Deo,  
 vt qui diligit Deum, diligat  
 & fratrem suum. Hæc igitur  
 tria capita quicumque rectè  
 obseruauerit, Dei in se clemen-  
 tiam, misericordiam, & beni-  
 gnitatem experietur; cuius ex-  
 cellentiàm humana cogitatio  
 assequi non potest, nedum lin-  
 gua exponere vel describere  
 poterit.

poterit. Promptissima quippe est diuina gratia, vt promissa illa præstet, quæ in salutem omnium credentium & obtemperantium pronuntiata sæpissimeque confirmata sunt;

*Isa. 18.* sicut scriptum est: Repentè lo-  
„ quar aduersus gentem & ad-  
„ uersus regnum, vt eradicem &  
„ perdam & destruam illud. Si  
„ pœnitentiam egerit gens illa  
„ à malo suo quod locutus sum  
„ aduersus eam,agam & ego  
„ pœnitentiam super malo quod  
„ cogitavi vt facerem ei. Et si

*Ezech.  
18.*

impius egerit pœnitentiam ab  
„ omnibus peccatis suis quæ o-  
„ peratus est, & custodierit om-  
„ nia præcepta mea, & fecerit  
„ iudicium & iustitiam, vita vi-  
„ uet, & non morietur: omnium  
iniqui-

iniquitatum eius quas opera-  
 tus est, non recordabor; in iu-  
 stitia sua, quam operatus est,  
 viuet. Numquid voluntatis  
 meæ est mors impij, dicit Do-  
 minus; & non vt conuertatur  
 à viis suis, & uiuat? Vitam ita-  
 que & salutem à Deo omni-  
 bus improbis etiam homini-  
 bus, qui tamen à viis suis con-  
 uersi fuerint, constare, pro-  
 missam diuina responsa sæpif-  
 simè confirmant; iis, inquam,  
 quibus à via mala conuersis,  
 & recta pœnitentia ductis, præ-  
 cepta Dei omnia, & iudicium  
 & iustitiam faciendi studium  
 curaque fuerit; eiusmodi enim  
 quicumque fuerint & animi  
 & studij, non in otio suo, aut  
 in nuda & ieiuna fide tantum;  
 quæ

quæ aliàs mortua dicitur ; sed in iustitia suà quam operati fuerint , viuent ; vitam enim & salutem à Deo accipient salutis auctore , quam promissam credentibus & obediens illi præstabit , cuius misericordia variis per omnia sacra scripta celebratur laudibus.

*Psal. 144* Miserator & misericors Dominus ,  
 „ patiens & multum misericors .  
 „ Suavis Dominus vniuersis , & misericordia eius super omnia opera eius .  
 „ ideoque dissimulat peccata hominum propter pœnitentiam .

*Sap. 11.* Diligit enim omnia quæ sunt ,  
 „ & nihil odit eorum quæ fecit ;  
 „ neque enim odiosè aliquid constituit aut fecit : quamobrem ipse ultro misericordiam suam

suam omnibus offert, proponit & promittit: qui verò corde atque puro studio ad ipsum conuerti redireque voluerint, sicut scriptum est, *Viuo ego*, Ezec. 34.  
*dicit Dominus Deus, nolo*, cc  
*mortem impij, sed vt conuer-*, cc  
*tatur impius à via sua, & vi-*  
*uat; Conuertimini à viis ve-*  
*stris pessimis, & quare morie-*  
*mini domus Israël? benignissi-*  
*mus quippe est Deus, salutisq.*  
*nostræ amantissimus, qui cùm*  
*homines ad se atque adeò ad*  
*vitam petendam & quæredam*  
*integro corde omniq. studio*  
*conuerti optet, ipsorum poeni-*  
*tentiam patientissimè expe-*  
*ctat. idque nobis sacra oracula*  
*testatur apertissimè. Propterea* Isai. 30.  
*expectat Dominus, vt miserea-*  
 tur

2. Pet. 3. tur vestri. & Apostolus Petrus :  
„ Patienter, inquit, agit Dominus  
„ propter vos, nolens aliquos per-  
„ ire, sed omnes ad pœnitenti-  
„ reuerti. Gratissimam verò esse  
Deo improborum hominum  
conuersionem & veram pœni-  
tentiam, gratissimam inquam  
& optatissimam ipsius filius no-  
bis ostendit illa saluberrima cõ-  
cione, quam tribus parabolis  
propositis habuit de filij prodi-  
gi restitutione, de oue atque  
drachma perditis, quibus om-  
nes homines exhortatus est, vt  
patrem ipsum celestẽ omnem-  
que cœlorum aulam huiusmodi  
gaudio afficere diligentissimẽ  
studerent, experirenturque in  
se admirandam illam benigni-  
tatem Dei, qui diues est in mi-  
sericordia.

fericordia in omnes qui vero at-  
 que simplici animo inuocant il-  
 lum: quibus ad se conuersis at-  
 que viuasi de probatis, pœni-  
 tentia vera ac obedientia exer-  
 citatis, maxima dona imperti-  
 tur, illumque largitur sanctifi-  
 cationis spiritum cum cæteris  
 donis & gratiis à se promissum,  
 quem omnibus obedientibus  
 illi datum esse Petrus affirmat, <sup>A. Act. 5.</sup> “  
 & Christus dandum esse polli-  
 cebatur, dicens: Si diligitis me, <sup>Ioan. 14.</sup> “  
 mandata mea seruare: & ego “  
 rogabo patrem, & alium pa-  
 racletum dabit vobis, vt ma-  
 neat vobiscum in æternū; Spi-  
 ritum veritatis quem mundus “  
 non potest accipere. mundum “  
 autem Ioānes eos esse interpre-  
 tatur qui secundum concupi-  
 scentiam oculorum, vel concu-

M      piscentiam

piscentiâ carnis, vel superbiam  
vitæ viuunt; hoc est qui libidi-  
nibus, cupiditatibus, deliciis,  
aut ambitioni inserviunt: Hi e-  
nim spiritus illius virtutem in se  
manentem & constantē mini-

Gen. 6. mē experiētur. Non enim per-  
„ manebit spiritus meus in ho-  
„ mine, quia caro est (ait Deus) in  
homine qui caro est; & non pu-  
gnat, cōtēdit, studet, & omnino  
sat agit vt carnis facta mortifi-

Rom. 8. cet, sicut Apostolus ait; Si enim  
„ secundū carnē vixeritis, morie-  
„ mini. Quòd si spiritu facta car-  
„ nis mortificaueritis; viuetis spi-  
ritu Dei videlicet vobis donato

Isai. 66. & cōmunicato; s. s. E. Super quē  
„ requiescet Spiritus meus, nisi  
„ super humilem & contritum  
„ corde, & tementem sermones  
„ meos? Huiusmodi diuinorum  
dono-



donorum, quibus homines in terra in viros alios mutantur, & planè cælestes fiunt, fugientes eius quæ in mundo est cōcupiscentiæ corruptionem, & conuersationem suam in cælis habentes; huiusmodi, inquam, donorum exempla, quæ frequentia olim fuere, rara admodum in terris nunc spectantur: eo quod neq. eā diuinis promissis, quam oportet, magnam & præstātem adhibemus fidem, neq. diuinis præceptis purè, sincerè atq. studiosè paremus, neq. timore illo Dei sanctissimo penitus imbuti instructique sumus, sed duplici corde atque improbis studiis nobis ipsis & benignitati Dei erga nos desumus: Dei, inquam, <sup>Psal. 7.</sup> qui corda atq. renes scrutatur & inspicit, nosque huius mundi

inanibus & impuris curis, carnisq; deliciis, cupiditatibus, ambitionique deditos videt, atque adulterarum more aduersum legitimos viros infido animo agentes; huiusmodi corda ab amore illo summo sibi maximè debito abalienata aut certè diuisa non amat aut probat. Magna enim, feruentem, simplicem, atq. omnino puram mentem esse eam oportet, quæ huius sponsi admirabile coniugium optat, cupit, & sibi ratum, confirmatumque postulat. quod quidem obseruare & curare quantum expediat, per diuinam sapientiam aperte

**Ecclesi 1.** docemur: Fili mi, ne sis incredulus timori Domini, & ne ac-  
**& 2.** cesseris ad eum duplici corde.  
 „ Væ duplici corde, & labiis sce-  
 „ lestis, & manibus malè facien-  
 „ tibus,

tibus, & peccatori ingredienti “  
 terram duabus viis. Certissimis “  
 etiam & apertissimis Dei ipsius  
 verbis per prophetas pronūtia-  
 tis monemur, vanis huius mūdi  
 rebus, peccatis, turpitudinibus,  
 & vitiis ex animo renuntiare,  
 atque omni studio abalienari.  
 Laua à malitia cor tuum Hie- Hiero. 4.  
 rusalem, vt salua fias: vsquequo “  
 morabuntur in te cogitationes “  
 noxiæ? Quicumq. huiusmodi “  
 instructus ornamentis Deum  
 quæsiuerit; propitium & sui a-  
 mantem inueniet, & beneficē-  
 tissimum experietur. Quæretis Hier. 13.  
 me & inuenietis, cū quæsie- “  
 ritis me in toto corde vestro, & “  
 inueniar à vobis, ait Dominus: “  
 cuius filius etiam dixit: Beati Matth. 5.  
 mundo corde, quoniā ipsi Deū “  
 videbunt. Deū à mundis corde

videndum ait Christus; videndum autem in ipsis habitantē, ex quibus ille templū sibi gratū

Isai. 17. sanctum faciat, s. s. e. Hæc dicit

» Dominus excelsus & sublimis

» habitans æternitatem; & sanctū

» nomē eius; in excelsis & in san-

» cto habitans, & cum cōtrito &

» humili spiritu, ut viuificet spiri-

» tum humilium, & viuificet cor

Psal. 146 Qui sanat contri-

» tos corde, & alligat cōtritiones

» eorum. Commendatissima hæc

in sacris libris, atque gratissima

Deo cordis contritio, vnā cum

cupiditate rerū humanarum, &

huius sæculi ambitione atque

gloria, quæ Deo ingratissima

est, non habitat aut cōmoratur:

neq. quispiam sibi persuadeat

posse vtriq. parti satisfacere aut

placere, Deo videlicet, atque

mundi

mundi huius ambitioni, gloriæ,  
 & consuetudini carnalis huius  
 sapiëntiæ morem gerere. id quod  
 diuus Iacobus apertissimè ob- <sup>Iacobi +</sup>  
 testatus denūtiat: Adulteri ne-  
 scitis, quia amicitia huius mun-  
 di inimica est Dei? Quicumq.  
 ergo voluerit amicus esse sæculi  
 huius, inimicus Dei cōstituitur.  
 An putatis quòd inaniter dicat  
 scriptura: Ad inuidiam cōcupi-  
 scit spiritus qui habitat in vo-  
 bis? Quamobrem diligētissimè  
 & studiosissimè à D. Ioanne A-  
 postolo moneimur, ne vanis ar-  
 gumentis, aut inani aliqua spe  
 opinionéve delusi, mūdi huius  
 amorem retineamus, sed repu-  
 diemus omnino, si Deo, quem  
 amare debemus, in nostram sa-  
 lutem velimus probari. Nolite <sup>1. Ioan. 2</sup>  
 diligere mundum, neq. ea quæ

„ in mundo sunt. Si quis diligit  
„ mundū, nō est charitas patris in  
„ eo. Quoniam omne quod est  
„ in mundo, concupiscētia carnis  
„ est, & concupiscētia oculorum,  
„ & superbia vitæ; quæ non est ex  
„ patre, sed ex mundo est. Et mū-  
„ dus trāsīt & cōcupiscentia eius.  
„ qui autē facit voluntatem Dei,  
manet in æternū. Quibus om-  
nibus diuinis sentētiis discimus  
& intelligimus, eos, qui summo  
studio à morum vitæ atque car-  
nis corruptela & turpitudine  
non discesserint, atq. omni cu-  
ra & contentione, quæ fugiēda  
sunt, non fugerint, vnà cum a-  
ctis, operibus & oblationibus  
suis, Deo purissimo & simplicis-  
simo ingratos atq. adeò inimi-  
cos esse, asserente etiam hoc di-  
uina sapientia, atque ideò mo-  
nente,

nente, ne bonorum operū fru-  
 ctū nostro vitio & culpa amit-  
 tamus. Impiorum quippe victi-  
 mæ abominabiles Domino; &  
 immolantis ex iniquo oblatio,  
 est maculata, & non sunt bene-  
 placitæ subsannationes iniusto-  
 rum. Dominus solus sustinenti-  
 bus se in via veritatis & iustitię.  
 Dona iniquorū non probat al-  
 tissimus, nec respicit in oblatio-  
 nes iniquorum, nec in multitu-  
 dine sacrificiorū ipsorum pro-  
 pitius peccatis: cuius rei  
 obtestationem manifestā apud  
 prophetam legimus, aduersus  
 eos factam qui peruersis actio-  
 nibus & factis publicis & priua-  
 tis sacrificia à se frequētata cō-  
 taminabant, Deoq. ipsi veluti  
 inuisā reddebant. Ne offeratis  
 ultra sacrificium frustra; incen-

Prouer.

19.

Eccli. 34.

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

„ sum abominatio est mihi, neo-  
„ meniam & sabbatum, & festi-  
„ uitates alias non feram: iniqui  
„ sunt cœtus vestri. calendas ve-  
„ stras, & solennitates vestras odi-  
„ uit anima mea; facta sunt mihi  
„ molesta: laboravi sustinens, &  
„ cùm extēderitis manus vestras,  
„ auertam oculos meos à vobis;  
„ & cùm multiplicaueritis ora-  
„ tionem, nō exaudiam: manus e-  
„ nim vestrę sanguine plenę sunt.  
„ Lauamini, mundi estote, aufer-  
„ te malum cogitationum vestra-  
„ rū ab oculis meis; quiescite per-  
„ uersè agere, discite bene facere,  
„ quærite iudiciū, subuenite op-  
„ presso, iudicate pupillo, defen-  
„ dite viduā; & venite & arguite  
„ me, dicit Dominus. Si fuerint  
„ peccata vëstra vt coccinū, quasi  
„ nix dealbabuntur; & si fuerint  
„ rubra



rubra sicut vermiculus , velut “  
 lana alba erunt. Si volueritis , “  
 & audieritis me , bona terræ “  
 comedetis . Quòd si nolueri- “  
 tis , & me ad iracundiam pro- “  
 uocaueritis , gladius deuorabit “  
 vos , quia os Domini loquu- “  
 tum est. Hæc Dei obtestatio  
 est promissis & minis constans  
 vtrisque certissimis aduersus  
 eos vel qui obtemperarint, vel  
 qui obtemperare noluerint :  
 quamobrem ab eodem hu-  
 ius obtestationis auctore spiri-  
 tu inuitamur & excitamur ad  
 salubrem illam alteram par-  
 tem promissorum & miseri-  
 cordiæ certis & iam sæpiùs re-  
 petitis rationibus petendam &  
 quærendam. Derelinquat im-  
 pius viam suam, & vir iniquus “  
 cogitationes suas , & reuerta- “

tur

” tur ad Dominum , & misere-  
” bitur ei ; & ad Deum no-  
” strum , quoniam multus est ad  
” ignoscendum. Igitur cum mul-  
tis & variis, iisdemque manife-  
stissimis vtriusque testamenti  
sententiis, responsis ac testimo-  
niis ostensum nobis fuerit, tria  
hæc capita , videlicet Timo-  
rem Domini , Pœnitentiam ,  
& Charitatem fraternam, pia-  
rum omnium actionum se-  
cundum fidem instar purissi-  
morum quorundam fontium  
Deo esse gratissima, & quæ ex  
diuina benignitate plurimum  
conferant , non tantum ad  
declinandam atque euitandam  
Dei iram & indignationem, ve-  
rùm etiam ad inueniendâ gra-  
tiam atque misericordiam: at-  
que adedò quoque necessaria  
ad

ad salutem , vt sine his Deo placere non possimus, nec obtinere Dei promissa ad immortalitatem nostram, atque cælestem hereditatem nobis Iesu Christi morte ac resurrectione partam pertinentia. cumque ex diuinæ liberalitatis pacto ac fœdere fidelibus cunctis constet, harum trium rerum studio, atque diligenti puroque cultu, illius obligationis & promissionis, quam Deus ipse ultro ac benignissimè in salutem nostram proposuit, suam vnicuique partem contingere posse; Christiano, ardentisque charitatis studio atque animo permotus, officij mei esse duxi, nō modò his quæ protulimus, sed omnibus à diuino spiritu pronuntiatis, & in sacrorum librorum

rum

rum thesauro repositis oraculis, sententiis, consiliis, præceptis, monitis & hortamentis condiscipulos omnes meos monere, hortari & exhortari ad pietatis negotium studiosissimè in- eundum, diligentissimeque efficiendum harum trium probatissimarum partium, Timoris diuini, Poenitentiae, atque Charitatis assidua atque constanti exercitatione. Nemo enim mittens manum suam ad aratrum, & aspiciens retro, aptus est regno Dei; sed  
 ” qui perseuerauerit vsque in  
 ” finem, hic saluus erit. Hæc autem vt rectè sancteque agantur, carnales omnes affectiones, quæ aduersus animam militant, exuere expedierit; cas inquam quæ gratiæ aduersantur

Luc. 9.  
 Matth.  
 10. & 24

fantur diuinæ, amorisq̃ue illius  
 effectus retardant atque deti-  
 nent, quo sic Deus dilexit <sup>Ioan. 3.</sup>  
 mundum, vt filium suum vni-  
 genitum daret, vt omnis qui  
 credit in eum, non pereat,  
 sed habeat vitam æternam. Si  
 quis ergo emundauerit se ab  
 istis, erit vas in honorem san-  
 ctificatum & vtile Domino,  
 ad omne opus bonum para-  
 tum. Idemq̃ue diuinæ gra-  
 tiæ beneficiis auctus, in hac  
 etiam vita incipiet sentire &  
 gustare, quàm suauis est Do-  
 minus diligentibus & colen-  
 tibus ipsum. Igitur vt de-  
 cantati à nobis Dictati in sum-  
 mam redigatur oratio, breui  
 testimonio Dei verbis confir-  
 mato, Prophetarum oraculis  
 exposito, Apostolorum sen-  
 ten-

1. Tim. 2

Psal. 33.

tentiis, omnibusque sacris scriptis cōprobato asserimus; Tria hæc pietatis capita omnibus omnium ordinum & conditionum Christianis apprimè utilia, immò etiam necessaria ad salutem animarum obtinendam, regnumque cælorum possidendum: atque hanc esse communem cunctis normam, regulam, & viam viuendi ex diuini consilij sententiis, præceptis, & institutis; capita verò illa esse iam sæpius commemorata, Dei timorem, pœnitentiam, & charitatem, siue dilectionem fraternam; quæ cuncti in vniuersum; qui Christianæ disciplinæ studium & nomen profite-mur; non tantum cognoscere ac tenere, sed rectè exercere  
atque

atque exequi debemus, præeunte, & adiuuante diuina gratia, quam nemini purè postulanti negari aut subduci iam ostēdimus; atque ipse præceptor noster apertè confirmauit: Ego autem dico Luc. 11. vobis; Petite, & dabitur vobis: quærite, & inuenietis: pulsate, & aperietur vobis: omnis enim qui petit, accipit; & qui quærit, inuenit: & pulsanti aperietur. Quis autem ex vobis patrem petit panem; nunquid lapidem dabit illi? aut piscem, nunquid pro pisce serpentem dabit illi? aut si petierit ouum, nunquid porriget illi scorpionem? si ergo vos cum sitis mali, nostis bona data dare filiis vestris, quanto magis pater vester de cælo, dabit spiritum bonum petentibus se?

Disati  
usus &  
exercita-  
tio.

Illud etiam verè testamur, atq;

N

ex

ex sacrorum librorū lectione obseruatum pronuntiamus, & exponimus omnem morum & actionum atque exemplorum corruptelam, peruersitatem, & malignitatem, quæ in omni hominū genere in terris deprehēditur, ex harum trium Christianæ disciplinæ partium defectu proficisci, quæ pietatis exercēdæ quædam veluti principia prima esse ostendebamus, nulli Christianorū ignota, qui rationis cōpos fuerit. omnibus enim Christianis vel ex illa diuina luce cūctis per Deum adhibita & adhærente, atque ex similitudine imaginēq; Dei in ipsis impressa, etiam indoctis, & legem scriptam ignorantibus tria hæc principia, timor videlicet Dei, pœnitentiæ, & dilectionis fraternæ necessitas, manifesta sunt, quāquam,



quam, vti diximus, tot diuinę scri-  
pturę oraculis & sententiis com-  
probata & confirmata illis non  
sint: quod fortassis ipsorum culpa  
euenit, qui nihil minus curāt aut  
cogitāt quàm ea seriò doceri quę  
ad animorum suorum salutē fa-  
ciunt & conferunt, atque cū hęc  
negligenter vel perfunctoriē tra-  
ctant, ea quę his opposita sunt,  
diligenter & cognoscere & agere  
atque exequi student. Sed quan-  
quam omnino legem vel nō edo-  
cti fuerint, vel edoceri neglexe-  
rint, ipsi tamen sibi sunt lex, qui <sup>Rom. 2.</sup>  
ostendunt opus legis scriptum in  
cordibus suis, testimonium red-  
dente illis, conscientia ipsorum, et  
inter se inuicem cogitationū ac-  
cusantium, aut etiam defenden-  
tium. Quòd si tria hęc Christia-  
næ vitę instituendę capita & pro-

bè à singulis tenerentur & studiosè colerentur; aliam profectò experiremur diuinę in nobis gratiæ efficiētiam, aliam sentiremus animorum iucunditatem, aliā etiā fidei testimonia; aliæ probationes tum in priuatis tum in publicis rebus extarent & viferētur; neque tam multis, tamq; manifestis ac detestandis vitiorum atque criminum exemplis ciuitates, oppida, pagi, atque cætera Christianorum collegia plena viferentur, nec tam frequentibus & assiduis flagitiorum atque scelestorum monstris feruerent: quorum genus in primis est diuinarum legum violatio & contemptio: formæ verò contentiones cruentæ, inimicitia, odia, inuidia, simulationes, calumnia, doli, fraudes, iracundæ & perpetuæ dissensiones,

nes, direptiones, furta, grassationes, extorsiones & pauperiorum defraudationes, iniuriarum præterea & violentiæ innumerabiles artes, lenocinia, adulteria, stupra, incestus, scortationes, ac nefandæ aliæ abominationes. nō abundarent ebrietatibus, deliciisque vitiosis, & corruptissima luxurie tot in Christiano orbe loca; neq; tanti essent fastus, tot immodici & inutiles sumptus, tantus superbię furor, aliorumq; peccatorum infinitus numerus, & turpitudinū flagitiosa monstra. Quin potius his tribus, timoris, pœnitentiæ, atque charitatis capitibus propositis, omnis Christiani hominis actio rectè institueretur. singulorum cura esset primùm timere & cauere, ne in Dei viuētis manus incideretur: deinde vt illius in sin-

gulos misericordia conciliaretur,  
atque ita vnusquisque ea diligen-  
ter prestare studeret quę in sacro-  
sancto baptismi sacramento pol-  
licitus est, fœdere sancito coram  
mortali quidem sacerdote, tamẽ  
cum immortali Deo iustissimo  
iudice, exercituumque principe,  
scelerum ultore constantissimo,  
*¶ fatm. f.* qui non Deus volens iniquitatem  
„ est, neque habitabit iuxta illum  
„ malignus, neque permanebũt in-  
„ iusti ante oculos eius. Qui odit  
„ omnes qui operatur iniquitatem,  
„ perdet omnes qui loquuntur mē-  
„ daciũ, & virum sanguinum ac  
„ dolosum abominatur; cuius pro-  
„ missionis summa fuit, satanę om-  
„ nibusq; satanę operibus, ac pom-  
pis omnibus renuntiare, & vitam  
ex eius cui se filium adscribi vo-  
luit, legibus & voluntate institue-  
re; at-

re; atque ita diuino timore imbutus, vitæ correctionis per pœnitentiam studio incensus, & fraternæ dilectione affectus vnusquisque non tantum ad priuatæ ac singularis, verum etiam ad communis pacis, fidei, iustitiæ, æquitatis, honestatis, misericordiæ ac modestiæ, denique ad publicæ etiâ sanctitudinis structuram operas suas conferret; officiumque diligenter faceret, mercedem suam ab eo, quem impossibile est mentiri, recepturus.

*DE SINGVLIS ORDINUM ac personarum partibus, & officiis ad dictatum examinandis.*

IAM verò si pietatis atque religionis mundæ & immaculatæ <sup>PARS V. IAC. I.</sup> apud Deum patrem, tria hæc ab

omnibus obseruarentur capita,  
multa passim huius exercitatio-  
nis & pulcherrima spectarentur  
exempla, quorū summa illa est,  
visitare pupillos & viduas in tri-  
bulatione eorū, & immaculatū  
se præbere ab hoc sæculo; atq; ex  
his actionum omniū veluti fon-  
tibus, hoc est ex Dei timore, pœ-  
nitentiæ studio, & charitatis cura  
singulorum ordinum ac persona-  
rum omnium officia facilè ac re-  
ctè constarent; totum Christianæ  
reipub. corpus à planta pedis vsq.  
ad caput rectius, quàm nūc vide-  
mus, valeret, & per singula mem-  
bra suis muneribus & commodi-  
tatibus egregiè fungeretur; nihil-  
que profecto laboris, nihil discor-  
diæ inter varios hominum ordi-  
nes, sed verè ac mutuè commodi-  
tatis plurimus vsus esset: nō enim  
ordi-

ordinum aut ministeriorum aut munerum varietas in Christiano populo improbatur, immò maxime commendatur & probatur, vtilitatisq; plurimum habere cognoscitur, vbi ex Dei præceptis et institutis instructa exercitaq; fuerit. Namque, vt Paulus admonet, 1 Cor. 12  
 corpus nō est vnum membrum, “  
 sed multa. Si dixerit pes, quoniam “  
 non sum manus, non sum de cor- “  
 pore; num ideò non est de corpo- “  
 re? & si dixerit auris, quoniam nō “  
 sum oculus, non sum de corpore; “  
 num ideò non est de corpore? Si “  
 totum corpus oculus, vbi audi- “  
 tū? si totum auditus, vbi odora- “  
 tus? Nunc autem posuit Deus “  
 membra, vnumquodq; eorum in “  
 corpore sicut voluit. & paulò post “  
 subiungit: Vt non sit schisma in “  
 corpore, sed id ipsum pro inuicem “

„sollicita sint membra. Et si quid  
 „patitur vnum membrum, com-  
 „patiuntur omnia membra: siue  
 „gloriatur vnum membrum, con-  
 „gaudent omnia membra. Vos au-  
 „tem estis corpus Christi, & mem-  
 „bra de membro. Hanc quidē rem  
 vbi singula membra sibi persua-  
 ferint, & timore Domini imbu-  
 ta, pœnitentiq̃ue studio incitata,  
 atque dilectionis fraternæ ardore  
 incensa, suas partes cognouerint;  
 non dubium est, quin & sanctè &  
 diligēter actura expleturaq̃; sint.

Pastori  
 & rectorum of-  
 ficiū.

Atque vt à primis Christianę rei-  
 pub. ordinibus incipiamus, mani-  
 festum est rectorum & governa-  
 torum, atque eorum à quibus cē-  
 teri ducuntur, officium esse, &  
 Dei imprimis honorem, & Chri-  
 stianorum eam quæ ad animos  
 pertinet, salutem, quæq̃; ad cor-  
 pora



pora etiam spectat honestā com-  
 moditatem curare, suamq; mu-  
 neris & sollicitudinis partē, quam  
 vnusquisque suscepit, fideliter  
 ac sedulò exercere: neque otio, se-  
 gnitiei, aut delitiis aut voluptati-  
 bus, luxuiq; vacare: sed nocte at-  
 que die, quamuis esurientes ac si-  
 rientes, quamuis damnis affectos  
 grauibus fui ipsorū periculis sub-  
 itis & aditis, etiam cum vitæ di-  
 scrimine; tamen vti bonos, pro-  
 batos & fideles ministros ac ser-  
 uos decet: & sicut ille probus a-  
 lienī gregis custos de pecoribus in  
 custodiam susceptis à se curatum  
 affirmabat. Viginti annis fui te- Gen. 31.  
 cum, oues tuæ & caprę steriles nō  
 fuerunt; arietes gregis tui non co-  
 medi: nec captum à bestia ostēdi  
 tibi: ego damnum omne redde-  
 bam; quidquid furtim peribat, à  
 me

„ me exigebas : die noctuque æstu  
„ vrebam, & gelu; fugiebatque som-  
nus ab oculis meis, & ille etiam  
optimus pastor non leuiora aut  
minus difficilia sibi subita officia  
significabat. Pascebat seruus tuus  
*1 Reg. 17* „ patris sui gregem, & veniebat leo  
„ vel ursus, & tollebat arietem de  
„ medio gregis, & persequabar eos,  
„ & percutiebam, eruebamque de  
„ ore eorum; & illi consurgebant  
„ aduersum me, & apprehēdebam  
„ mentum eorum, & suffocabam,  
interficiebamque eos. Huiusmo-  
di curam, diligentiam, fidem &  
sedulitatem pro susceptis ouibus  
& capris mutis & brutis animan-  
tibus, ne damnum domino dare-  
tur, sancti illi pastores cum subie-  
rint, quodnam officij genus exhi-  
bere oportuerit eos qui populum  
Domini iacob pascunt, & Israël  
heredi-

hereditatem Dei custodiunt? ut <sup>Psal. 77.</sup>  
 pascant eos in innocentia cordis “  
 sui, & in intellectibus manuum “  
 suarum deducant eos: quos non  
 terreni aut mortalis, sed æterni &  
 immortalis Domini greges esse  
 sciunt, non corruptibilibus auro <sup>1 Pet. 1.</sup>  
 & argento, sed pretioso sanguine “  
 quasi agni immaculati Christi & “  
 incontaminati redēptos. Oportet  
 autem eos non in alienis, verum  
 in ipsis Domini pratis ac pascuis  
 deduci atq. pasci, quæadmodum  
 & Christus ipse curauit, & pasto-  
 ribus, quorum munere hi legiti-  
 mē funguntur, curandū summo  
 studio, non semel, sed iterum at-  
 que tertio commendauit, rogās:  
 Simon Iohannis diligis me plus <sup>Ioh. 1. 21.</sup>  
 his? cui cum ille respondiſſet, etiā “  
 Domine, tu scis quia amo te: dicit “  
 ei, Pisce agnos meos. Dicit ei ite- “  
 rum:

rum: Simon Iohannis, diligis me?  
aienti que etiam Domine, tu scis  
quia amo te, dixit: Pasce agnos  
meos. Dixit que ei tertio: Simon  
Iohannis, amas me? cum que ille  
tertio respondisset: Domine, tu  
omnia scis, tu scis quia amo te: di-  
cit ei, Pasce oves meas: tanto stu-  
dio, tanto que affectu hanc curam  
pastoribus commendavit Chri-  
stus, quam antiqui illi à se reli-  
giosissime suscepta, studiosissime  
adhibitam, fidelissimeq; exerci-  
tam fuisse gloriantur, atque hoc  
2 COR. I. nomine sibi placent. In laboribus  
plurimis, in carceribus abundan-  
tius, in plagis supra modum, in  
mortibus frequenter, à Iudæis  
quingies quadragenas vna mi-  
nus accepi. Ter virgis cæsus sum,  
semel lapidatus sum, ter naufra-  
giū feci, nocte & die in profundū  
maris

maris fui, in itineribus sæpe, periculis fluminũ, periculis latronum, periculis ex genere, periculis ex gētibus, periculis in ciuitate, periculis in solitudine, periculis in mari, periculis in falsis fratribus, in labore & erũna, in vigilijs multis, in fame & siti, in ieiunijs multis, in frigore & nuditate: præter illaque extrinsec⁹ sunt, instātia mea, & quotidiana sollicitudo omniũ Ecclesiarum. Quis infirmatur, & ego non infirmor? quis scandalizatur, & ego nõ vror? Hæc omnia sibi commissarum animarum salutis causa perlata, non solũ gratulabatur Apostolus, sed, vt iam significauimus, vehementer gaudebat his curis & laboribus subeundis Domino suo probari; quã obrem subiunxit, Libenter igitur gloriabor in infirmitatibus meis,

Vt

„ vt inhabitet in me virtus Christi.  
„ propter quod placeo mihi in infirmitatibus, hoc est in contumeliis, in necessitatibus, in persecutionibus, in angustiis pro Christo. Simili animo atq; pari studio ceteri etiam sancti Euangelij ministri acti atque ducti ibant, gaudentes à conspectu concilij, quoniam digni habiti sunt pro nomine Iesu contumeliam pati. Omni autem die non cessabant in templo & circa domos docētes & euāgelizātes Christū Iesum. Huiusmodi studia atq; facta, huiusmodi exempla semper Deus à ministris suis, atq; à pastoribus exigit, cū opus fuerit, edēda. Quando autē opus nō est? quodnam tēpus ministerij strenuē exercendi occasione & commoditate vacat? quia ratione, quōue colore otiosi aut oves negligere

gligere licet? Quòd si nulla sint  
 pericula, si omnia pacata, omnia  
 quieta maximè fuerint; nūquam  
 tamen ea quæ ad animarum salu-  
 tem pertinent, agendi aut occasio  
 aut commoditas deest, nunquam  
 deest facultas Domini gratiæ at-  
 que dilectionis conciliandæ ac si-  
 bi augendæ causâ, atq. etiam hu-  
 iusmodi querelæ & reprehensio-  
 nis vitandæ. Væ pastoribus Israël Ezech. 34  
 qui pascebant semetipsos; nōne  
 greges à pastoribus pascūtur? Lac  
 comedebatis, & lanis operieba-  
 mini, & quod crassum erat occi-  
 debatis; gregem autem meū non  
 pascebatis: quod infirmum fuit  
 non consolidastis, & quod ægrotū  
 non sanastis: quod confractum est  
 non alligastis; & quod abiectum  
 est, non reduxistis; & quod perie-  
 rat non quæstistis: sed cū austeri-  
 tate

„tate imperabatis eis, & cum po-  
„tentia. Et dispersæ sunt oues meæ,  
„eo quòd non esset pastor, & factæ  
„sunt in deuorationem omnium  
„bestiarum agri, & dispersæ sunt.  
„Errauerunt greges mei in cunctis  
„mōtibus, & in vniuerso colle ex-  
„celso, & super omnem faciē terræ  
„dispersi sunt greges mei; & non  
„erat qui requireret, non erat in-  
„quam qui requireret. Propterea  
„pastores audite verbum Domini;  
„vivo ego, dicit Dominus Deus,  
„quia pro eo quòd facti sunt gre-  
„ges mei in sapinam, & oues meæ  
„in deuorationem omniū bestiarū  
„agri, eo quòd non esset pastor; ne-  
„que enim quæsierūt pastores mei  
„gregem meum, sed pascebant pa-  
„stores semetipsos, & greges meos  
„non pascebāt: propterea pastores  
„audite verbum Domini: hæc dicit

Domi-



Dominus Deus. Ecce ego ipse su-  
 per pastores, requiram gregem  
 meum de manu eorum. His que-  
 relis & minis horrendis Domini  
 Dei, similes illæ etiam reprehen-  
 siones sunt à Christo pronuntiatæ  
 aduersus desides, ambitiosos, aua-  
 ros, atque negligentes populi gre-  
 gisque sui ministros & pastores.  
 Væ vobis legisperitis, quia onera-  
 tis homines oneribus quæ porta-  
 re non possunt; & ipsi vno digito  
 vestro non tangitis sarcinas. Væ  
 vobis Scribæ & Pharisei hypocri-  
 tæ, quia similes estis sepulchris  
 dealbatis, quæ à foris parent ho-  
 minibus speciosa, intus verò ple-  
 na sunt ossibus mortuorum &  
 omni spurcitia. Huiusmodi Spiritus  
 sancti reprehensiones & minas  
 qui formidauerint pastores & mi-  
 nistri, negotiis aliis quæ ipsorum

Luc. 11.

66

66

Mat. 23.

66

66

66

66

66

66

66

munus non spectant, vel etiã impediunt, relictis, omni diligentia ac sedulitate in eam curam incumbunt, quam sibi diuinitus madatam commissamque cognouere: neque satis esse ducẽt aliis ecclesiis suas gubernandas tradere, quibus merces diligenter, officium verò leuiter curetur, aut aliis, à quibus pueri nihil aliud quã præcationes memoriter ediscendas doceantur, aliud præterea vel agere vel intelligere per ætatem nondum valentes: Immo ipsimet nullis neque laboribus fatigati, neque periculis territi, neque difficultatibus consternati, Dei gregem inuisere, reuisere, recensere, agnoscere, ad veram & solidam pietatem instituere, omniũ ætatum atque ordinum rationem curamque habere nunquam desinent.

sinent: Gratie quidem munus,  
hoc est, & sudoris laborisque  
plenum, verum domino ipsi gre-  
gum, gratissimum, qui animam  
suam posuit pro ouibus suis: &  
auxilium iis qui rectè ministrare  
studuerint, pollicitus, nunquam  
subducet. Ecce ego, inquit, vo-  
biscum sum vsque ad cōsumma-  
tionem sæculi.

M A G N A verò religione, ma-  
gnoque metu cauere oportet  
vnumquemque, ac sibi prospici-  
cere, ne ad huiusmodi præclara  
ministeria, vel ambitione, vel  
auaritia, vel largitionibus, am-  
bitu, prensationibus, aut aliis  
artibus adductus deprehendatur  
à iusto illo iudice, quem neque  
acta neque humana latent cogi-  
tata, neque quisquam hoc sua  
voluntate, opera, atque indu-

stria petere aut postulare, neque nisi legitimè electus adire, imò neque etiam suscipere tutò possit, qui virtutibus atque artibus iis instructus non fuerit; quas à Spiritu sancto descriptas & expressas legere & cognoscere est.

**Tit. 1.** Oportet enim episcopum sine  
 ” crimine esse, sicut Dei dispensa-  
 ” torem: non superbum, non ira-  
 ” cundum, non vinolentum, non  
 ” percussorem, non turpis lucri cu-  
 ” pidum: sed hospitalem, beni-  
 ” gnum, sobrium, iustum, sanctum,  
 ” continentem, amplectentē eum  
 ” qui secundum doctrinam est; fi-  
 ” delem sermonem, ut potens sit  
 ” exhortari in doctrina sana, & eos  
 ” qui contradicunt arguere. Hu-  
 iusmodi virtutibus atque artibus  
 instructus pastor ubi contigerit,  
 optimè cum grege agetur, mi-

nus

nus profectò morborum, veterni minus, putridique vlceris multo minus in singulis pecudibus visetur, non tantum erroris, falsitatis, deceptionis, superstitionis deprehendetur. Denique non insueta graues tentabunt pabula foetas, nec mala vicini pecoris contagia lædent. Imò contrà potius quo tempore supremus Dominus gregem suum optimis pastoribus curatum visitabit, & purum & mundum inueniet, ab omni falsa impiaque doctrina alienum, erroribus carentem, vera disciplina solidaque institutione instructum, sanum, pinguem, decoris & honestatis plenum, vtpote veris & saluberrimis diuinæ doctrine pabulis enutritum: quæ res & ipsi imprimis Domino gratissima fue-

rit , & certissimum atque præstantissimum præmium pastori-  
bus comparabit : quale quan-  
tumque suis in Evangelio coad-  
iutoribus sperandum , Aposto-  
lorum primus Petrus propone-

<sup>a Petr. 1.</sup> bat . Seniores ergo quæ in vobis  
 „ sunt obsecro consenior ego & te-  
 „ stis Christi passionum , qui & e-  
 „ ius , quæ in futuro reuelanda est,  
 „ gloriæ communicator : Pascite  
 „ qui in vobis est gregem Dei, pro-  
 „ uidentes, non coactè, sed sponta-  
 „ neè secundum Deum; neque tur-  
 „ pis lucri gratia, sed voluntariè; ne-  
 „ que dominantes in cleris , sed  
 „ formæ facti gregi ex animo ; &  
 „ cùm apparuerit princeps pasto-  
 „ rum , percipietis immarcescibi-  
 „ lem gloriæ coronam.

Ministro-  
rum eccle-  
siasticorū  
singulorū  
officiū.

IN publicis etiam atque pri-  
uatis aliorum prælatorum & præ-  
posito-

positorum atque antistitum, tam clericorum, quos sæculares vocant, quàm monachorum, & monialium, denique omnium huiusmodi ordinum moribus, illa tria, quæ iam exposita sunt, capita si diligenter obseruentur, magnam & apertissimam utilitatem allatura esse non dubitamus ad diuinam gratiam conciliandam, & ad eos qui apud huiusmodi ordines in Ecclesiâ Christiana militant: Vbi enim timor Domini, vbi pœnitentiæ studium, vbi fraternæ charitatis incensa virtus vigent, ibidem neque superbia, neque ambitio, neque odium, neque iniquitas, neque detractio, neque pompa & fastus, neque cætera vitia, quæ aduersus animam atque contra vitæ honestatem bellum gerere

solent, locum habet: quin potius honestas, modestia, æquitas, pax, concordia, clementia, misericordia & continentia, urbanitas, gravitas, atque harum virtutum comites ac sociæ omnes versantur, quæ ex illis tribus capitibus tanquam ex fontibus promanant. Inferiores à superioribus paterno studio atque affectu reguntur, curantur, & corriguntur. Superiores ab inferioribus ac subditis tanquam Iesu redemptoris & communis magistri atque præsidis & Domini ministri, & vicarij, amantur & observantur. Atque ab utrisque illud memoria recolitur, & exemplo ipso explicatur & exercetur. Reges gentium dominantur eorum, & qui potestatem exercent super eos, benefici vocantur: vos autem non sic;

Luc. 22.



fic; sed qui maior est in vobis, fiat  
 sicut iunior: & qui præcessor est,  
 sicut ministrator.

AT QVÆ in his omnibus quæ  
 à nobis dicta sunt, quæque post-  
 hac dicentur, non quid à singulis  
 aut ab omnibus fiat notare, sed  
 quid ab vnoquoque fieri oporteat,  
 admonere & exponere animus  
 nobis est, vti iam in huius Dictati  
 initio prædicebamus. Illud enim  
 perpetuum nobis studium & cō-  
 stans consilium est præter vllius  
 mortalis offensionem quid à no-  
 bis & à fratribus nostris com-  
 munis omnium præceptor Chri-  
 stus, communis omnium & su-  
 premus pater cælestis exigat, cō-  
 memorare.

IAM verò vt singulorum or-  
 dinum officia, quæ significare in-  
 cepimus, vltèrius exponēdo pro-  
 mouea-

Regum,  
 principū  
 & magi-  
 stratuū  
 officia.

moueamus ; quantum tria illa  
summa Dictati nostri capita, ti-  
mor Domini , poenitentia , &  
fraterna dilectio, regibus, princi-  
pibus, & magistratibus ad res ge-  
rendas prudentiæ & sapientiæ ,  
dexteritatisque; ad efficiendas ve-  
rò & absoluendas , felicitatis, at-  
que adeò ad suam ipsorù salutem  
utilitatis afferat, ipsa eorum mu-  
nia atque ministeria declarât. Si-  
quidẽ huiusmodi ministri à Deo  
instituti sunt ; non qui sibi ipsis  
tantum consulant & indulgeant,  
sed qui populis Dei ea prospici-  
ant & curent, atque omni studio  
quærant quęcunque ad veram &  
sanctã pietatis culturã , ad publi-  
cam honestatẽ, ad pacẽ & tran-  
quillitatẽ, ad innocentia & mode-  
stia iuxta diuinę sapiëntię præcepta  
& instituta conferre posse intelli-  
gantur.

gantur : Eos autem qui talia curare & agere studeant, verè principes sese præbere oportet: neque superbix, ambitionis, contentionis, odij, doli, fraudum, auaritiæq; feruos esse, nec præter verũ & honestum quicquam probare, aut quærere, aut admittere; neq. vllius fictionis, simulationis, aut calliditatis humanæ artes exemplæ sequi: neq; priuatarum offensionum, aut etiam suarum cupiditatũ explẽdarum causã auctores esse, direptionum, exspoliatiõũ, atque ruinæ vrbium, ciuitatum & oppidorũ: neq; miseros Christianos nimis impositionibus & exactionibus vexare: sed publicæ æquitatis, innocentix, atque iustitiæ tanquam exemplaria cæteris hominibus sese ostendere; atq; continentix, modestix, pietatisq;

om-

omnis normam priuatis etiam  
ipſorum moribus exhibere ; atq;  
non minus quàm cæteros omnes  
Chriſtianos illi fœderi adſtrictos  
ſeſe exiſtimare quod in ſacroſan-  
cto baptiſmo ſubierint ; neceſſa-  
riamq; illam abrenuntiationem  
ſatanæ pompis & operibus factâ  
diligenter ac ſanctè obſeruare.  
Quæ ſi rectè obſeruentur, neque  
quiſquam aliorum Chriſtianorû  
regna, vrbes, oppida & iura inua-  
det aut occupabit, neque iniuſtè  
occupata retinebit. Atque hoc  
pacto non ipſos tâtum principes,  
ſed cæteros omnes à principibus  
gubernatos Chriſtianos mutua  
echaritas & admirabilis pax in of-  
ficio contineret ; honeſtas eximia  
decoraret ; grauitas & auctoritas  
ornaret ; iuſtitia in populis vige-  
ret, diuini honoris ſtudio omnia  
fer-

feruerent, sanctorumque præceptorum atque institutorum exemplis complerentur: denique sanctissimum illud promissum communibus votis, consiliis, operibus & moribus præstaretur, quod ab omnibus, nullo excepto, Christianis in baptismo factum est. Nam si ipsa simplex & recta ratio regiae atque imperatoriae, principisq; auctoritatis diligenter spectetur, illud manifestum fiet: huiusmodi summas & amplissimas dignitates à Deo propter eam causam institutas, ut qui iis funguntur, sanctarum legum curatores, assertores & vindices, populorumque patres appellentur & sint, iuraque rectissime dent, atq; diuina iudicia aduersus nocētes, legumque transgressores exercent, manifestarios malefactores è medio tollant,

tollant, pauperiores & inopes ab opulentorum & potentiorum atque ditiorum iniusta oppressione, innocentes ab improborum audacia defendât, pupillos atque viduas tueantur: denique omnia totius reipublicæ membra, & prima & postrema, & summa & infima in magna pace atque concordia, in tranquillitate & securitate continere & conservare studeant. Hæc, inquam, verissima causa est: quamobrem regū, principum, summorumque gubernatorum dignitas auctore Deo constat, ex qua consequitur pompæ & fastus, vel deliciarū vsum, libidinosa dominationis facultatem, affectata ambitionis studia, & quæ hinc proficiuntur sumptuosissima rerum & animarum atque capitum dispendia & pericula,

cula, nimiosque subditorum labores & sumptus, & Deo ipsi ingratiſſima, & populis eſſe grauiſſima.

NEQUE verò regum aut principum munus eſſe dicimus tantum, cæteros homines in religione, pietate, honeſtate, atque Dei timore instituendos, continendos & conſeruandos curare, miniſtrosque ſeſe præbere voluntatis diuinæ, & Eccleſiaſticae diſciplinæ; ſed etiam proprium ipſorum, quatenus principes ſunt, officium eſt, diuinam legem cognoscere atque diligenter attendere, obſeruare & colere, Dominiq; timore illo ſancto in omni actione, atque adminiſtratione duci. Quemadmodum ſingulari illo præcepto ſancitum eſt: Poſtquam ſederit rex Deut. 17 in ſolio regni ſui, deſcribet ſibi “ Deuteronomium legis huius in “

P                      volu-

„ volumine , accipiens exemplar à  
 „ sacerdotibus Leuiticæ tribus , &  
 „ habebit secum , legetque illum  
 „ omnibus diebus vitæ suæ , vt di-  
 „ scat timere Dominum Deum  
 „ suum , & custodire verba & sta-  
 „ tuta eius quæ in lege præcepta  
 „ sunt. Neque eleuetur cor eius in  
 „ superbiam super fratres suos, ne-  
 „ que declinet in partem dexteram  
 „ vel sinistram, non habebit vxores  
 „ plurimas quæ alliciant animum  
 „ eius, neque argenti & auri immen-  
 „ sa pondera; ne his rebus fîsus , in  
 „ avaritiam & cupiditatem rapiat-  
 „ ur, quam omnium malorum ra-  
 „ dicem & idolorum seruitutem

Tim. 6. Apostolus esse ait. Non respiciet  
 „ personam in iudicio, neque dona;  
 „ xenia enim & dona excæcant o-  
 „ culos iudicum; atq; in illam hor-  
 „ rendam detestationis sententiam

intru-



intrudant, quæ aduersus eos qui <sup>Deu. 27.</sup>  
iudiciū peruerterint, est pronū-  
ciata: Maledictus qui peruertit  
iudiciū. Cuius execrabilis exēpli  
illi iudices & magistratus dānati  
sunt, de quibus scriptum est: De-  
clinauerunt post auaritiā; acce-  
perunt munera, & peruerterunt  
iudiciū. <sup>1<sup>a</sup> am. 9</sup>

Cū verò fieri omnino ne-  
queat, vt vnus tantū Principis <sup>Magi-  
stratus  
partes.</sup>  
cura, studio & opēra tot regiones,  
vrbes & oppida gubernētur, quot  
in Christiano regno esse contige-  
rit; diuina prouidentia constitutū  
est, vt iudices, magistratus, aliq̃ue  
rerum publicarum ministri assu-  
mantur, quibus illius curæ partes  
demandatæ, creditæ atque susce-  
ptæ, sedulò ac diligenter agātur.  
s. s. e. Iudices & magistros consti-  
tues in omnibus portis tuis quas <sup>Deu. 16.</sup>

„ Dominus Deus tuus dederit tibi  
„ per singulas tribus tuas , vt iudi-  
„ cent populum iusto iudicio , nec  
„ in alteram partem declinēt. Non  
„ accipies personam nec munera,  
„ quia munera excæcant oculos sa-  
„ pientum, & mutant verba iusto-  
„ rum: iustè quod iustum est perfe-  
**Exodi 18** queris. Et alio in loco: Prouide, in-  
„ quit spiritus sanctus, de omni ple-  
„ be viros sapientes , & timentes  
„ Deum , in quibus sit veritas , &  
„ qui oderint auaritiam , & consti-  
„ tue ex eis tribunos & centurio-  
„ nes, & quinquagenarios & deca-  
„ nos, qui iudicent populum omni  
„ tempore , &c. Cuiusmodi viros  
**1 Par. 19.** cùm delegisset Iosaphat , sic ex-  
„ hortatus monebat , Videte quid  
„ faciatis : non enim hominis exer-  
„ cetis iudicium , sed Domini : &  
„ quodcunque iudicaueritis, in vos  
redun-

redundabit . Sit timor Domini<sup>cc</sup>  
 vobiscum, & cū diligentia cuncta<sup>cc</sup>  
 facite . Non est enim apud Do-<sup>cc</sup>  
 minum Deum nostrum iniqui-<sup>cc</sup>  
 tas, nec personarum acceptio, nec<sup>cc</sup>  
 cupido munerum . Sic agetis in<sup>cc</sup>  
 timore Domini fideliter & in cor<sup>cc</sup>  
 de perfecto . Atque hāc rationem  
 ab iis qui Deo probati sunt prin-  
 cipibus & magistratibus obser-  
 uatam fuisse, sacrae nobis testan-  
 tur historiae.

Tanto verò sanctiores oportet  
 esse Christianos principes & ma-  
 gistratus, tātō maiore studio iuris  
 atque æquitatis calere, quāto per-  
 fectius testamentum quā illi an-  
 tiqui sortiti sunt, tū propter ma-  
 nifestam diuinorum præceptorū  
 expositionem à Christo Aposto-  
 lisque Christi editam, tum etiam  
 propter abundantio rem gratiam

huius ætatis cultoribus promissam & paratam. Valde enim alienum ab horum officio est, diuinorum præceptorum obseruantiam atq; sanctitatem vel exemplo vel neglectione violare, atque eos qui diuinam legem perpetuò legere, euoluere, & meditari iubentur, neque ad dexteram neq; ad sinistram à iure ipso declinare permisos, in deliciarum, fastus, ambitionis, atque auaritiæ studiis & inuentionibus perpetuò versari, condereque velle aut obtrudere leges quæ ad ipsorum dominantium libidinem, amplitudinem, cupiditatem, & maiestatem, quam vocât, atque ad varias auctoritatis, præminentiarum, reputationumque appellatas formas quotidie excogitatas magis, quàm ad verum Dei cultum populo-

pulorumque salutem, faciât. Preterea illa vel maxima peruersitas atque Dei iudicio improbatissima est, vt vel principes vel magistratus principe minores, ex ministeriorum publicorum præmiis diuitias patrimoniaque amplissima hæredibus relinquenda comparare sibi velint: & non contēti honesta laborū mercede, hoc est victus modesti vsu, cupiditate agantur nunquam explēda opum atque pecuniæ, vel ex principum donis, vel ex publico ærario corrogandæ, atque in eam rem animum, ingeniū, & neruos omnes intendere, vt domus atq; familiæ propriæ amplificentur, & nomina in terris perpetua relinquantur, longa hæredum posteritate stabi- liēda magis quàm virtutis, innocentia, sanctitatis, & fortitudinis

monumentis & exemplis celebranda.

Samuel Ramatha paruo oppido eodemque montano ortus, ab infantia in tēpli sacris ministeriis exercitatus, à parētibus suis vestimentum singulis annis ex patrimonij nimirū tenuitate habebat. Idem vir adultus & maturus rēpublicam gerendam ex Dei consilio capeffit, & summum in bello imperium, & maximū reipublicę omnis duodecim tribuū populis frequentissimæ, opibus florentissimæ, rerum copia refertissimæ clauum princeps, iudex, gubernatorque; totos fēre quadraginta annos tenuit, laboribus, curis, vigiliis atque perpetuis actionibus, ut si quispiam alius, maximè intentus; neque tamen toto hoc tempore aut patrimonium auxit, aut patriæ

patrię locum exiguum illustriori  
 ciuitate, in sua saltē tribu, muta-  
 uit; vel otio, aut delitiis, aut variis  
 variorū locorum cōmoditatibus  
 voluptatis causa vsus est: sed resti-  
 tuta & recuperata bello omni Is-  
 raëlitarum re, pace per omnē re-  
 gionem composita, ad ius dicen-  
 dum certis conuentibus per oportu-  
 na tempora frequētatis, ne cui-  
 quam vel ciuitati, vel familię, vel  
 homini molestus aut grauis esset,  
 domum ad suam tenuitatem re-  
 dibat, vbi neq; à negotiis vacabat,  
 neque diuini cultus promouendi  
 vllam oportunitatem prætermitt-  
 rebat. S. S. E. Facta est itaq; manus 1 Reg. 7.  
 Domini super Philisthæos cūctis “  
 diebus Samuelis; & redditæ sunt “  
 vrbes quas tulerāt Philisthiim ab “  
 Israël, Israëli, ab Accaron vsque “  
 Geth, & terminos suos, liberauit. “

,, que Israël de manu Philisthino-  
,, rum , eratque pax inter Israël &  
,, Amorrhæum ; iudicabat quoque  
,, Samuel Israëlẽm cunctis diebus  
,, vitæ suæ ; & ibat per singulos an-  
,, nos circuiens Bethel, & Galgala,  
,, & Masphath ; & iudicabat Israëlẽ  
,, in supradictis locis . Reuerteba-  
,, turq̃ ; in Ramatha ; ibi enim erat  
,, domus eius , & ibi iudicabat Is-  
,, raëlem, edificauit etiam ibi altare  
Domino. Huius exẽpli breui de-  
scriptione manifestè nobis spiri-  
tus sanctus indicat quanta diligẽ-  
tia, sedulitate, innocentia, pietate,  
continentia & abstinentia vir ille  
& summum in bello imperiũ &  
principem in pace magistratum  
peregerit . Qui cùm postea abdi-  
catus esset, regi que delecto partes  
suas cõcessisset, neque ditior, neq;  
locupletior, neque familiæ splen-  
dore



dore aut cōmoditate auctior euasit, sed ad eandē in qua natus fuerat conditionem rediit. Abiit autem Samuel in Ramatha, vbi reliquū vitæ tēpus transegit: neq; enim aut palatia, aut magnificas ædes, vel in Ramatha, vel in alio illustriori loco cōstruxerat, neque etiam magnificentissimū sepulchrum morituro sibi parauerat, quo vel apud Hierosolymos, vel apud aliā aliquā ex vrbibus bello receptis titulis exornato famā suā posteritati cōmendaret. Sed mortuus est Samuel, & congregatus est vniuersus Israël, & planxerūt eum, & sepelierūt eum in domo sua in Ramatha.

1 Reg. 29

,,

,,

,,

,,

Nam qui ex magistratuū stipendiis diuites opulentiq; fieri volūt, vel regium vel publicū ærarium exhauriāt necesse est, atq; ea tolerant

lant quæ in alios publicos vsus  
 vtiliùs expenderentur, & hone-  
 stiùs; publico autẽ erario exhausto  
 populũ nouis & grauibus tributis  
 vexari cõsequetur; atq; ita pauco-  
 rum diuitiæ & opes cumulatae  
 multorũ paupertatem & inopiã  
 efficiunt. Quàm verò huiusmodi  
 cupida studia Deũ offendãt, aper-

*Maiz* 5. tẽ declarat propheta. Væ qui con-  
 „ iungitis domũ ad domũ, & agrũ  
 „ agro copulatis vsq; ad terminum  
 „ loci. Nũquid habitabitis vos soli  
 „ in medio terræ? In auribus meis,  
 „ hæc dicit Dñs exercituũ, nisi do-  
 „ mus multæ desertę fuerint, gran-  
 „ des & pulchræ absq; habitatore.

Quod si minus decet Christianũ  
 magistratum ex ministerij sui au-  
 ctioribus stipendiis diuitias sibi cu-  
 mulare, nedũ execrandũ detesta-  
 bileq; apud Deũ sit, ex personarũ

acce-

acceptione, ex iniuria, rapinā, frau-  
 de, muneribus, direptionibus, ca-  
 lumniis ac dolis rem, opes & di-  
 gnitatē augere. Aurū, argētumq;  
 multiplicare reges, principes &  
 magistratus vetat Deus. Quippe  
 auri argentiq; fames ad scelus at-  
 que nefas quodcumq; quos inua-  
 sit, animos impellit: populorū di-  
 reptionibus, grauissimis vectigali-  
 bus, atq; adeò inimicitiiis, bellis &  
 pugnis inter ipsos principes & po-  
 tentiores viros cōmittendis, sub-  
 ditorū cladibus ac necibus, & ab-  
 ominādis aliis sceleribus, quæ per  
 milites patrantur; demū multarū  
 animarū exitio causam affert, sic-  
 ut ipse diuinus spiritus declarat:  
 Vnde bella & lites in vobis? Nōne <sup>Iacob. 4.</sup>  
 hinc, ex cōcupiscentiis vestris quæ  
 militant in mēbris vestris? Cōcu-  
 piscitis, & nō habetis: occiditis, &  
 zelatis,

„zelatis, & nō potestis adipisci: liti-  
„gatis & belligeratis, & nō habetis  
„propter quod nō postulatis: peti-  
„tis, & non accipitis, eo quod malè  
„petatis, vt in concupiscētis vestris  
insumatis. Dumq; hoc modo in-  
ter eos qui fidē profitētur & pieta-  
tē colere se existimāt, res gerūtur:  
Christiana respub. & pietas vera  
atteritur, & imminuitur; barbara  
& impia hostiū Christi imperia &  
regna augētur & crescunt, hēreses  
& perditissimarū sectarū errores  
indies magis pullulant & inuale-  
scunt. Summū & illustre castita-  
tis & continentiae exemplum in  
suis Deus principibus statuit: Nō  
habebit, inquiēs, vxores plurimas,  
quæ alliciant animū eius. Hoc Is-  
raēlitici illius populi antiquis re-  
gibus non licuit: licebit nē ergo  
Christianis principibus earū fœ-  
mina-

minarum quas vitiauerint, violauerint, honore & fama priuauerint, atq; ad turpitudinē & viriū pellexerint, earū etiā quas ad idē scelus vel animo & voto concipiendum turpi exemplo induxerint, nescire numerū? vetitum est diuino præcepto regibus ac principibus Deo probandis cor in superbia super fratres suos tollere. immane ergo nefas fuerit erga subditos Christianos inhumanitate, superbia; ambitione, fastu, arrogantia, insolentia, crudelitate ac tyrannide vti, perindeque ipsis abuti atq; seruis barbarissimis ere proprio ad voluptatum, libidinū, deliciarum, luxus & fastus cōmoditatem & facultatem cōemptis. vetat Deus quemquā principatū, summamq; rerū aut ambire, aut sibi arrogare, aut alia ratione querere;

rere; neq; quemquam populi sui  
Dominum esse vult, præter eos  
quos vel gratia auctoritateq; sua  
delectos, vel iusto hæreditatis iure  
declaratos esse cõstet. Quamob-  
rem minimè licere affirmamus  
cuiquã Christiano & Dei iudiciũ  
metuenti, atq; discipulũ professo  
homini, vel gratia & populari ca-  
ptatione ac prensatione, vel vi,  
fraude, dolo, vel precio & mune-  
ribus aut promissis aliorũ princi-  
pum loca vel iura inuadere, oc-  
cupare, aut occupata iniuste reti-  
nere. Barbarũ enim & inhumana-  
tum, atque à Christiana doctrina  
prorsus alienum hoc est, genti-  
liumq; tyrannorum atq; peruer-  
forum infideliũ instar habet, po-  
tentissimisq; tormẽtis & grauissi-  
mis obnoxiũ iudicium expectat.

Iam verò cùm regũ atq; prin-  
cipum

cipum coadiutores ministros ex  
 optimis & maximè idoneis, atq;  
 ab avaritia ambitioneque procul  
 remotis deligi Deus iubeat; per-  
 uerſi apud Christianos moris fue-  
 rit, ſi ad Eccleſiaſtica & laica mi-  
 niſteria obeunda ij conſtituantur  
 qui vel ambitu vel largitionibus  
 vel arrogantia & oſtètationibus,  
 vel aliis huiusmodi artibus ad  
 munia obeunda ſeſe ingeſſerint;  
 atq; illud etiam longè peſſimum  
 iudicabitur, ſi gratia tantù princi-  
 pum, præter omnè dignitatem &  
 facultatē, aut aliorù minorù  
 mercedis nomine, aut prece aut  
 precio aut fœminarù commen-  
 datione aut alia rerù humanarù  
 ratione, indigni aliàs vel minus  
 idonei, vel etiam impuri, auari, &  
 ambitioſi magiſtratum aſſequā-  
 tur. Quòd ſi principes & magi-

Q

ſtratus

stratus omnes quotquot in repub.  
versantur, tribus illis Christiani  
dictati capitibus instructi suis  
muneribus atq; ministeriis præ-  
standis diligētia ac sedulo officio  
vacauerint; nullā profectò occa-  
sionē iuris ac iudicij summa inte-  
gritate exercendi prætermittent,  
nullum petulantia, inobediētia,  
licentia, proteruia, atq; turpitu-  
dini improborū ac sceleratorum  
hominū, in ciuitatibus, nullū in  
pagis, nullum etiā in agris & soli-  
tudinibus locū relinquet: ex quo  
illud eueniet, vt Christianorū re-  
gna, regiones, vrbes & oppida de-  
litijs, voluptatibus, luxuriæ tur-  
pissimis exēplis; fastu, violentia,  
fraude, atque aliis sceleribus flagi-  
tiisq; brutalibus, deniq; diuinarū  
legum neglectione & contēptio-  
ne minimē flagrent, neq; illarum  
cui-



ciuitatum instar habeant quas ob  
 iniustitiã in reprobũ sensum da-  
 tas esse Paulus ait; neq. apud Deũ  
 Sodomis & Gomorris deteriora  
 iudicẽtur, neq; notam illam sub-  
 eant, quã iis qui iudicia neglexe-  
 rant, propheta apposuit. Omnes <sup>Jerem. 7.</sup>  
 adulteri & cetus præuaricatorum  
 à minimo vsq; ad maximum; om-  
 nes auaritiã sequuntur, & à pro-  
 pheta vsq; ad sacerdotẽ cuncti fa-  
 ciunt mendaciũ, & extenderunt  
 linguã suam quasi arcũ mendacij  
 & non veritatis; cõfortati sunt in  
 terra, quia de malo ad malum e-  
 gressi sunt, & ore nõ cognouerũt,  
 dicit Dominus; vnusquisque se à  
 proximo suo custodiat, & in om-  
 ni fratre suo nõ habeat fiduciam,  
 quia omnis frater supplantãs sup-  
 plantabit, & omnis amicus frau-  
 dulenter incedet, & vir fratrem

„ suum deridebit, & veritatem non  
„ loquetur; docuerunt enim linguā  
„ suam loqui mendaciū, vt iniquē  
„ agerent, laborauerūt. Hæc omnia  
eueniunt vbi timoris diuini, pie-  
tatis veræ, ac sanctæ iustitiæ & iu-  
diciij ratio à principibus & magi-  
stratibus negligitur: ex quo malo  
furta, latrocinia, homicidia, adul-  
teria, scortationes, blasphemix;  
periuria, vsuræ, disciplinæ paternæ  
contemptio, & irreuerētia aduer-  
sum superiores, diuinorū deniq;  
præceptorū obliuio vel neglectio,  
ceteraq; vitiorum ac flagitiorum  
horrenda mōstra oriuntur & ex-  
istūt; quorū exempla præter æter-  
num exitium, in quod præcipites  
homines rapiuntur, in causa sunt,  
vt Christus, Christi q; purissima  
ac sanctissima religio à barbaris  
infidelibusq; nationibus, atque à  
perfidis

perfidis Iudæis non solū contem-  
ptui ac despectioni habeatur, sed  
crebris probris & maledictis im-  
petatur, videntibus nimirum ac  
notantibus illis Christianorū ci-  
uitates & resp. homicidis, fœne-  
ratoribus, vsurariis, dolosis, infi-  
diatoribus, calumniatoribus, la-  
tronibus, furibus, fraudulētis, le-  
nonibus, meretricibus, scortis, a-  
dulteris, aliisq; nefandis flagitiis  
plenas, odio, inuidia, suspicione,  
offensioneq; refertas, pacis ac sin-  
ceræ fidei vsu carētes: deniq; om-  
ni iniuria & carnali licentia, om-  
niq; fraudis & calliditatis com-  
mento feruētes. Quæ omnia sce-  
lera ac vitia illinc exulant, vbi de-  
coris & honesti Christiani, vbi di-  
uinorum præceptorū studium &  
cura apud principes & magistra-  
tus viget, vbi iniuriæ, facinora, ylti-

Q 3

tiones,

tiones, contentiones non ad fortitudinē aut splendorē aut celebritatem familiarū vel personarū, sed ad summum dedecus opprobriumq; referūtur; vbi plausibus magnis sola virtus excipitur: crudelitas verò & iniuria, immodestia, inhumanitas, superbia & arrogantia explodūtur. Fieri autem non potest in iis locis quibus qui præsunt diligenter consulunt & prospiciūt; exemplumq; sui ipsorum præbēt inculpatū, vt homicidæ, fures, latrones, blasphemī, adulteri publici, periuri, lenones, vsurarij, fraudulentī, auari, nocētes, venefici, diuinatores, incantatores, aliive quouis modo diuinarum legum contemptores transgressoresve maneant, & regnent; quin omnes iuxta diuinorum iudiciorum præscriptū, quo ad fieri potest,

potest, tollantur, vel eiiciatur, non modò ne suis maleficiis & sceleribus alios lædant, sed ne rempublicam omnẽ atq; iuuetutem imprimis turpi consuetudine corrumpentes in similia scelera impellat, discipulosq; magistris ipsis deteriores producant. Quoniã dociles imitandis turpibus ac prauis omnes sumus, & vt diuinum oraculũ ait; Sensus & cogitatio humani cordis in malum prona sunt ab adolescentia sua. Gen. 8.  
" "  
" "

Neq; verò vlla ratio patietur, si timor Dõmini, poenitentia, & fraterna dilectio, ita vt oportet in principibus vigeant, vt, qui diuinarum legum & sanctionum auctoritate à Christiano prorsus imperio expellendi essent, manifestarij malefactores, & rerum publicarum turbatores, atq; innocen-

tium simpliciumq; læsōres & corruptores, vel in propriis regionibus & patriis viuere permittantur, vel ab aliis etiam principibus excipiantur, foueantur, ac defendantur; aut saluis conductis priuilegiisve muniantur. demū non alantur in pernitiem eorū principum & magistratuū, vel à quibus aufugerint, vel à quibus recepti fuerint; atq; ita maior legū reuerentia, minor licētia, minor petulātia, rarior temeritas inter Christianos notaretur.

Neq; enim diuina iustitia diuisa est; neq; maleficus, aut impurus, aut perditus quispiā vsquam terrarū translatus Deo placet aut probatur; neq; bonis & piis principibus placere aut admitti ad consilia, acta aut facta quęcunque debet. Scriptum est enim: Quo-  
niam

niam non Deus volens iniquitatē <sup>Psalm. 3.</sup>  
 rures; neq; habitabit iuxta te ma-  
 lignus, neq; permanebunt iniusti  
 ante oculos tuos. Odisti omnes  
 qui operantur iniquitatē; perdes  
 omnes qui loquuntur mendaciū.  
 Virum sanguinum & dolosum a-  
 bominabitur Dominus. Huiusmo-  
 di verò Dei iudiciū & consilium  
 eos principes sequi debere qui  
 Domino ipsi omniumq; principi  
 probari cupiunt & student, illa  
 sacra optimi principis professio  
 manifestè docet. Perambulabā in <sup>Psalm. 106.</sup>  
 innocentia cordis mei, in medio  
 domus meæ. Nō proponebā ante  
 oculos meos rem iniustā: faciētes  
 prevaricationes odiui. Nō adhēsit  
 mihi cor prauū, declinantē à me  
 malignū non cognoscebam. De-  
 trahentem secretò proximo suo,  
 hūc persequabar. Superbo oculo,

Q

&amp; in-

„ & infatiabili corde, cum hoc non  
„ edebā. Oculi mei ad fideles terre,  
„ vt ſedeant mecū: ambulans in via  
„ immaculata, hic mihi ministra-  
„ bat. Non habitabit in medio do-  
„ mus mee qui facit ſuperbiam; qui  
„ loquitur iniqua, non direxit in cō  
„ ſpectu oculorum meorū. In ma-  
„ tutino interficiebā omnes pecca-  
„ tores terræ, vt diſperderē de ciui-  
„ tate Domini omnes operātes ini-  
„ quitatē. Vna quippe atq; ſimplex  
„ diuinæ iuſtitix auctoritas, eadēq;  
„ perpetua eſt: cuius vnā candemq;  
„ à principibus omnibus Chriſtia-  
„ nis rationē haberi oportuerit: ne-  
„ que vt diuiſam exiſtimari aut ex-  
„ erceri fas eſt, ſed ſimplicem inte-  
„ gramq; obſeruari, & ad cōmunis  
„ omnium imperatoris voluntatē,  
„ normam & præſcriptionē referri:  
„ qui cū in populo ſuo perſugij  
vrbes



vrbes siue aſyla conſtituiſſet, qui-  
 bus ij qui non ex malitia aut in-  
 ueterato vel confirmato odio de-  
 liberatõe conſilio quemquã oc-  
 cidiffent, euadere ultionẽ poſſent;  
 de ceteris, qui certo animo & pro-  
 poſito ſcelus ſuſcepiſſent, ita ſta-  
 tuit. Si quis autẽ odio habẽs pro-  
 ximum ſuũ inſidiatus fuerit vitæ Deu. 19. “  
 eius, ſurgensq; percufferit illũ, & “  
 mortuus fuerit, fugeritq; ad vnã “  
 de ſupradictis vrbibus, mittet ſe- “  
 niores ciuitatis illius, & arripiant “  
 eum de loco effugij, tradetq; in “  
 manu proximi, cuius ſanguis ef- “  
 fuſus eſt, & morietur. Non miſce- “  
 reberis eius, & auferes noxiũ ſan- “  
 guinem de Iſraël, vt bene ſit tibi. “  
 Idemq; iudicium eſſe exerceriq; “  
 iubet aduerſus latrones, fraudu- Deu. 17.  
 lentos, prædones, raptores, adulte- 19. 21.  
 ros, ceterosq; manifeſtarios male- & 24.  
 facto-

factores, & iustitię, veritatis atque honestatis violatores publicos, quos omnes sublato vult, vt auferatur malũ de medio Israël; atq; in singulorum sententiis addit: & auferes malum de medio tui.

Eadem verò Christiana disciplina eũ cæteros rerum publicarũ ministros, iudices, aduocatos, notarios, scribas, procuratores, aliosque magistratuũ & iudiciorũ ad ministros religiosẽ imbutos ad Dei timorẽ, ad pœnitentiam, fraternamq; dilectionẽ instruxerit: ex fraude, dolo, captione, calũnia, malitiosa iuris interpretatione, & causarum protractione, discordiæ & litiũ inuentione, superuacanea actorum adinuentione, falsa innocentum delatione, vel nocentum iniusta defensione quicquã agere, aut sibi parare non permittet.

Quippe

Quippe doctrina hæc omnē fa-  
 ctum, luxum & superbiam, am-  
 bitionemq; omnē, omnia deniq;  
 vitia etiā ex rebus innocēter par-  
 tis nutrita & fota damnat, nedū  
 eadem seuerissimè condēnet, vbi  
 ex Christianorum fratrū sudore  
 & sanguine ali, nutriri amplifica-  
 riq; deprchēderit, fraudibus, astu-  
 tiis, & ingeniis callidioribus ac-  
 quisita & cōparata, quęq; peruer-  
 sitatē & iniquitatē illam superēt,  
 de qua Deus grauissimè apud  
 prophetā cōquestus & cōminatus  
 ait. Inuenti sunt in populo meo Jerem.  
 impij, insidiantes, quasi aucupes,  
 laqueos ponentes & pedicas ad  
 capiendos viros. Sicut decipula  
 plena auibus, sic domus eorū ple-  
 na dolo: ideò magnificati sunt, &  
 ditati, [nimirum ex alieno labore  
 & malo] incrassati sunt & impin-  
 guati;

„gnati; & præterierunt sermones  
„meos pessimè. Causam viduæ nõ  
„iudicauerunt, causam pupilli non  
„direxerunt, & iudiciũ pauperum  
„non iudicauerunt. Nũquid super  
„his non visitabo, dicit Dominus,  
„aut super gentẽ huiusmodi non  
„vltiscetur anima mea? His omni-  
bus criminibus longè abesse oportet  
cos re. umpublicarũ ministros  
qui salutis suæ prospicientes, piẽ  
atq; iustè, innocenterq; vivere in-  
stituerint; omni rursus consilio,  
omniq; studio curare vt publicis  
tum cum priuatis singulorum re-  
bus quã iustissimè, modestissimè;  
æquissimeque agatur; cauereq; ne  
quid vel à potentioribus, vel à di-  
tioribus, vel à callidioribus aduer-  
sus tennes, inopes, atq; simplici-  
ores mali aut dani iniustè paretur,  
cũ manifestũ sit hoc à Domino  
dili-

diligētissimè & studiosissimè fuisse illis commendatū. Quērite iudiciū, subuenite oppresso, iudicate pupillo, defendite viduam.

Iam verò ij qui diuitiis opibusq; valēt aut valere studēt, si promissi à se in sacro baptismo suscepti, & iureiurādo apud Deū cōfirmati memores esse, sanctitatēq; colere suæ salutis causa cupierint, atq; trium repetitorū capitū summā tenentes exercere & præstare voluerint, quanto aliter vel diuitiis opibusq; comparandis operā daturi vel insumendis & expendendis vsuri sint quàm vulgus diuitū opulētorumq; solet; manifestum est ex præceptoris nostri disciplina tribus illis capitibus contenta. Si quidē timor Domini, poenitētiæ studium, fraterna Christianorum dilectio, neq; iniustū, neq; auarū,

Diuitum  
officiū.

aut

aut infatiabilem diuitiarũ appetitum, neq; vanum & superuacaneũ, aut ambitiosum, aut priuatũ valde probat vsum: neq; eas commoditates cõmendat. quas pecuniæ copia ad delitias & luxuriam affert: imò contrà magis improbat; & iis qui salui esse cupiũt reiciendas esse affirmat, quibus honestatẽ, modestiam, tẽperantiam, innocentiam, continentĩã, misericordiam, benignitatẽ & liberalitatem, atq; cetera Christianę pietatis officia suadet, omniaq; his contraria vitia detestatur & dissuadet, fastũ, luxum, delitias, voluptates, iniurias, direptiones, oppressiones pauperũ, operarũ iniquas redẽptiones, mercedum dilationes, retẽtiones aut fraudationes, fenora, vsuras, monopolia, preciorum nimias taxationes, &  
cætera

cætera omnia quæ vel ipsi agentibus  
 turpia, vel fratribus Christianis  
 damnosa, atq; etiam publicæ vti-  
 litati incômoda Deo iudice cen-  
 sentur. Nã qui populi Christiani  
 homines fratres suos esse existi-  
 marit, atq; eiusdẽ patris cômunis,  
 Dei videlicet iustissimi, misericor-  
 dissimi, & benignissimi filios ag-  
 nouerit, & sua ope egere intelle-  
 xerit, partim donâdo, partim mu-  
 tuando iuuet oportet, nulla spe  
 vel lucri vel fœnoris vel muneris  
 ductus; sed ob eam rem Deo patri  
 gratulatus, cuius beneficio hanc  
 beneficentiæ erga fratres facul-  
 tatem fuerit adeptus, quã certissi-  
 mo, optimo, incomparabiliq; præ-  
 mio ex diuina liberalitate pro-  
 missõ cariturã nõ esse speret. s. s. e.  
 Benefacite, & mutuũ date, nihil Luc.  
 inde sperâtes, & erit merces vestra

R. multa,

„ multa, & eritis filij altissimi, quia  
„ ipse benignus est super ingratos  
„ & malos. Estote ergo misericor-  
„ des, sicut & pater vester miseri-  
„ cors est. Ad hanc autem benefa-  
„ ciendi curā discipulis suis à Chri-  
„ sto impositā, illud grauiissimū prę-

Deut. 9. ceptum pertinet: Si vnus de fra-  
„ tribus tuis qui morātur intra por-  
„ tas ciuitatis tuæ in terra quā Dñs  
„ Deus tuus daturus est tibi, ad pau-  
„ pertatē deuenit; non obdurabis  
„ cor tuū, nec contrahes manū, sed  
„ aperies eam pauperi, & dabis mu-  
„ tuum quo eū indigere perspex-  
„ ris. Caue ne fortē subrepat tibi  
„ impia cogitatio, & dicas in corde  
„ tuo: Appropinquat septimū an-  
„ nus remissionis, & auertas oculos  
„ tuos à fratre tuo, nolens ei quod  
„ postulat mutuum cōmodare, ne  
„ clamet cōtra te ad Dominum, &  
fiat:



fiat tibi in peccatū, sed dabis ei: “  
 nec ages quicquā callidè in eius “  
 necessitatibus subleuandis, vt be- “  
 nedicat tibi Dominus Deus tuus “  
 in omni tempore, & in cunctis ad “  
 quæ manū miseris. Non deerunt “  
 pauperes in terrahabitationis tuę: “  
 ideo ego præcipio tibi vt aperias “  
 manum fratri tuo egeno & pau- “  
 peri qui tecum versatur in terra. “  
 Hoc Dei præceptū tantis æquita-  
 tis rationibus illustre, tantis pro-  
 missis cōmendatum, tantis minis  
 aduersus negligentes munitū sibi  
 ante oculos proponere & cogitare  
 studiosi discipuli Christi debēt, &  
 iis rebus præstare quibus per fa-  
 cultatē possint, atque illud rursus  
 cauere quod in eos qui in Deum  
 diuites non sunt, hoc est in sæculū  
 huius diuites à spiritu sancto est  
 pronuntiātū. Agite nunc diuites, *Jacob. 5.*

„ plorate ululátes in miseriis vestris  
„ quæ aduenient vobis. Diuitiæ ve-  
„ stræ putréfactæ sunt, & vestimēta  
„ vestra à tineis comesta sunt. Aurū  
„ & argentum vestrū æruginauit; &  
„ ærugo eorum in testimoniū vobis  
„ erit, & māducabit carnes vestras  
„ sicut ignis : thesaurizastis vobis  
„ iram in nouissimis diebus. Ecce  
„ merces operariorū qui messuerūt  
„ regiones vestras; quæ fraudata est  
„ à vobis, clamat, & clamor eorū in  
„ aures Domini Sabaoth introiuit.  
„ Epulati estis super terrā, & in lu-  
„ xuriis enutristis corda vestra.  
Luc. 6. Huic sententiæ illa horrēda Chri-  
„ sti cōminatio accedit: Vē vobis di-  
„ uitibus, qui habetis cōsolationem.  
„ vestrā: væ vobis qui saturati estis,  
„ quia esurietis: væ vobis qui ridetis  
„ nūc, quia lugebitis & flebitis. An-  
„ ne illud non etiā valde metuen-  
dum

dum horrendumque existimetur  
 quod de diuitibus à magistro no-  
 stro bis affirmatum; & asseuera-  
 tione addita confirmatū est? Amē <sup>Mat. 19.</sup>  
 dico vobis, quia diues difficilè in-  
 trabit in regnum cælorū: & iterū  
 dico vobis: facilius est camelū per  
 foramē acus transire, quàm diui-  
 tem intrare in regnum cælorum.  
 Hāc difficultatem ex eo oriri spi-  
 ritus sanctus docet, quòd diuitia-  
 rum appetitio & cura homines  
 fallat, atq; ab æquitatis & iustitiæ  
 via persæpe trāsuerfos agat. Nam  
 diues qui fieri vult, & citò vult  
 fieri: sed quæ reuerentia legū? quis  
 metus aut pudor est semper pro-  
 perantis avari? at verò ipsa facul-  
 tas, professio & copia, tam viros  
 quàm fœminas à quieto, innocē-  
 ti & modesto atque honesto vitæ  
 vsu ad luxum, vanitatē, pompam,

ad superbiam & cōtentionem, ad aliasq; diuinorum præceptorum violationes , & ad simplicitatis Christianæ despectiōē transportat, & magna vitia laudabilibus etiam nominibus decorare ac defendere contēdit, tantū humanus appetitus ad peccandum ipsa rerum terrenarum cōmoditate & oportunitate abuti solet. id quod vehementer cauendū Apostolus

Tim. 6. admonerat: Nam qui volunt diuites fieri, incidunt in tētationem  
 » & in laqueū diaboli & desyderia  
 » multa, inutilia & nociua, quę mergunt homines in interitū & perditionem. Radix enim omnium  
 » malorum, est cupiditas: quā quidam appetentes errauerūt à fide,  
 » & inferuerunt se doloribus multis. Quamobrē, vt ab huiusmodi fallaciis diuitiarum pij homines

caueant, spiritus sanctus per prophetam monet. Diuitiæ si affluat, Psal. 61: 6  
nolite cor apponere.

Neq; verò aut segniùs aut obscurius hæc sacra præceptoris nostri doctrina eos informat omnes qui Mercatorum & artificum officia  
ex mercatura aut artificio viuunt, & rē sibi comparare student. Hos enim Dñi timor & pœnitentiæ studium, atq; fraterna dilectio neminem hominem fallere docet: neque merces aut artificia adulterare aut aliàs immutare, imminuere, augere, aut minus diligēter quàm ratio naturaque rerum postulat, curare permittit, neq; precia auarè mutare & augere, neq; ponderum & mensurarum iura fraudare patitur. quippe huius generis dolosa flagitia omnia diuinę iustitiæ, simplicitatis & rectitudinis contēptu arguere, iudicem-

que illum omnium communē & supremum vehemēter offendere

**Prou. 11** sacra sapientia testatur . Statera

„ dolosa abominatio est apud Deū,

„ & pondus æquum voluntas eius:

**Prou. 20** & iterum. Pondus & pōdus, men-

„ sura & mensura, vtrumq; abomi-

„ nabile est apud Deum : neq; mi-

„ nus abominabilis est illa consue-

„ tudo rerum æstimationibus ini-

„ quis, periuris & compositis verbis

„ fratres circumueniēdi & fallēdi,

**Amos 8** sicut scriptū est . Audite hæc, qui

„ conteritis pauperem , & deficere

„ facitis egenos terræ, dicētes: Quā-

„ do transibit messis , & venūdabi-

„ mus merces ; & sabbathū, & ape-

„ riemus frumentum, vt imminua-

„ mus mensurā & augeamus siclū,

„ & supponamus stateras dolosas,

„ vt possideamus in argēto egenos

„ & pauperes pro calciamentis, &

quis-

quisquiliis frumenti vendamus? “  
 Iuravit Dominus in superbia Iacobi si oblitus fuero usq; ad finem “  
 omnia opera eorum. Nūquid super isto non commouebitur terra; “  
 & lugebit omnis habitator eius? “  
 Huiusmodi Dei offensionem atq; minas quicunque timebūt & verebuntur discipuli Christi, quancunque exercuerint artē, summa diligentia, fidelitate & sedulitate expediēt, modestissimosq; sese & æquissimos tum in opere tum in operis mercede & mercedū precio fratribus suis præbebūt, charitati magis & aliorum cōmodis quàm auaritiæ studentes, turpeq; lucrū omne cane & angue peius detestati, atq; suis artibus & partibus contenti, superbiā vitæ tāquam à sui muneris simplicitate alienissimam reiicient & contemnent.

Iam verò ut à publica hominū consuetudine & societate, ad priuatas & familiares necessitudines deducti, Christianorum domos subeamus, cuiusmodi singulorū in familia partes esse oporteat animaduertendum est, & quemadmodum hæc à Christianis Deo teste & spectatore peragantur, est obseruandum.

Fœmi-  
narum  
officiū.

Apud Christianas fœminas, quibus breuis hæc & communis disciplina constiterit, nulla superbia, arrogantiæ, iactantiæ, inuidiæ, fastus, detractiōis & maledicentiæ, nulla delitiarū, voluptatū, impudicæ, libidinosæ, aut otiosæ, curiosæq; cōsuetudinis cura, nullum iræ, odij, discordiæ & maleuolentiæ exemplū notabitur: imò cōtrā potius magnum honestatis, modestiæ, pacis, veritatis, charitatis, & sim-



& simplicitatis studiū : magnum  
 fidei & obedientiæ erga viros cō-  
 fortesq; suos testimoniū cōstabit.  
 Quippe omnia hæc virtutis veræ  
 ornamenta & certissima argumē-  
 ta, Dei timor, poenitentia exerci-  
 tatio, & sancta illa ac fraterna di-  
 lectio in Christianis fœminis con-  
 stituunt & firmant : quibus certa  
 & sancta præcepta à spiritu diui-  
 no proposita sunt cū significatio-  
 ne apertissima consilij, volūtatis-  
 que Dei, & notissimæ illius indi-  
 gnationis aduersus eas quæ officiū  
 suum prætermiserint vel neglexe-  
 rint. Mulieres viris suis subditæ <sup>Ephes. 3</sup>  
 sint, sicut Domino : quoniam vir<sup>“</sup>  
 caput est mulieris, sicut Christus<sup>“</sup>  
 caput est Ecclesiæ : ipse saluator<sup>“</sup>  
 corporis eius : sed sicut ecclesia<sup>“</sup>  
 subiecta est Christo, ita & mulie-<sup>“</sup>  
 res viris suis in omnibus. Huius<sup>“</sup>  
 modi

modi fœminas, quæ pietatem ex animo sincerè colunt, cultus nō is esse debet quæ exquisita materiæ & artis, atq; sumptuosa luxuries, atque adeò inhonesta parumque grauis forma spectabilem reddat, sed quem virtus ipsa & paret & ad Dei laudem, probitatisq; testimonium commendet, solamque Dei & virorū priorum gratiā spectet. Is enim maximus, gratissimus, probatissimus, ac perpetuus mundus muliebris erit, qui animum ornet, amabilemque Deo atq; viro proprio, cæteris verò venerabilē fœminā præbeat: quippe hunc piis fœminis diuinus spiritus Christiana muliere dignū cō-

1 Pet. 3. stituit & præscribit. Considerātes  
,, in timore castam cōuersationem  
,, vestram, quarum non sit extrinse-  
,, cus capillatura aut circundatio  
auri,

auri, aut indumenti, vestimento-  
 rum cultus: sed qui absconditus est  
 cordis homo in incorruptibilita-  
 te, quieti & modesti spiritus, qui  
 est in conspectu Dei locuples. Sic  
 enim aliquando & sanctæ mulie-  
 res sperantes in Deo ornabant se  
 subiectæ propriis viris. Has verò  
 quanquam proprii officij ratione  
 nec ignorare neq; negligere Deus  
 vult: non tamen aut garrulas, aut  
 disputatrices, aut sapientiam &  
 scientiam sibi arrogantes, neque  
 etiam auidas pluriū magistrorū,  
 aut variæ doctrinæ appetentes  
 probat, sed veræ pietatis, atq; can-  
 didæ simplicitatis cognitione cō-  
 tentas, exercitatione ipsā occupa-  
 tas esse iubet. Mulieres in eccle-  
 siis taceant, nō enim permittitur  
 eis loqui, sed subditas esse, sicut &  
 lex dicit. Si quid autem volunt  
 discere.

1 Cor. 14

discere, domi viros suos, interro-  
 gent: & iterum alio loco, Mulier  
 1 Tim. 2. in silentio discat cū omni subie-  
 ctione: docere autem mulieri non  
 permitto, neq; dominari in virū,  
 sed esse in silentio. Adā enim pri-  
 mus formatus est, deinde Eua: &  
 Adam non est seductus, mulier  
 autem seducta in præuaricatione  
 fuit. Saluabitur autē per filiorum  
 generationem, si permanserint in  
 fide & dilectione & sanctificatio-  
 ne cum sobrietate.

Contugū  
 officia.

Eadem etiā doctrinæ & disci-  
 plinæ ratio tribus illis capitibus  
 comprehensa, timoris Domini,  
 pœnitentiæ, atq; dilectionis frater-  
 næ Christianos viros in officio at-  
 que matrimonij casti fide conti-  
 net, vbi rectē ac legitimē cognita  
 susceptaq; fuerit, vxorū præterea  
 suarum amantes, atque adeo tan-  
 quam

quam sui ipsorum curatores & studiosos esse iubet: atque id potissimum in matrimonio excolendo negotium agendum suadet, ut vxoris æternæ salutis cōsulatur & prospiciatur tum monitis ad eā rem frequentandis, tum moribus propriis perpetuò vxori probandis, atq; si opus fuerit quibusuis discriminibus rerū damnis & vitæ etiā periculis ea causa subeūdis: cuius ad summam redactæ sententiæ illud à Spiritu sancto traditū præceptū est. Viri diligite vxores vestras, sicut & Christus dilexit ecclesiam, & se ipsum tradidit pro ea, ut illam sanctificaret, mundas eam lauacro aque in verbo, ut exhiberet ipse sibi gloriosam ecclesiā, nō habentē maculā aut rugā, aut aliquid huiusmodi, sed ut sit sancta & immaculata. Ita & viri debent.

„ debēt diligere vxores suas vt cor-  
 „ pora sua. Qui suam vxorē diligit,  
 „ se ipsum diligit. Nemo enim vn-  
 „ quam carnē suam odio habet, sed  
 „ nutrit & fouet eam, sicut & Chri-  
 „ stus ecclesiā; quia membra sumus  
 „ corporis eius, de carne eius, & de  
 „ ossibus eius. Propter hoc relin-  
 „ quet homo patrē & matrē suam;  
 „ & adhærebit vxori suæ, & erunt  
 „ duo in carne vna. Sacramentum  
 „ hoc magnū est. Ego autem dico  
 „ in Christo & ecclesia. Verūtamen  
 „ & vós singuli vnusquisq; vxorem  
 „ suam sicut seipsi diligit. Qui  
 „ verò ita diligit vxorem suam, ab  
 „ omni alieno amore impudicoque  
 „ continet, atque ab adulteriis quæ  
 „ impurissimè aliàs per viros cōi-  
 „ gio infidos excitari & committi  
 „ solent, prorsus abstinet.

Dome-  
 stica di-  
 sciplina.

Ex iisdem verò timoris diuini,  
 . poeni-

poenitentiae & dilectionis fraternæ fundamentis, quibusq; construuntur domus ac familiae Deo probatissimæ sunt, filiorum etiam educatio existit. virtutum omniũ ac pietatis veræ institutis & exemplis domesticis cõstructa, quæ filios ac seruos, familiamq; omnem in Christiano officio exercet & cõtinet, patres atque dominos timere ac reuereri sanctè pureq; docet, atque auctoritatem patris familiae Dei legibus stabilitã confirmat. Quamobrem vtrorumq; videlicet tam patrum familiarũ, quàm filiorum & seruorum, cura studiumq; fuerit, vt suas singuli partes, hi præcipiendo, hi obtemperando, atque alij alios iuuando diligenter expediant, omnesq; in vniuersum cõmunibus commodis ad pietatis cultum animo-

-rum

S rum;

rumque salutem consulant. Ita enim familiae à Spiritu sancto suū  
Eph. 6. officium cognoscere & curare iubentur. Filij, obedite parentibus  
,, vestris in Domino; hoc enim iustum est. Honora patrem tuum  
,, & matrem tuam, quod est mandatum primum in promissione,  
,, vt bene sit tibi, & sis longæuius super terram. Et vos patres, nolite  
,, ad iracundiam prouocare filios vestros, sed educate illos in disciplina & correptione Domini. Serui, obedite dominis carnalibus cū  
,, timore & tremore in simplicitate cordis vestri sicut Christo, nō ad  
,, oculum seruientes, quasi hominibus placentes, sed vt serui Christi, facientes voluntatem Dei ex  
,, animo cum bona voluntate seruientes sicut Domino & non hominibus. Sciētes quoniam vnusquis-



quisque quodcunque fecerit bonum, hoc recipiet à Domino, siue seruus, siue liber. Et vos domini eadem facite illis, remittētes minas, sciētes quia & illorum & vester Dominus est in cælis, & personarum acceptio non est apud eum.

Neque verò Christianæ disciplinæ & veritatis est, vt filij, quos diuino timore imbuit pietatis cognitione & exercitatione institui nutririq̃ à parentibus oportet, perueriæ atque corruptæ doctrinæ elementis instituantur, atque lata via ad perditionem tendente ducantur nutriti ab infantia in pompa, fastu, luxu, mundaniq̃ delitiis, impudicis voluptatibus dediti, lusus, cantusq̃ & sonos edocti turpissimos: factionū, inimicitiarum & dissensionū pa-

ternarum studia iam inde à primis annis cognoscētes & promouentes: ex quibus rebus euenit, vt Christianorum liberi, qui religionis, honestatis, reuerentiæ atque pietatis in Deum & parētes sanctissima & omni orbi expositissima exempla esse deberent, ipsa inhonestas, impudicitia, irreuerētia, atque aduersus Deum & proprios parentes ipsa impietas esse deprehendantur. Serui etiam & familiares propter frequētissima publicæ ac priuatæ improbitatis in ciuitatibus & familiis exempla, propter eorum negligentiam qui vindicare vlcisci quē legitimè deberent, infidelitatis, inobediētiæ, latrociniorum, furtorū, spoliationum quē, & domesticorum opprobriorum vasa capacissima sint, adeò vt omnia ferè familia-

ria officia , aliàs pura ac legitima  
 atque turbata corruptaque argu-  
 antur. Huiusmodi verò prodition-  
 es ac peruerſitates ibi naſci ma-  
 niſeſtum eſt , vbi Chriſtiani po-  
 puli veram, ſimplicem, puram &  
 ſeueram euangelij diſciplinã non  
 docentur: vel ſi docentur, propter  
 corruptam & inueteratã peccan-  
 di conſuetudinem , vel omnino  
 negligunt & contemnunt , vel ſi  
 maximè laudant & probant, non  
 tamen ita neceſſariam exiſtimãt,  
 vt cæteris omnibus quæ cum ipſa  
 pugnant, rebus anteponãt, atque  
 verbum Dei ab agricola rectè ſe-  
 minatum, tanquam viæ vel petræ  
 vel ſenticofa & ſpinofa loca exci-  
 piunt. Metui autem atque caueri  
 maximè oportuerit ne in nos illa  
 Domini querela pronunciata vi-  
 deatur. Stupor & mirabilia facta Ierem. 5.

„ sunt in terra; Prophetę propheta-  
„ bant mendacium, & sacerdotes  
„ plaudebant manibus: & populus  
„ meus dilexit talia, quid igitur fiet  
„ in nouissimo eius?

Porro denique quicumque ex  
peccatorum numero diuino ti-  
more inductus, iram atque indi-  
gnationem diuinam in se excita-  
tam, atque grauissimum & seue-  
rissimum mortis iudicium, quod  
ipse sibi molitur, attentę cogita-  
uerit, rursus verò gratiam, miseri-  
cordiam, cælestemque benedi-  
ctionem sibi, dum modò his tri-  
bus ornamentis coli & nitere cu-  
ra studiumque fuerit, paratam ac  
promptam animo menteque ex-  
pēderit, nisi idem plusquam im-  
pius, nisi reprobo omnino sit sen-  
su præditus; nihil dubiū est quin  
toto corde deliberatoque cōsilio  
à vitiis

à vitiis ad virtutem , à corruptione ad integritatem, ab infania ad sanitatem, denique à diaboli seruitute conuertatur ad clementissimum illum Dominum , qui feriam & studiosam peccatorum pœnitentiam adeò probat, vt iuramento addito sibi hanc optari confirmet magna voluntate & cupiditate promissa sua præstandi & beneficia sua exhibendi iis qui sperant in misericordia eius & conuertuntur ad cor . Per me<sup>ce</sup> metipsum iuraui , inquit , nolo<sup>ce</sup> mortem morientis , sed magis vt<sup>ce</sup> conuertatur à via sua mala & vi-<sup>ce</sup>uat . Qui habet aures audiendi<sup>ce</sup> audiat, atque ad pœnitentiam re-<sup>ce</sup>deat, si clementiam ab altissimo<sup>ce</sup> obtinere cupit : qui sanat contri-<sup>ce</sup>tos corde , & alligat contritiones<sup>ce</sup> eorum: cuius gratia, voluntate at-

que munere Christianum dictatum hoc ad condiscipulorum instructionem exceptum conscribebamus : cuius meditationem & exercitationem idoneam fore existimamus & oportunam ducimus, necessariamque credimus ad gratiam & salutem obtinendam ex benignitate Dei , cui sit honor & gloria in sæcula sæculorum. Amen.

Non fuit nobis cura hanc instructionem Christianam vel abundantiori orationis flumine amplificandi vel exquisito , ac vario verborum & ornamentorum genere excolendi , contentis communem salutis ac pietatis doctrinam neque longo nimis , neque etiam obscuro atque difficili sermone explicare , quam omnibus Christianorum ingeniis ad cognoscen-

gnosendum atque adeò ad tenendum habilem parare & exhibere exoptauimus, cupiētes magis res ipsas docere & exponere, quàm verba componere & exposcere. Huius autem dictati summa si subducatur, illa fuerit: Maxima & altissima dona, eademq; spiritualia ac diuina cunctis hominibus qui credere & accipere voluerint, esse promissa cum in hac vita, tum maximè in futura obtinenda, quorū arcana admirabilisque ratio iam acta, tractata atque expedita fuerit Iesu Christi filij illius mortis atque resurrectionis virtute & efficientia: eadem verò omnibus parari in promptuq; esse quicumque ipsius timore sancto imbuti & acti, legi ac præceptis obtemperauerint immaculatis & sacris, atque in fraterna dilectione

exercēda studium operamq; debitam posuerint. Siquidem sui timorem, obedientiam, cultū, atque seruitutem Deus vult & postulat, atq; his conditionibus promissa sua edidit, quibus ex propria gratia & benignitate seipsum obligauit. Atq; hoc est quod vnumquemq; Christianum, siue summo siue infimo constitutum loco, siue doctum siue indoctum & scire & præstare oportet.

Cætera verò quæ quæri, cognosci, & sciri poterāt ad priuatas singulorum vel ordinum vel hominum rationes pertinentia, in quibus falli, labi & errari aliquando accidit, eum non omnium iudicare aut præstare interfit, cōsulto prætermisimus, illud singulos atque vniuersos hortati, vt his tribus capitibus diligenter consideratis atque



que obseruatis eum locū singuli tueantur, quem pro tēpore, etate, vel electione, vel iure fuerint sortiti, non declinantes ad dexteram vel sinistram harum trium rationum; quibus diligenter obtentis, reliqua etiam quæ oportuna fuerint unicuique Deus secundum gradum ordinemque propriū cognoscenda curandaque suggeret. Quod si quid interim accidat aut extet quod decorum minusque quàm par erat probādum in aliis spectetur, ea non cuiusuis fuerit vel iudicare vel damnare vel mutare in aliorum muneribus & officiis, sed eam curam legitimis ministris & magistratibus propriis relinquere atque vineæ Dominum rogare vt operarios idoneos in vineam suam mittat, & messem ipse suam foueat, protegat,


gat, & promoueat. Miserebitur enim dubio procul Deus hæreditati suæ, atque illius prosperitati & fœlicitati cōsulet, idque apprimè probabit, vt nemo propter alterius cuiuspiam aut errati aut peccati exemplum à publica societate & concordia Catholicęq; Ecclesiæ Romanæ communione & obedientia discedat; sed vnusquisque non quid alius agat, sed quid ipse agere præstareq; debet, diligenter attendat, summoq; studio obseruet.

Antuerpiæ Nonis Octob. 1574.



FINIS.

VOLV MEN hoc cui titulus est D I-  
CTATVM CHRISTIANVM.  
Benedictus Arias Montanus, doctif-  
simis & æquissimis in Catholica Ro-  
mana Ecclesia censoribus examinar-  
dum, & legitimè, sincere ac seuerè  
iudicandum committebat. Antuer-  
piæ 15. Calend. Nouemb. 1574.

B. Arias Montanus. 

LOVANIENSIVM  
CENSORVM TESTI-  
MONIVM.

Hunc libellum per nos admis-  
sum Calendis Nouembribus,  
1574. testamur.

*Augustinus Hunæus.*

*Cornelius Reyneri Goudanus.*

*I. Molanus, censor librorum.*

ANTVERPIENSIVM  
CENSORVM IVDI-  
CIVM.

Dictatum hoc Christianum multas piis-  
simas habet cōtemplationes & exer-  
citia, quæ in commodum multorum  
non sine magno fructu typis excu-  
duntur.

*Sebastianus Baer Delphius insig.  
Cath. Ecclesiæ S. Mariæ Antuer-  
piensis Plebanus & Canonicus.*

Et nos eundem librum probamus.

*Franc. Sonnius Episcopus  
Antuerpiensis.*

ANTVERPIÆ EXCVDE-  
BAT CHRISTOPHORVS  
PLANTINVS ARCHI-  
TYPOGRAPHVS RE-  
GIVS, ANNO DOMINI  
M. D. LXXV.

ANTHONY RECORDS  
REPRODUCED BY  
ELANIS A. C. H.  
TYPESET BY  
G. D. L. L.  
M. D. L. L.



